

# ନଟୀର ଆଭିଶାପ

ମୌରାଣିକ ନାଟକ

ଶ୍ରୀପାଞ୍ଚକଡ଼ି ଚତୁଃପାଠ୍ୟାୟ ପ୍ରଣୀତ

ସୁପ୍ରସିଦ୍ଧ “ସତ୍ୟସ୍ଵର ଅପେରାୟ”

ସୁଧ୍ୟାତିର ସହିତ ଅଭିନୀତ ।

ପ୍ରକାଶକ—ଶ୍ରୀଗୋବର୍ଦ୍ଧନ ଶିଳ

ସ୍ଵର୍ଣ୍ଣଲତା ଲାଇଭ୍ରେରୀ,

୨୨।୧୩ ଅପାର ଚିଂପୁର ରୋଡ—କଲିକାତା ।

୧୭୭୨

নিউ গণেশ অপেরার বোধন বাঘের তালে তালে নেমে এসেছে  
নাট্যজগতে যুগের শ্রেষ্ঠ আকর্ষণ—

শ্রীযুক্ত বেণীমাধব কাব্যবিনোদের লেখনী-প্রসূত

## যুগান্তর

শূন্যে নহবৎ রব—চণ্ডীমণ্ডপে বিশ্বজননী দুর্গাপ্রতিমা—সংসারে  
আনন্দের হিলোল ;—সেই শান্তির শুভ মুহূর্তে মুক প্রাণীর বুকফাটা আর্ধ-  
চীৎকার ! কাঞ্চনের মোহে পতিপ্রাণার সতীত্বের গণ্ডী অতিক্রম !  
সাধুর নির্যাতন—আপাদমস্তক শৃঙ্খলিতা মায়ের লাঞ্ছনা—বুকের উপর  
প্রত্যক্ষ অগ্নিলীলা ! ধর্মের চরম অবমাননা ! আকাশে দ্বাদশ সূর্যের  
আবির্ভাব ! দুর্ভিক্ষ মহামারীর মিলিত অট্টহাসি ! ভূমিকম্পে বিশ্ব  
বিপর্যাস্ত ! মূর্তিমান কলির তাণ্ডব নর্তন ! সেই দুঃসহ মুহূর্তে ভারতে  
কঙ্কি-অবতার অবতীর্ণ ! দুর্নীতির বিনাশ—প্রকৃতি স্থির ! পাপের  
পূর্ণধ্বংস ! বিশ্বে অশ্রান্ত জলধারা ! কলির অবসান ! পৃথিবীর কোলে  
সত্যযুগ ! জগতে যুগান্তর ! মূল্য ২১ ছই টাকা ।

প্রেমের পূজা—শ্রীবেণীমাধব কাব্যবিনোদ প্রণীত । গণেশ অপেরায়  
অভিনীত । পূজারিণী—প্রেমময়ী চিরকুমারী অম্বা । পুরোহিত—কঠোর  
সাধক চিরকুমার ভীষ্ম । পুষ্প যোগাচ্ছে আঁধার উজ্জানে ফোটা নিশ্চাল্য ।  
ধূপ জ্বালিয়েছেন ঐহিক আশার বহু দূরে এসে অজানা পথে পা  
বাড়িয়ে মহারাজ শাব্ব । নৈবেদ্য পূজারিণীর পবিত্র হৃদয় । দীপের  
আলোকে পূজামণ্ডপ আলোকিত করেছেন, পূজারিণীর অগ্রজ দীপক ।  
শব্দরঙটা বাজাচ্ছেন—নিশান নাম ধারণ করে স্বয়ং নায়ায়ণ ।  
মূল্য ২১ ছই টাকা ।

# ভূমিকা

—•••—

কিছু না লিখিলে গ্রন্থের অঙ্গহানি হয়, তাই কিছু লিখিতে হইল। যাত্রাদলের নাটক লেখার মোহ আমার অনেক দিন হইতেই কাটিয়া গিয়াছে। কাবণ অবশ্য কিছু আছেই এবং সে কথার উল্লেখ করিতে গেলে ধান ভানতে শিবের গীত হইয়া পড়ে। যাহা হউক “হাম ছোড়নে মাংতা, লেকিন কমলি নেহি ছোড়্তা” এই প্রবাদ বাক্যটি শেষে আমার উপরেও প্রভাব বিস্তার করিল।

স্নেহাস্পদ শ্রীমান্ গোবর্দ্ধন শীলের সনির্ভঙ্ক অনুরোধ কোনরূপে এড়াইতে না পারিয়া আবার আমায় পুরাণ-সমুদ্র-মহুনে প্রবৃত্ত হইতে হইল। এখন সুধা উঠিল কি গরল উঠিল, সে বিষয়ের বিচারের ভার পাঠকের।

নাটকীয় ঘটনাটি অতি পুরাতন হইলেও আমি তাহাতে নূতনত্বের ছাপ দিয়াছি। ঘটনার ঘাত-প্রতিঘাতে সাধ্যমত চেষ্টায় সৃষ্টি করিয়াছি আধুনিক যুগের আবহাওয়া।

অর্জুনের স্বর্গ গমন এবং উর্ধ্বশীর অভিষাপ ~~বহন~~ করিয়া প্রত্যা-  
বর্তন আখ্যায়িকার মূল বিষয়—তার সঙ্গে পৌরাণিক ঘটনার ডালপালা কল্পনার কটাহে ফুটাইয়া যে অভিনব ব্যঞ্জনের সৃষ্টি করিয়াছি, তার পরিবেশনের ভার লইয়াছে শ্রীমান্ গোবর্দ্ধন শীল। আশা করি, সহস্রর সুধী পাঠকবৃন্দ আনন্দ গ্রহণে পরিতৃপ্ত হইবেন। ইতি—

প্রস্তুকার

শ্রীফণিভূষণ মুখোপাধ্যায় বিদ্যাবিনোদ বিরচিত

## মায়ের দেশ

দেশের গৌরব—দেশের প্রিয়—বাংলার আদর্শ !  
আর্য্য-অশেরার অপরূপ গৌরবোজ্জ্বল সুবিরাট সত্যমূর্তি নাটক !  
মায়ের দেশ—সংসারের অতুলনীয় যুদ্ধ-কাহিনী !  
মায়ের দেশ—দেশ-মাতৃকার পূজারী-পূজারিণী সৃষ্টি-নৈপুণ্যের আধার !  
মায়ের দেশে আছে—

দেশের কথা—মর্যাদানাশের ব্যথা—আভিজাত্যের অভিমান—  
শ্রায়ের সঙ্গে অশ্রায়ের বিরোধ—অত্যাচারের সঙ্গে অত্যাচারিতের  
নিদারুণ প্রবল সজ্বাত ! মূল্য ২, দুই টাকা ।

**পুষ্প-সমাধি** শ্রীযুক্ত বিনয়কৃষ্ণ মুখোপাধ্যায় প্রণীত  
ঐতিহাসিক নাটক । বিধবা ব্রাহ্মণকণ্ঠার গর্ভে কবীরের জন্মগ্রহণ—সমাজলাঞ্ছিতা  
ব্রাহ্মণকণ্ঠা কর্তৃক কবীরকে পরিত্যাগ—জনৈক জোলা-গৃহে প্রতিপালন ও  
রামানন্দ স্বামীর শিষ্যত্ব গ্রহণ—কাশীরাজ বীরসিংহ কর্তৃক কবীরকে আশ্রয়দান—  
দিল্লীর বাদসাহের সহিত বীরসিংহের ভীষণ যুদ্ধ—কবীরের শবদেহ পুষ্পে পরিণত  
প্রভৃতি । মূল্য ২, দুই টাকা ।

**রাম-কৃষ্ণ** শ্রীযুক্ত ফণিভূষণ বিদ্যাবিনোদ প্রণীত পৌরাণিক  
নাটক । কংস কর্তৃক ধনুর্যজ্ঞ অনুষ্ঠান, কংসের প্রহেলিকাময় জন্ম-বৃত্তান্ত, দ্রুমিল  
দৈত্যের অভিনব কার্য্য কলাপ, দ্রুমিল দৈত্য বধ প্রভৃতি । মূল্য ১৫০ সাতসিকা ।

**পার্শ্ব-বিজয়** পণ্ডিত পঞ্চভূষণ কবিরত্ন প্রণীত পৌরাণিক  
পঞ্চাঙ্ক নাটক । নাগরাজ ইলাবস্তুর বাল্যজীবন হইতে মৃত্যুকাল এবং মণিপুরপতি  
বক্রবাহনের রাজ্যাভিষেক হইতে তৃতীয় পাণ্ডব পার্থের যজ্ঞাশ্বধারণ ও কুরুক্ষেত্রে  
সমর ও পার্শ্ব-বিজয় পর্য্যন্ত ঘটনার অপূর্ণ সংযোজন । মূল্য ২, দুই টাকা ।

**বজ্রনাভ** শ্রীব্রজেন্দ্রকুমার দে এম, এ প্রণীত । বজ্রপুরাধিপতি  
বজ্রনাভ কর্তৃক অহিচ্ছত্র আক্রমণ ও ধ্বংস—যুদ্ধে হারকা-শক্তির সাহায্য—  
বজ্রপুরের বিরুদ্ধে প্রহ্মায় ও অহিচ্ছত্রাধিপতি অরিন্দমের রণ-অভিযান—  
বজ্রনাভের নিধন—বজ্রপুর-রাজকণ্ঠা প্রভাবতীর সহিত প্রহ্মায়ের বিবাহ প্রভৃতি ।  
মূল্য ২, দুই টাকা ।

# চরিত্র

—পুরুষ—

নারায়ণ, ইন্দ্র, জয়ন্ত, কার্তিকেয়, শনৈশ্চর ।

কলহাসুর	...	...	...	দানবপতি ।
বজ্রবাহু	...	...	..	ঐ সেনাপতি ।
দারুক	...	..	.	ঐ পারিষদ ।
কুবের	...	...	...	যক্ষপতি ।
অর্জুন	...	...	...	তৃতীয় পাণ্ডব ।
কশ্যপ	...	...	...	ঋষি ।
হিরণ্ময়, মৃগ্ময়, কুবলয়	} ...	} ...	} ...	সেনানায়কগণ ।

জরাসুর, গন্ধর্ষরাজ, চর, দেবগণ, সুখ, হুংখ, সৈন্তগণ,  
নাগরিকগণ, রক্ষিগণ ইত্যাদি ।

—স্ত্রী—

লক্ষ্মী, শচী ।

দ্বিতি ও অদ্বিতি	...	...	...	কশ্যপ-পত্নী ।
মানসী	...	...	...	দানব-সম্রাজ্ঞী ।
উর্ধ্বশী	...	...	...	অম্বর ।

অরা, নর্তকীগণ, দেববালাগণ, গন্ধর্ষকুমারীগণ,  
বৈকুণ্ঠবাসিনীগণ ইত্যাদি ।

—

প্রসিদ্ধ প্রসিদ্ধ যাত্রাদলে অভিনীত নূতন নূতন নাটক

শ্রীবিনয়কৃষ্ণ মুখোপাধ্যায় প্রণীত পুষ্প-সমাধি সত্যম্বর অপেরায় অভিনীত—২১	শ্রীভোলানাথ কাব্যশাস্ত্রী প্রণীত নরকাসুর গণেশ অপেরায় অভিনীত—২১
শ্রীফণিভূষণ বিজ্ঞাবিনোদ প্রণীত মায়ের দেশ আর্য্য অপেরায় অভিনীত—২১	শ্রীপাঁচকড়ি চট্টোপাধ্যায় প্রণীত অনার্য্য-নন্দিনী ভাণ্ডারী অপেরায় অভিনীত—২১
শ্রীপাঁচকড়ি চট্টোপাধ্যায় প্রণীত নবাব মীরকাশিম সত্যম্বর অপেরায় অভিনীত—২১	শ্রীবিনয়কৃষ্ণ মুখোপাধ্যায় প্রণীত ত্রিশক্তি লোহিত অপেরায় অভিনীত—২১
পণ্ডিত পঙ্কজভূষণ কবিরত্ন প্রণীত পার্থ-বিজয় নারায়ণ অপেরায় অভিনীত—২১	শ্রীবিনয়কৃষ্ণ মুখোপাধ্যায় প্রণীত যতুপতি সত্যম্বর অপেরায় অভিনীত—২১
শ্রীব্রজেন্দ্রকুমার দে এম, এ, প্রণীত বঙ্কনাভ গণেশ অপেরায় অভিনীত—২১	শ্রীবিনয়কৃষ্ণ মুখোপাধ্যায় প্রণীত স্বদেশ নট্ট কোম্পানী কর্তৃক অভিনীত ২১
শ্রীবিনয়কৃষ্ণ মুখোপাধ্যায় প্রণীত রক্ত-মুকুট সত্যম্বর অপেরায় অভিনীত—২১	শ্রীফণিভূষণ বিজ্ঞাবিনোদ প্রণীত রামানুজ ভাণ্ডারী অপেরায় অভিনীত—২১
শ্রীভোলানাথ কাব্যশাস্ত্রী প্রণীত জাহ্নবী গণেশ অপেরায় অভিনীত—১০	শ্রীযুক্ত শশাঙ্কশেখর বন্দ্যোপাধ্যায় প্রণীত নবাব সিরাজদ্দৌলা ভাণ্ডারী অপেরায় অভিনীত—২১
শ্রীগোবর্দ্ধন শীল প্রণীত বিদর্ভ-নন্দিনী সত্যম্বর অপেরায় অভিনীত—২১	শ্রীযুক্ত শশাঙ্কশেখর বন্দ্যোপাধ্যায় প্রণীত অসবর্ণা সত্যম্বর অপেরায় অভিনীত—২১

প্রাপ্তিস্থান—স্বর্ণমতা লাইব্রেরী

২৫৩ নং ভারক চ্যাটার্জী সেন, পোঃ হাটখোলা, কলিকাতা।

# নীর অভিষাপ

—:():—

প্রথম অঙ্ক

প্রথম দৃশ্য

ত্রিদিবধাম—পথ

হিরণ্ময় ও মৃন্ময়ের প্রবেশ

হিরণ্ময় । ব্যাপারখানা শুনেছ ভায়া ?

মৃন্ময় । কি ব্যাপার ? রাজনৈতিক ?

হিরণ্ময় । আরে না—না, একেবারে নীতিবিরুদ্ধ !

মৃন্ময় । ত্রিদিবধামে নীতিবিরুদ্ধ ব্যাপার ! না—না, তুমি আমার ঠাট্টা করছো !

হিরণ্ময় । না বন্ধু, না ; তুমি তো আমার জীর সহোদর নও যে, ঠাট্টার পাত্র হবে ?

মৃন্ময় । তা হ'লে সত্যি ?

হিরণ্ময় । একেবারে নির্জলা সত্যি । এ তো আর মর্ত্যধাম নয় যে কথার পাষণ্ড ভেঙ্গে নিতে হবে । মর্ত্যবাসী মানব হাঁসের মত বুদ্ধি নিয়ে চলাফেরা করে—জল মেশানো ছুধ থেকে হাঁস যেমন ছুধটুকু খেয়ে নের—মর্ত্যের মানব যারা বুদ্ধির হাঁস, তারাও ঠিক তেমনি বার ক'রে নিতে পারে খাঁটি সত্যটুকু বাক্যের বুদ্ধি থেকে !

## অভিশাপ

যদি এই ত্রিদিবধামে মিথ্যাটার চলন থাকতো—আমরাও হয় তো পারতুম।

মৃন্ময়। বাক্যিছটা বন্ধ কর বন্ধ, আসল ব্যাপারটা খুলে বল।

হিরণ্ময়। ত্রিদিবের তোরণদ্বার রক্ষার ভার পড়েছে আমাদের উপর—

মৃন্ময়। তা তো জানি।

হিরণ্ময়। কিন্তু কেন বল তো?

মৃন্ময়। ঐ ‘কেন’ টুকুই তলিয়ে বোঝবার তো কোন দিন চেষ্টা করি নি ভাই! হুকুমের চাকর, হুকুম পেয়েছি—অমনি ছুটেছি।

হিরণ্ময়। হুকুম পেলে আর অমনি ছুটলে? একটু ভেবে দেখলে না?

মৃন্ময়। হুকুম তামিল করতেই যে আমাদের জন্ম; ভাবতে গেলেই হয় তো উপরওয়ালার মনে করবেন, আমি ইতস্ততঃ করছি তাঁর আদেশ পালন করতে, চাই কি ফলং দণ্ডও তো হ’তে পারে?

হিরণ্ময়। আমার তো হুকুমটা শুনেই সন্দেহ হ’লো।

মৃন্ময়। কেন?

হিরণ্ময়। তোরণদ্বারে প্রহরী আগেও ছিল, এখনও আছে, ভবিষ্যতেও থাকবে। কিন্তু অকস্মাৎ এই উপরি আয়োজন কেন? প্রহরীরা যাতে প্রহরায় শৈথিল্য প্রকাশ না করে, আর প্রয়োজনের গুরুত্ব বিবেচনা ক’রে রক্ষকের শক্তি বৃদ্ধি করতে এটা যে উপরওয়ালার নূতন বন্দোবস্ত, এ খেয়ালটা চট ক’রে মাথায় এসে গেল। একটুখানি খুপ্ত অনুসন্ধান করতেই ব্যাপারটা জেনে ফেললুম!

মৃন্ময়। এই জন্তেই তো তোমার বুদ্ধির তারিফ করি বন্ধ! যাক, এখন ভূমিকা ছেড়ে আসল কথাটা শুনিবে দাও।



## পীর-৩৩ অভিশাপ

হিরণ্ময় । ব্যাপার হ'চ্ছে—তিনি আসছেন ।

মৃন্ময় । তিনি কিনি ?

হিরণ্ময় । ভয়ানক তিনি ।

মৃন্ময় । ভয়ানক তিনি কি রকম ?

হিরণ্ময় । অর্থাৎ মর্ত্যের মানব যার ভয়ে থরহরি কম্পমান !

মৃন্ময় । তুমিও যে ভয়ে কাঁপতে শুরু করলে ?

হিরণ্ময় । কাঁপতেই হবে । আমি কাঁপছি—তুমিও কাঁপবে, শুধু  
তাই নয় ভায়া, ত্রিদিববাসীরও হৃৎকম্প শুরু হবে ।

মৃন্ময় । [ হিরণ্ময়কে জড়াইয়া ধরিয়া ] এঁ্যা ! বল কি বন্ধু ? আমার  
যে এখন থেকেই কাঁপুনী শুরু হ'লো !

হিরণ্ময় । ঠ্যালা বোঝ ! তবু এখনো সবটুকু শোন নি—

মৃন্ময় । আর শুনে কাজ নেই দাদা, আমার কেমন দম্ বন্ধ হ'য়ে  
আসছে !

হিরণ্ময় । তবেই বোঝ, ব্যাপারটা নেহাত সোজা নয় !

মৃন্ময় । মোটেই না । আচ্ছা বন্ধু !—

হিরণ্ময় । কি বলছো ?

মৃন্ময় । বলছি, দ্বিতীয় রাবণ-টাণ্ডা জন্মালো নাকি ?

হিরণ্ময় । তার তুলনায় রাবণ তো শিশু ।

মৃন্ময় । এঁ্যা, বল কি ! রাবণ শিশু ?

হিরণ্ময় । শুধু শিশু নয়—ছুৎপোষ্য শিশু !

মৃন্ময় । ওরে বাবা রে—ছুৎপোষ্য শিশু ?

হিরণ্ময় । শুনেছি, যে দেবাদিদেব মহাদেবকে রাবণ পূজো করতো,  
সে নাকি সেই মহাদেবের সঙ্গে লড়াই করেছে ।

## অভিশাপ

মৃন্ময় । এঁগা, বল কি !

হিরণ্ময় । শুধু লড়াই করা নয় বন্ধু, লড়াইয়ে হারিয়ে দিয়ে মহাদেব বেচারীর যেটা প্রধান অঙ্গ সেখানি হাতিয়েছে ।

মৃন্ময় । হাতিয়েছে ! ওরে বাবা রে !

হিরণ্ময় । তিনিই আস্ছেন এই ত্রিদিবধামে—মর্ত্যের কাজ শেষ ক'রে ।

মৃন্ময় । আঃ, বাঁচা গেল !

হিরণ্ময় । বাঁচা গেল কি রকম ?

মৃন্ময় । তিনি তো সেখানে দেহ রেখে পুণ্যের জোরে আস্ছেন এই ত্রিদিবধামে ?

হিরণ্ময় । কে বললে ?

মৃন্ময় । তবে ?

হিরণ্ময় । আস্ছেন সশরীরে । তবে আর বলছি কি !

মৃন্ময় । তা হ'লে উপায় ?

হিরণ্ময় । উপায়ের বাইরে ; চাকরী যখন করছো বন্ধু, ছকুম তামিল করতেই হবে, তাতে তোমাদের যত লাঞ্ছনাই হোক—আর যত দুর্দশাই হোক ।

মৃন্ময় । হায় বে চাকরী !

হিরণ্ময় । আপশোষ ক'রে ফল কি ভাই, আমরা চাকরীজীবী আমাদের পুত্র পৌত্রও অবলম্বন করবে এই পথ ! এতেই আমরা অনুভব করি অপরিমেয় গৌরব—কারণ আমরা রাজার ভৃত্য ।

মৃন্ময় । এই গৰ্ব্বটুকু অনুভব ক'রেই আমরা নিজের মস্তক নিজে চর্কণ করছি । চল দাদা, লাঞ্ছনা আর যন্ত্রণাকে আবাহন ক'রে নিয়ে আসি—

### কার্তিকেয় প্রবেশ করিল

কার্তিকেয় । তোমরাই না নগরের তোরণদ্বার রক্ষায় নিযুক্ত হয়েছ ?  
আদেশ প্রাপ্তিমাত্র কর্মস্থানে না গিয়ে এখানে দাঁড়িয়ে অযথা কাল-  
ক্ষেপ করছো ?

হিরণ্ময় । কালক্ষেপ আর করছি কৈ সেনাপতি মহাশয়, বরং বলা  
যায়, আমরা করছি সময়ের সদ্যবহার !

কার্তিকেয় । মানে ?

হিরণ্ময় । আজ্ঞে, আগন্তুকের সঙ্গে যুদ্ধ করতে হবে কি ?

কার্তিকেয় । নিশ্চয়ই ; কারণ কোন দেহধারী মানবের পুরী  
প্রবেশের অধিকার নেই ।

হিরণ্ময় । তবেই দেখুন, এইখানেই প্রমাণ হ'য়ে গেল যে আমরা  
করোছি সময়ের সদ্যবহার ।

কার্তিকেয় । কি করছিলে তোমরা ?

হিরণ্ময় । আমরা ব্যূহ রচনার একটা নূতন প্রণালী উদ্ভাবনের  
চেষ্টা করছিলাম ।

কার্তিকেয় । উদ্ভাবন করেছ ?

হিরণ্ময় । আজ্ঞে, তোড়জোড় করছিলাম ।

কার্তিকেয় । শুধু তোড়জোড় করছিলে ? অপদার্থ !

### শনৈশ্চরের প্রবেশ

শনৈশ্চর । আমায় ডেকেছেন ?

কার্তিকেয় । হ্যাঁ—যুদ্ধ-বিগ্রহে চিরদিনই আপনি আমার সহকারী ।  
আজ নগরতোরণ রক্ষার ভার আমাদের উপর । প্রহরীরা যদি

## দেবতার অভিশাপ

বাধা দিতে সক্ষম না হয়, আমার অর্ধেক সৈন্য নিয়ে আপনি সে  
আগন্তুককে বাধা দেবেন ; আপনি অকৃতকার্য হ'লে, সমস্ত দেবশক্তি  
নিয়ে আমি আপনার সহায়তা করবো । মোটকথা, এইটুকু মনে রাখবেন,  
যেন তুচ্ছ জরামরণশীল মানবের কাছে দেবতার মর্যাদা ক্ষুণ্ণ না হয় !

শনৈশ্চর । দেব-সেনাপতি,  
বিস্ময় মানিনু আমি শুনিয়া বারতা !  
কোন্ শক্তি বলে বলীয়ান মর্ত্যের মানব  
রণে হবে আশুয়ান দেবতার সনে ?  
আমি শনৈশ্চর, অজ্ঞ না ধরিয়া  
শুধু দৃষ্টি বলে বিপর্যয় করি প্রকৃতির !  
সেই আমি—যাবো  
করিবারে মল্লরণ মানবের সনে !  
মৃত্যুজয়ী দেবতার  
এ হ'তে মরণ ছিল ভাল ।

কার্তিকেয় । নহি তুমি আমি শুধু,  
চিন্তিত অমরকুল দেবেন্দ্র সহিত  
আগন্তুক মানবের লাগি ।  
সেই উৎকর্ষা হ'তে  
মুক্তি দিতে দেবরাজে,  
আমরাই হইব অগ্রণী ।

শনৈশ্চর । ভাল, সেনাপতি তুমি,  
আমি সহকারী—  
বাধ্য আমি আজ্ঞা তব করিতে পালন !

## স্বপ্ন অভিশাপ

তবে প্রতিজ্ঞা আমার—  
ব'লে রাখি, গুন সেনাপতি,  
মানবের সনে রণে  
শনৈশ্চর কভু না ধরিবে অঙ্গ,  
দৃষ্টি বলে সে হীন মানবে—  
ভস্মে করি পরিণত উড়াবো পবনে ;  
সেই ভস্ম ফিরে যাবে মরতে আবার ।

কার্তিকেয় । বলিবার নাহি কিছু ।  
দেবতার রাখিতে সম্মান,  
কর তুমি যেবা মনে লয় !

[ প্রশ্নান ।

শনৈশ্চর । কাঠের পুতুলের মত তোমরা আর দাঁড়িয়ে কেন  
বাপধনেরা ? গুটী গুটী এগিয়ে পড়—সময়ে আমার দেখা পাবে—

[ প্রশ্নান ।

### গীত

হিরণ্ময় ।— চল গুটী গুটী হাঁটি হাঁটি চাকরী বাজাতে ।  
মৃন্ময় ।— মরণ হওয়া ছিল ভাল এতে লাঞ্ছনা যে হাতে হাতে ॥  
উভয়ে ।— যারা জন্ম মৃত্যুর দাস,  
তারাই করবে হাড়ির হাল, ড'ল্বে বুকে বাশ,  
রক্তধাসে কিরূতে হবে ক'রে হা হতাশ,  
গুধু মানটী বাগাতে ॥

[ প্রশ্নান ।

## দ্বিতীয় দৃশ্য

ত্রিদিব—নগরতোরণ সন্নিকটস্থ পথ

গাহিতে গাহিতে জ্বাসুর, জরা ও বাতব্যাধির প্রবেশ

### গীত

সকলে।— কোন্ লগ্নে অম্বকূলে এসেছি তিনটি বতন।

ছোট জাত ছোঁষ নাকে। কেউ সমান মোদেব মবণ-বাঁচন।

জ্বাসুর।— আমি জ্বাসুর—একাধাবে কল্প, পালা, কালা,

পরশ দিলেই চক্ষু স্থির—সবাই ঝালাপালা ;

জরা।— পতিব্রতা সতী আমি,

তাই তো পতির অনুগামী,

যেবনে দিবে জবা কাটাই সবার ভবের বাঁধন।

বাতব্যাধি।— আমি এঁদের পরগাছা,

বঞ্জীব দাস বেটের বাছা,

ঝাঁঝালো আমার বিবে—ঘুটিয়ে দিই গো নডন চডন।

বাতব্যাধি। আর তো পাবা গেল না বাবা—

জ্বাসুর। কেন বাবা বাতব্যাধি, এতখানি অসহ হ'লো তোমার  
কিসে ?

বাতব্যাধি। কিসে তা কি আবার নতুন ক'রে বলতে হবে বাবা ?  
বহুস যত বাড়ছে তোমার, ততই তোমায় আশ্রয় করছে ভীমরথি !  
একই পিতার ঔরসে জন্ম দেবতা আব অসুর—একই জন্মভূমির কোলে  
লালিত পালিত, তবুও জাতি আর বর্ণ নিয়ে তাদের মধ্যে দলাদলি ;  
কেউ কারো প্রাধান্য মানতে চায় না। আমরা আবার এই দুই

## অভিশাপ

পর্যায়ের বাইরে—অধম অম্পৃশ্য। দেবর্ষি নারদ অম্পৃশ্যতা বর্জন ব্যাপার নিয়ে দেবসমাজে একটা আন্দোলন শুরু করবেন ব'লে কথা দিলেন; হরিনামে পাগল ঋষি—সে কথা ভুলেই গেলেন! কিন্তু বাবা, তোমাদের তো উচিত ছিল কথাটা তাঁকে স্মরণ ক'রে দেওয়া? এত কষ্ট আর ক'দিন সহিবো বল তো?

জরা। কষ্ট নয়? স্বর্গে আমাদের চোকবার অধিকার নেই, দৈত্যদের নিজস্ব পুরী পাতালেও আমাদের স্থান নেই। আমরা কি যাযাবরের মত পথে পথেই ঘুরে বেড়াবো?

জরাসুর। সবই সময় সাপেক্ষ গিন্ধি—সবই সময় সাপেক্ষ!

বাতব্যাধি। বলি, ধৈর্যেরও তো একটা সীমা আছে বাবা?

জরাসুর। ধৈর্যধারণ ভিন্ন অন্য পথ নেই বাপধন! দেব-দানবের মধ্যে হেঁসাত্বেষি রেষারেষি যে রকম বিপুলভাবে বেড়ে চলেছে, তাতে একের পতন অন্যের উত্থান অবশ্যজ্ঞাবী। তখন আসবে আমাদের সুযোগ। তা ব'লে আমাদের ঘুমিয়ে থাকলে চলবে না বাপধন!

বাতব্যাধি। কি করতে বল?

জরাসুর। নিজের নিজের শক্তি যে যতটুকু পার কাজে লাগাতে হবে—ওদের উপর দিয়ে।

বাতব্যাধি। ওদের বাগে পাই কই বাবা? ওদের ত্রিসীমানায় যে যাবার অধিকার নেই আমাদের!

জরা। বোঝ্ বাবা বাতব্যাধি, বোঝ্—একেই বলে ভীমরথি ধরা।

জরাসুর। সবই জানি গিন্ধি, সবই বুঝি! তবু কেন বলছি জান?

সুযোগ আসছে!

বাতব্যাধি। সুযোগ আসছে?

## অভিশাপ

জরা। কি বলছো তুমি ?

জরাসুর। বলছি ঠিক ! ভুবনবিজয়ী এক মর্ত্যের মানুষ আসছে এই পথে, সে চায় দেবরাজের সঙ্গে সাক্ষাৎ করতে। বুঝে দেখ, মানুষের স্পর্ধা ! দেহধারী মানবের দেবলোকে আগমন দেবতার মর্যাদায় আঘাত করবে। তাই সমস্ত দেবশক্তি নিয়োজিত হবে তাকে বাধা দিতে—আমরা সেই মানবকে সাহায্য করবো।

জরা। আমাদের সাহায্য পেলে কি সেই সামান্য দুর্বল মানব ত্রিদিবধামে প্রবেশ করতে সক্ষম হবে ?

জরাসুর। দুর্বল কি বলছো গিনি, ভুবনবিজয়ী সে, মহেশ্বর ভোলানাথও একদিন পরাজিত হয়েছেন তার সঙ্গে মল্লযুদ্ধে !

বাতব্যাধি। তা হ'লে যা হয় একটা কিছু ক'রে ফেল বাবা ! বিষ থাকতে চোঁড়ার মত মুখ লুকিয়ে আর থাকতে পারি নি বাবা।”

জরাসুর। ছোবল মারবার জন্তে তৈরি হও, সেই মহামানব আসতে যা দেবী।

জরা। তোমার মতলব কিছুই বোঝা যায় না। বলি, ছোবল মারতে তো তৈরি হ'তে বলছো, বলি, ছোবলটা মারা হবে কাকে ? ঐ মহামানবকে নাকি ?

জরাসুর। ধ্যেৎ ! নারী বুদ্ধি কিনা ! তোমাদের আর বোঝবার দরকার নেই, শুধু তৈরি থাক। আগে তিনি আসুন—ঐ যে আসছেন, প্রস্তুত হও তোমরা।

### অর্জুনের প্রবেশ

অর্জন। পিতা স্বর্গঃ পিতা ধর্মঃ

পিতাহি পরমস্তুপঃ,



## পিতার অভিশাপ

পিতার প্রীতিমাপনে  
প্রিয়ন্তে সৰ্বদেবতাঃ ।  
সখার আদেশে  
পিতৃপদ করিতে বন্দনা  
আসিয়াছি হেথা ।  
বাসনা-পুরণ-পথে  
দেখিতেছি বাধা শত শত !  
শুনিলু বারতা,  
দৈব অঙ্গে সুসজ্জিত দেব অনীকিনী  
সমবেত তোরণ-দ্বারে  
বাধা দিতে মোরে পুরী প্রবেশিতে ।  
বিনা যুদ্ধে নাহি পথ পুরী প্রবেশের !

[ জরা ও বাতব্যাধি অর্জুনকে আক্রমণ উত্থোগ করিল ।

অর্জুন ।      স্তব্ধ হও ঘৃণিত অধম,  
                    পাদক্ষেপে মরণে বরিতে হবে ।

[ জরা ও ব্যাতব্যাধি স্তম্ভিত হইল । ]

জরাসুর ।      বোকামীতে তোমাদের জোড়া নেই । বলি, একটু  
ধৈর্য্য ধর । মহাশয়, নমস্কার—

অর্জুন ।      [ প্রতি নমস্কার করিয়া ]      কে তুমি ?

জরাসুর ।      ভাগ্যতাড়িত অসুর—নীচকূলে জন্মগ্রহণ করেছি ব'লে  
অসুর-সমাজে আমাদের স্থান নেই, দেবলোকের পথও বন্ধ । স্ত্রী-পুত্রের  
হাত ধ'রে পথে পথে ঘুরে বেড়াই গৃহহীন যাযাবরের মত ।

অর্জুন ।      কি চাও ?

## অভিশাপ

জরাসুর । একটু সাহায্য—

অর্জুন । উত্তম ! এসো বন্ধু—[ জরাসুরের হাত ধরিতে গেল—  
জরাসুর কয়েকপদ সরিয়া গেল । ]

জরাসুর । স্পর্শ করবেন না—স্পর্শ করবেন না, আমরা যে অস্পৃশ্য !

অর্জুন । না—না, শ্রীভগবানের সৃষ্টজীব সবাই সমান, কেউ কারো  
অস্পৃশ্য নয় । বল বন্ধু, আমি তোমার কি উপকার করতে পারি ?

জরাসুর । ওরে, তোবা লুটিয়ে পড়, মহামানবের পায়েব তলায়  
লুটিয়ে পড় । মহামুভব, আপনাকে সহস্র ধন্যবাদ ! উপস্থিত আমাদের  
কোন প্রয়োজন নেই, তবে আসবে যখন সেদিন, আমরা আপনার  
শরণাপন্ন হবো । উপস্থিত আমরা এসেছি আপনারই প্রয়োজনে—

অর্জুন । আমার প্রয়োজনে ?

জরাসুর । ত্রিদিব-প্রবেশে আমরা আপনার সহায়তা করবো ।

অর্জুন । তা যদি কর বন্ধু, আমি চিরকৃতজ্ঞ হ'য়ে থাকবো তোমাদের  
কাছে ।

জরাসুর । অমরদলের সঙ্গে একেশ্বর সংগ্রাম করতে হবে আপনাকে,  
আমরা তিনজনে তিনটি মন্ত্রপুতঃ অস্ত্র দেবো—যার বলে যুদ্ধজয়  
অনিবার্য্য ।

অর্জুন । দেবে বন্ধু ?

জরাসুর । এই নিন । এটি জরাসুরের শূল, এর একটা আঘাতে  
আততায়ী জরাক্রান্ত হ'য়ে ভূমিশয়া গ্রহণ করবে ।

জরা । ধর মহাপ্রাণ মহামানব, এই মন্ত্রপুতঃ শৈথিলী-বাণ, এর  
আঘাতে আততায়ী মহাশক্তিমান্ হ'লেও, নিমেষে জরাগ্রস্ত হ'য়ে  
শক্তিহারা হবে ।

## শত্রুর অভিশাপ

বাতব্যাধি। শত্রুকে চলচ্ছক্তিহীন করতে এটা আমার অমোঘ শর,  
আম্বুন—গ্রহণ করুন।

[ অর্জুন অভিবাদনাস্তর প্রত্যেকের নিকট হইতে  
অস্ত্র গ্রহণ করিল। ]

অর্জুন। তোমাদেব শত সহস্র ধনুর্বাদ! তা হ'লে আসি বন্ধু—  
[ প্রস্থানোত্তত ]

অরাস্তুর। দাঁড়ান, প্রতিষেধক মন্ত্র তো আপনাকে শেখানো হয়  
নি; আমাদের সঙ্গে আম্বুন, ঐ পাহাড়ের ঝরণার ধারে ব'সে আপনাকে  
শিখিয়ে দেবো প্রতিষেধক মন্ত্র।

[ সকলেব প্রস্থান। ]

### তৃতীয় দৃশ্য

ত্রিদিব-তোরণ

সশস্ত্র হিরণ্যয়, মৃগ্ময় ও কুবলয় প্রহরায় নিযুক্ত

হিরণ্যয়। কোথায় কে তার ঠিক নেই, অথচ কড়া পাহারার  
বন্দোবস্ত, দেব-সেনাপতির সবই যেন বাড়াবাড়ি!

মৃগ্ময়। শুনলে তো তিনি আসছেন!

কুবলয়। আরে, এলে তো এতক্ষণ আসা উচিত ছিল! বিরাট  
উৎকর্ষা নিয়ে ধৈর্য ধরে থাক—বীরসমাজে একেবারে অচল!

## শত্রু অভিযান

মৃগয়। যতক্ষণ না আসে, ততক্ষণই মঙ্গল বন্ধ, এলেই তো বাধ্বে একটা ফ্যাসাদ!

হিরণ্ময়। ফ্যাসাদ আবার কি? আমরা কি দুর্বল হস্তে অসি ধারণ করি? আমরা কি রণকৌশলী নই? আমরা কি কাপুরুষ?

মৃগয়। কাপুরুষ না হ'লেও আমরা সুপুরুষ,—তা ছাড়া যুদ্ধ-বিগ্রহটা নেহাত গৌয়ার গোবিন্দের কাজ, আমার তো মোটেই ভাল লাগে না।

### শনৈশ্চরের প্রবেশ

শনৈশ্চর। একি বিসদৃশ আচরণ তোমাদের? কর্তব্যে অবহেলা ক'রে তোমরা একান্তে ব'সে খোসগলে ব্যাপ্ত হয়েছ?

হিরণ্ময়। তিনি এলে তো আর সে সুযোগ পাবো না দেবতা! কাজেই—

মৃগয়। বিশেষতঃ শত্রুরই যখন দেখা নেই—

শনৈশ্চর। তাও তো বটে! কিন্তু সেনাপতির আদেশ যুদ্ধ করতে, শত্রু যেন কোন রকমে তোরণ প্রবেশ করতে না পারে।

কুবলয়। আদেশ তো যুদ্ধ করতে, কিন্তু যুদ্ধ করবো কার সঙ্গে সহকারী মশায়?

শনৈশ্চর। তাও তো বটে! এই যুদ্ধবিগ্রহ ব্যাপারটার দেখছি আগাগোড়াই গোলমলে! কাটাকাটি, মারামারি, রক্তারক্তি, হানাহানি, দেহের কষ্ট—মনের কষ্ট—ইতোনষ্টস্ততোভ্রষ্টঃ—ভদ্রসমাজে একেবারে অচল!

হিরণ্ময়। তবেই বুঝুন সহকারী মশায়, আমাদের কোন অপরাধ নেই।

## স্বপ্ন অভিশাপ

শনৈশ্চর । আচ্ছা, এবারকার মত তোমাদের মাপ কবলুম । তোমরা  
খাপ থেকে তলোয়ার খুলে একেবারে তৈরি থাক—আমার সেনাদলও  
প্রস্তুত ঐ পর্কতেব সান্নুদেশে, তাবা আগন্তুকের আগমন প্রতীক্ষা করছে ।

### গীতকণ্ঠে ভোলা-পাগলার প্রবেশ

ভোলা ।—

#### গীত

কেন্দো বাঘ ভেঙ্গেছে খাঁচা ।

ঘুরিয়ে দেবে বেডানো তোর

ছুলিয়ে লম্বা কোঁচা ।

বাঘ ছিল যে গহিন বনে,

তাবে খাঁটালি বল কেনে,

ছুলে সে বাঘ আঠারো ঘা,

তোর মরা হবে বাঁচা ।

এখন সামলে ঘাঁটি পালিয়ে চল,

হেথা খাটবে না তোর বুদ্ধি বল,

এখন থাকতে আলো, সবা ভাল

( ওবে ) বেঁধে উঁচু মাচা ।

[ প্রস্থান ।

শনৈশ্চর । পাগলাটা কি ব'লে গেল ! যাক, আমি একবার ওদিকটা  
ঘুরে আসি ; দেখো খুব সাবধান—

[ প্রস্থান ।

হিরণ্ময় । দেখলে বন্ধু, সহকারী মশায়ও আমাদের দলে !

মৃগায় । হতেই হবে—অভদ্র তো নন উনি ।

কুবলয় । কে একজন আসছে না ?

## অভিশাপ

মৃগয়। সাজসজ্জা দেখে তো বীর ব'লেই মনে হ'চ্ছে!

হিরণ্য। তা হ'লে বার কর তলোয়ার খাপ থেকে—

### অর্জুনের প্রবেশ

হিরণ্য। ব্যস্, ঐখান থেকেই উল্টোমুখে হও—

অর্জুন। মানে?

হিরণ্য। মানে সামনের পথ বন্ধ—

অর্জুন। পথ ছাড়, কিনা যুদ্ধ কর,

আমি প্রবেশিব নগরতোরণে।

কুবলয়। তুমি শুধু গৌয়ার গোবিন্দ 'নও, তার উপর বেজায়  
নেই-আঁকড়ে আগে পরিচয় দাও কে তুমি, কোথা থেকে আস্ছো,  
কোথা যাবে, কেন যাবে, তা নয় একেবারে গৌয়ার গোবিন্দের মত  
বললে কিনা যুদ্ধ কর!

অর্জুন। আমি আগন্তুক,

এই মাত্র পরিচয় মোর।

আসিতেছি বহুদূর হ'তে

ভেটিবারে ত্রিদিব-ঈশ্বরে।

মৃগয়। বন্ধু, ইনিই তিনি।

অর্জুন। ছাড় পথ, বিলম্ব না ময়—

হিরণ্য। বেজায় বদ্রসিক—একটু আলাপ-আপ্যায়িতেরও ধার  
ধারে না!

অর্জুন। কাল ব'য়ে যায়,

আপ্যায়নের নাহিক সময়।

## স্বপ্ন অভিলাষ

মুক্ত কর পথ—

নহে বাহুবলে সরাইয়া বাধা

প্রবেশিব ত্রিদিব-তোরণে ।

সসৈন্য শনৈশ্চরের প্রবেশ

শনৈশ্চব ।

আক্রমণ কর সৈন্যগণ,

একযোগে তোমরা সকলে !

হুঃসাহসী আগন্তুক—একেশ্বর যুঝিতে বাসনা

অগণন দেবসেনা সনে,

পরিণাম যার মৃত্যু আলিঙ্গন !

বীরগণ, দিব্য অজ্ঞাঘাতে—

জর্জরিত কর ততক্ষণ

যতক্ষণ নাহি হয় ভস্মে পরিণত

মোর দৃষ্টি বলে ।

[ হিরণ্যয় যুগ্ময় ও কুবলয় অর্জুনের সহিত যুদ্ধে প্রবৃত্ত

হইল, শনৈশ্চর একান্তে দাঁড়াইয়া বক্রদৃষ্টিতে অর্জুনের

দিকে চাহিয়া রহিল । অনন্তর যুদ্ধ করিতে করিতে

হিরণ্যয়, যুগ্ময় ও কুবলয় সহ অর্জুনের প্রস্থান ।

পরক্ষণেই অদূরবর্তী পর্বত-সানুদেশস্থিত

বিরাট বনস্পতি জ্বলিয়া উঠিল । ]

শনৈশ্চর ।

কি আশ্চর্য্য ! দৃষ্টিতে আমার

জ্বলিয়া উঠিল এই বনস্পতি,

## অভিশাপ

কিন্তু আততায়ী রহিল অক্ষত !  
বুঝিয়াছি, অতি দৃঢ় বশ্মে আবরিত  
দেহ তার—তাই হেন ফল বিপরীত,  
ভাল, তীক্ষ্ণতর দৃষ্টি দিয়া এইবার  
অচিরে করিব তারে ভস্মে পরিণত ।

[ স্ব স্ব উষ্ণীষ-বস্ত্রে সর্বদাঙ্গ আবৃত করিয়া কম্পিত কলেবরে  
হিরণ্যয় মৃন্ময় ও কুবলয়ের প্রবেশ, তাহাদের হস্ত হইতে  
তরবারি পড়িয়া গেল—তঁাহারা কাঁপিতে লাগিল । ]

শনৈশ্চর । কি হ'লো তোমাদের ? অমন কাঁপছে কেন ?

হিরণ্যয় । উহ-হু, বড় জর—

মৃন্ময় । হাড়ের ভেতর কাঁপুনি ধরেছে !

হিরণ্যয় । মর্ত্যের মানুষ স্বর্গটাকেও জানালে এই জরের বীজ  
ছেড়ে দিয়ে । ওরে বাবা রে, উহ-হু—

কুবলয় । ওরে বাবা রে, গেল—গেল—গেল ! [ বসিয়া পড়িল । ]

শনৈশ্চর । তোমার আবার কি হ'লো ?

কুবলয় । ওরে বাবা রে, আমারও যে—

শনৈশ্চর । কি ?

কুবলয় । বাতব্যাধি ! ওরে বাবা রে, হাড়গোড় ভাঙ্গা 'দ' ক'রে  
দিলে রে !

### অর্জুনের প্রবেশ

অর্জুন । বল এইবার—

প্রবেশের পথ দিবে কি না দিবে ?



## স্বপ্ন অভিশাপ

শনৈশ্চর ।      ছরাশা—নিতাস্ত ছরাশা তব !  
থাক যদি স্থির হ'য়ে মুহূর্তের তরে,  
নধর সুন্দর দেহ ওই  
ভস্মে হবে পরিণত দৃষ্টিতে আমার ।  
থাক—থাক স্থির হ'য়ে ।

অর্জুন ।      দাস্তিক দেবতা, গগনস্পর্শী দস্ত তব  
এখনি টুটাবো এই শরে,  
অগ্র বাণ আর না ধরিব ।

[ শৈথিলী বাণ নিক্ষেপ ]

শনৈশ্চর ।      একি ! একি হ'লো !  
কোথা হ'তে এলো হেন অবসাদ !  
ত্বর্কহ দেহের ভার, কাঁপে হস্তপদ থরথরি,  
খাসবায়ু হ'লো যেন গুরু !  
অতি ক্ষীণ বক্ষের স্পন্দন,  
চলিতে চরণ টলে ;  
দৃষ্টিপথে অন্ধকার আসে ঘনাইয়া !  
কোথা যাবে—কে দেখাবে পথ ?

[ স্থলিত চরণে ধীরে ধীরে প্রস্থান ।

অর্জুন তোরণ প্রবেশের উত্তোগ করিলে দ্রুতপদে  
কার্তিকেয় আসিয়া উপস্থিত হইল

কার্তিকেয় ।      সাবধান অবোধ মানব !  
কেন আগুয়ান মরণ বরণে ?

## অর্জুন অভিশাপ

মনে রেখো,  
মৃত্যুঞ্জয় নহ তুমি—মরণ অধীন,  
কার্তিকেয় সনে রণে  
স্বনিশ্চয় মরণে বরিতে হবে ।  
অর্জুন । মৃত্যুঞ্জয়-জয়ী আমি,  
মৃত্যুভয় কি দেখাও মোরে  
দেবসেনাপতি কার্তিকেয় ?  
ফেরুপাল সম্মুখে রাখিয়া  
ভাল দেখাইলে রণনীতি !  
কালী দিলে দেবতা-সমাজে !  
নিজ বলে প্রবেশিব ত্রিদিব-তোরণে,  
সাধ্য থাকে, রোধ মোর গতি !

[ অর্জুন কার্তিকেয়কে আক্রমণ করিল—উভয়ের যুদ্ধ হইল  
প্রবল হইতে প্রবলতর—কার্তিকেয় বিশ্বধ্বংসী ঐষিক  
বাণ নিক্ষেপের উদ্যোগ করিলে দেবরাজ ইন্দ্র  
আসিয়া বাধা দিলেন । ]

ইন্দ্র । হে বীরেন্দ্র,  
মহা-অস্ত্র কর সম্বরণ !  
ওই বাণে নাহি মৃত্যু গাণ্ডীবীর,  
অকারণ অকল্যাণ হবে দেবতার ।  
পরাজিত—পলায়িত হবে

## স্বপ্ন অভিশাপ

দেব-অণীকিনো,  
একেশ্বর যুঝিয়া কি ফল ?  
পার্শ্ব মহাবীর—  
অধিকারী বিজয়-গোরবে ।  
বীরত্ব পরীক্ষা হেতু তার—  
আজি এই রণ-আয়োজন ।  
প্রীত আমি বীরত্বে তাহার ।  
দেবতা-বিজয়ী বীরে দানিতে সম্মান,  
আপনি এসেছি আমি  
ইন্দ্রপুরে ল'য়ে যেতে তারে ।  
এসো—এসো কুস্তীর নন্দন,  
দেবেন্দ্রের স্নেহের ছলন,  
দেবপুরে তুমি নবীন অতিথি ।

[ অর্জুনের হাত ধরিয়া গ্রহণ ।

কার্তিকেয় । এও দেবতার অপমান !  
মরণের দাস স্বর্ণিত মানবে  
এইভাবে সম্মানিত করি  
দেব-হৃদে দিল যে আঘাত  
দেবেন্দ্র বাসব,  
কভু না সহিবে তাহা দেবতামণ্ডলী ।  
প্রতিকার আশু প্রয়োজন ;  
আহ্বানিয়া দেবতামণ্ডলী  
সুযুক্তি করিতে হবে ।

## স্মরণ অভিশাপ

হিরণ্য। তাই একটা কিছু করুন সেনাপতি মশায়, জ্বরের ধমকে  
প্রাণ গেল। এই কি যুদ্ধের রীতি? মর্ত্য থেকে জ্বরের বীজ এনে  
এখানে ছড়িয়ে দিলে—আমাদের দফা রফা করলে!

কুবলয়। শুধু জ্বর নয় সেনাপতি মশায়,—বাতব্যাধির বীজ ছেড়ে  
একেবারে হাড় গোড় ভাঙ্গা 'দ' ক'রে দিয়েছে!

### যষ্টিতে ভর দিয়া জরাগ্রস্ত শনৈশ্চরের প্রবেশ

কার্তিকেয়। কে? শনৈশ্চর নয়?

শনৈশ্চর। চিন্তে পেরেছেন সেনাপতি মশায়, এখনো চেনা যায়?  
দফা সেরেছে সেনাপতি মশায়, একেবারে দফা সেরেছে! যৌবনে  
জরাগ্রস্ত ক'রে ছেড়েছে! প্রতিবিধান করুন সেনাপতি মশায়, এব  
একটা প্রতিবিধান করুন।

কার্তিকেয়। চিন্তিত না হও সবে।

অচিরায় আস্থানিয়া দেবতামণ্ডলী

করিব যন্ত্রণা

অপমান প্রতিবিধিৎসিতে।

এসো সাথে—

[ অগ্রে কার্তিকেয় তৎপশ্চাৎ যন্ত্রণানুচক আৰ্ত্তনাদ করিতে করিতেঃ

শনৈশ্চর হিরণ্য, কুবলয় ও যুগ্ময়ের প্রস্থান।

## চতুর্থ দৃশ্য

ত্রিদিবধাম—পথ

গাহিতে গাহিতে চাঁদারদারগণের প্রবেশ

চাঁদারদারগণ ।—

গীত

ডাং ডাং ডাং ডাং !

দেবতা করবে ধর্মঘট দেবরাজ হবে কুমোর বাঙ ।

সইবে না মানুষের বড়াই,

দেবসেনা করবে না লড়াই,

হবে দল ছাড়া যে তারই বিপদ ভেঙ্গে দেবে আস্ত ঠাং ।

যাবে না কেউ নিজের কাজে,

থাকবে সবাই আপন কাজে,

দপ্তরের কাজ চলবে শুধু, নিয়ে চুনো গাং ।

চিত্তপ্তের দপ্তর বন্ধ, নরকেতে চাবি,

জল না খেয়ে কর্তারা সব থাকেন শুধু খাবি,

রান্নাবাটার বন্ধ চুনী—পেটের আলার হার হার হার

করবে হাং হাং হাং হাং ।

[ প্রস্থান ।

## পঞ্চম দৃশ্য

যমালয়—মন্ত্রণাকক্ষ

যম, বরুণ, পবন কার্তিকেয় জরাগ্রস্ত শনৈশ্চর

ও দেবগণ সমাসীন

কার্তিকেয় । বলুন ধর্মরাজ, আমার প্রস্তাবটা সমীচীন কি না ?  
যম । হীন মর্ত্যের মানবকে এতখানি প্রশ্রয় দিয়ে দেবতার মর্যাদা  
ক্ষুণ্ণ করা একেবারেই সঙ্গত হয় নি ।

বরুণ ।       নত হ'লো দেবতার চির উচ্চশির  
                  অতি হীন মানব সকাশে,  
                  অপমান এ হ'তে অধিক  
                  আর কিবা আছে করনার ?  
                  মানব-বিজিত আজি দেবতাসমাজ,  
                  এই অপবাদ  
                  যবে ঘোষিবে ভুবনময়  
                  কে মানিবে দেবতা বলিয়া ?  
                  কে করিবে দেবতার পূজা ?  
                  মানব-অধম হ'য়ে দেবতা সকল  
                  লুকীয়ে রহিবে মুখ  
                  কূপের মগ্নুক সম ।  
                  এ হ'তে মরণ ভাল  
                  মৃত্যুজিৎ দেবতার ।

## স্বপ্ন অভিশাপ

পবন । সত্য—অতি সত্য বানী !  
অপমান-কলঙ্কপসরা  
নীরবে বহিয়া শিরে  
চাহ কি থাকিতে দেবগণ  
এই সুরপুরে ?  
নাহি যদি শক্তি দেবতার  
লোক হ'তে উপাড়িয়া এই সুরপুরী  
ইন্দ্র সহ সে ঘৃণ্য মানবে  
নিক্ষেপিতে অতল সাগর জলে,  
তবে সর্বজয়ী দৈবশক্তি বলি  
কেন বৃথা গর্ষ কর ?  
গলগলীকৃতবাসে মানব সকাশে  
মাগিয়া মার্জনা, একে একে  
চ'লে যাও সুরলোক ত্যজি ।  
ভ্রম গিয়া কান্তারে প্রান্তরে  
ভিক্ষাজীবী ষাযাবর সম ।

শনৈশ্চর । সুরলোক বাসের অযোগ্য হইল  
এবে ধর্মরাজ !  
মরলোক হ'তে দুর্কৃত মানব  
আনিয়াছে যুঠো যুঠো রোগের বীজাণু,  
ছড়ারে দিয়াছে সব এই সুরলোকে !  
প্রত্যেক প্রমাণ তার আশি  
আর দেবসেনাদল !

## স্বপ্ন অভিশাপ

কারো কম্পজর, কারো বাতব্যাধি,  
সবার উপরে আমি  
যৌবনেতে জরাগ্রস্ত !  
নাহি শক্তি প্রতিবিধিসিতে !  
তবু মন থেকে থেকে  
রোধে ক্ষোভে উঠে গুমরিয়া ।  
কিন্তু হায়, অসহায় অকর্মণ্য আমি !  
কর্তব্য যা কিছু—  
দেবগণ করুন সকলে ।

কার্তিকেয় । অত্যায়ে প্রতিকার হেতু  
আছে পন্থা এক—নাহিক দ্বিতীয় ।  
সর্বক্ষেত্রে অসহযোগ মূল মন্ত্র ধরি  
হও যদি অগ্রসর হে অমরকুল,  
প্রতিকার হবে সুনিশ্চয় ।  
পরিহরি নিজ করণীয়  
রহ স্থির স্থাগুর মতন,  
টলিবে আসন অচিরায়  
পঙ্কপাতী বাসবের ।

দেবগণ । ঠিক—ঠিক ! আমরা ধর্মঘট করবো—আমরা ধর্মঘট  
করবো ।

যম । তাই কর—তাই কর দেবগণ,  
অপমান প্রতিবিধিসিতে  
ধর্মঘট বিনা নাহি পন্থা আর ।



অর্জুনকে সঙ্গে লইয়া ইন্দ্রের প্রবেশ

ইন্দ্র ।

ধর্মঘট—ধর্মঘট বলি,  
উতরোলি কেন ধর্মরাজ ?  
ঘটেছে কি অঘটন কিছু—  
যে কারণ দেবগণ  
স্ব-উচ্চ মিলিত কর্ণে  
ধর্মঘট—ধর্মঘট বলি  
ইঁাকে অবিরাম ?  
কহ দেবগণ,  
করেছে কি অপরাধ দেবেন্দ্র বাসব ?  
অত্যাচার উৎপীড়ন কিম্বা অপমান  
কথায় অথবা কার্যে  
করেছে কি দেবরাজ  
আশ্রিত বান্ধব কোন দেবতাব প্রতি ?  
কহ ধর্মরাজ, কহ জলাধিপ,  
কহ তুমি দেব প্রভঞ্জন,  
কিসে অপরাধী আমি  
আজি তোমাদের পাশে ?  
মুক্তকর্ণে কহ প্রকাশিয়া  
বাসবের ক্রটি অপরাধ,  
প্রতিকার করিব অচিরে ।  
বল ধর্মরাজ—

## ঐশ্বর্য অভিশাপ

যম ।            জানালো ভারত আজি  
                  দেবসেনাপতি—দেবসভামাঝে  
                  ঘৃণ্য মানব হইতে  
                  হতমান আজি দেবগণ ।  
                  সেই দুর্কৃত্ত মানবে  
                  নাহি দিয়া শাস্তি সমুচিত  
                  দেবরাজ দিলেন প্রশয় ।  
                  এ কি রাজধর্ম—  
                  ন্যায়ধর্ম-নীতি দেবরাজ ?  
                  এতখানি অবিচার,  
                  অন্যায়ের এতেক প্রশয়  
                  কেমনে সহিবে দেবগণ ?  
                  তাই প্রতিবিধিৎসিতে  
                  ধর্মঘট আরোজন ।

পবন ।            তাতে যদি হয় নির্কাসন  
                  সৌভাগ্য মানিয়া লব ।  
                  অপমান পাছকা বহিয়া  
                  স্বর্গস্থ ভুক্তিতে নারিব ।

কার্তিকেয় ।    দেবতার সৈন্যপত্য-পদ  
                  প্রার্থী যদি থাকে কেহ,  
                  যক্ষ রক্ষ দেবতা দানব  
                  করুন প্রদান তারে ।  
                  অমুসরি পিতার পদাঙ্ক,

ধরিব যোগীর বেশ,  
শ্মশানে মশানে  
ভ্রমি ভূতপ্রেত মনে  
মহানন্দে যাপিব জীবন ;  
তথাপি— তথাপি দেবরাজ,  
বহি শিরে অপমান-কলঙ্কপসরা  
ববো না ত্রিদিবে কভু !

শনৈশ্চব ।

স্বর্গ মর্ত্য হ'লো একাকার !  
মর্ত্য হ'তে অমরের পুরে  
ছড়িয়ে পড়িল যবে বোগেব বীজাণু,  
অমরের মরণ এবার সূনিশ্চয় !  
যমালয়ে হবে স্থানাভাব,  
যমালয় শাখা—  
স্থাপিতে হইবে মর্ত্যধামে ।  
অকালবার্দ্ধক্য মোরে  
করিয়াছে গ্রাস !  
অকর্মণ্য আমি,  
কার্যভার বহনে অক্ষম ;  
মাগি অবসর তাই দেবেস্ত্রের পাশে ।

ইন্দ্র ।

জানি সব—বুঝি সব ।  
শক্তিমান্ মানব অতিথি  
দেবতারে জিনিয়াছে রূপে,  
বীররূপে প্রবেশিল পুরী,

## বীর- অভিশাপ

তাই বীরযোগ্য দিয়াছি মর্যাদা—

বিচার অপক্ষপাত !

দানবের অত্যাচারে

জর্জরিত দেবতা সকল

বহুবার মানিয়া লয়েছে

সব দুঃখ সব দৈন্ত

সব অপমান ;

হুঁত্যাগ্য বলিয়া দেবতার

আজি কি কারণ

হেন বিপরীত রীতি ?

দম

তুলনা দানব সনে

মর্তবাদী হীন মানবের

অসঙ্গত—অবিচার !

পবন ।

বিশেষতঃ যে মানব

অনৌকিক যাহুবলে জিনিল সমর !

ইন্দ্র ।

নহেক নগণ্য নর এ বীর যুবক ।

পাণ্ডুকুল-স্নুয়া কুন্তীদেবী

গর্ভে ধরি এ বীর যুবকে

বীর মাতা বলি

বরণ্যা ধন্য আজি এ তিন ভুবনে ।

ধরে নাম গাণ্ডীবী অর্জুন,—

বাসুদেব-সখা ।

বল প্রভঞ্জন, বল তুমি মৃত্যুপতি,

## স্বপ্ন অভিশাপ

করেছি কি অবিচার

দিয়া যোগ্য বীরে স্নযোগ্য সম্মান ?

পবন । [ স্বগত ] কুস্তীমুত নবীন অতিথি !

যম । [ স্বগত ] প্রিয়তমা-গর্ভজাত এ বীর যুবক !

ইন্দ্র । বল প্রভঞ্জন, বল মৃত্যুপতি,

কি হেতু নীরব দৌহে ?

পবন । ঞায়বান্ দেবেন্দ্র বাসব

ভুল বুঝিয়াছি আমি,

স্নেহাস্পদ গাণ্ডীবি অর্জুন

বাড়ায়েছে গৌরব মোদের

জিনিয়া অমরকুল !

এসো বৎস বীরেন্দ্র অর্জুন,

করি আশীর্বাদ—

চিরজয়ী হও তুমি জীবন-সংগ্রামে ।

[ অর্জুনের মাথায় হাত দিয়া আশীর্বাদ করিলেন । ]

পবন । আমার আশিসে

পাবে তুমি সদাগতি বেগ

সকল সংগ্রামে

আক্রমিতে দুন্দুভ অরতি !

[ অর্জুনের মস্তকান্ধাণ করিয়া আশীর্বাদ করিলেন । ]

শনৈশ্চর । “বড়’র পীরিতি বালির বাধ”—বুঝেছেন দেবসেনাপতি,

বড়’ব দল তো গা সৌকা-স্নিক ক’রে স’রে দাঁড়ালেন, এখন আপনাদের

ধন্বঘটের ঘটটা গেল ফুটো হ’লে, বাকী রইলো ধন্বটুকু । এখন

## অভিশাপ

ঐটাকে আঁকড়ে ধ'রে যে যার ঘরে ফিরে যান। আম মিশে গেল  
হৃদয়ের সঙ্গে, আমরা আঁটা খোসার দলে পড়'লুম গিয়ে আবর্জনার  
গাদায়, উপরি লাভ হ'লো এই অকালবার্দ্ধক্য।

### জরাসুরের প্রবেশ

জরাসুর। কুণ্ণ হ'য়ো না দেবতা, আবর্জনার গাদায় যারা চির-  
দিন আছে, তারাই থাকবে; তোমরা যে উচ্চস্তরের লোক, তোমরা  
থাকবে কেন? কৰ্ম্মশ্রোত তোমার জরাগ্রস্ত করেছে আমাকে উপলক্ষ্য  
ক'রে—আমি আর নিমিত্তের ভাগী হ'য়ে থাকবো না—তোমার অর-  
মুক্ত ক'রে আবর্জনার জীব আমি আবর্জনার গাদায় চ'লে যাবো।

ইন্দ্র। কে তুমি বৃদ্ধ?

অর্জুন। ওর পরিচয় আমি দিচ্ছি সুরপতি! ইনি জরাসুর—  
অসুরকুলে জন্মগ্রহণ ক'রেও ইনি স্থান পান নি অসুর-সমাজে,  
দেবতার অনুগ্রহ তো দূরের কথা! এই ভাগাহীন হরিজনের একটা  
উপায় করুন দেবরাজ!

ইন্দ্র। মর্ত্যের মহামানবের অনুরোধ আমি উপেক্ষা করতে পারবো  
না। হতভাগ্য অসুর, তুমি যখন দেবতার শরণাপন্ন হয়েছ, হীন  
অসুর হ'লেও তুমি স্থান পাবে দেবতার পর্যায়ে। তুমি মর্ত্যধামে  
যাও, মর্ত্যবাসী তোমার দেবতার আসনে বসিয়ে তোমার পূজা করবে—  
তুমি হবে মর্ত্যবাসীর অন্ততম উপাস্ত দেবতা জরাসুর!

জরাসুর। মহাপ্রাণ দেবরাজের চরণে কোটা কোটা নমস্কার!

সকলে। জয় সুরপতি বাসবের জয়! [সকলের প্রস্থান।

# দ্বিতীয় অঙ্ক

## প্রথম দৃশ্য

পাতালপুরী—কলম্বাসুরের প্রাসাদ

কলম্বাসুর ও দারুক সোমরস পান করিতেছিল ;

নর্তকীগণ নৃত্য-গীত করিতেছিল

নর্তকীগণ ।—

### গীত

কিরে যা মলয় হাওয়া, কেন ছলিয়ে দিলি ফুলদল ।  
কলিকার ঘুম টোটালি, তারে করলি যে বিহ্বল ॥  
বোঝে না কি ভালবাসা, বাধে নি প্রেম মনে বাসা,  
সাদা প্রাণে রঙ ফলালি, তারে করলি রে চঞ্চল ॥  
আকাশে হাসছে তারা, ভোমরা বঁধু দিশেহারা ।  
মধুলোভে পাগলপারা, হারিয়েছে সে মনের বল ॥

কলম্বাসুর । তোমরা এখন যাও, আমরা এখন আলোচনা করবো রাজনীতি নিয়ে । [নর্তকীগণের প্রস্থান ।] সুখী কে? দানব না দেবতা? ভোগী কে? দানব না দেবতা? ভাগ্যবান্ কে? দানব না দেবতা? আমি বলবো দেবতা । একই পিতার ঔরসে জন্মগ্রহণ করে—কেন দেবতারা হ'লো আজ সর্ব সুখের অধিকারী—আর দুর্ভাগ্যের সহচর দানবকুল আজ সর্বসুখে বঞ্চিত হ'য়ে লোক-লোচনের অন্তরালে জঘন্য পাতালপুরীতে বাস করছে?

## অভিশাপ

দারুক । আজ্ঞে, কৰ্মফল !

• • কলহাসুর । কৰ্মই কৰ্ণুম না—আগে থাকতে তাব ফলভোগ কৰ্ত্তে হবে ?

দারুক । আজ্ঞে, ঠিক বলেছেন মহারাজ ! কৰ্ম কৰ্ব্বার আর ফুৰ্সৎ হ'লো কৈ ? এই মজলিসের গণ্ডী থেকে বেরুতে পারলে তবে তো কৰ্ম ? তাই তো বলি, কৰ্ম আর কৰ্লেন কবে ? আমার মতে ও কৰ্মের দিকে যাবেন না মহারাজ, কোন্ দিন কৰ্ম কৰ্ত্তে গিয়ে বেটকরে অপকৰ্ম হ'য়ে বস্বে, বাস্—ফলং মারাত্মকং ! কাজ কি অত ল্যাঠায় ? চোখ বুজে গণ্ডীর ভেতর ব'সে থাকুন, কৰ্মবৃক্ষ আপনি ষাঁড়া হ'য়ে যাবে, ফল আর ফল্বে না ।

কলহাসুর । কিন্তু কৰ্ম যে আমায় কৰ্ত্তেই হবে বন্ধু, দেবতার প্রাধান্য আমি কখনো সহ কৰ্ব্বো না । তা ছাড়া—

দারুক । তা ছাড়া আরও কিছু আছে নাকি মহারাজ ?

কলহাসুর । আছে ব'লে আছে, একেবারে সশরীরে পরম উল্লাসে গজগীর হ'য়ে আছে ।

দারুক । এমন মহিমাম্বিতটী কে মহারাজ ?

কলহাসুর । আমার মানস-প্রতিমা—মানসী । এক দিন এক মুহূৰ্ত্তের জন্ম তাকে দেখেছি বন্ধু ঐ মানস-সরোবরে—হয় তো সেখানে যাওয়া আসা কৰ্লে আরও এক আধবার দেখা গুনো হ'তো, কিন্তু সে তো হবার নয় বন্ধু !

দারুক । কেন মহারাজ ?

কলহাসুর । ঐ মানস-সরোবর যে দেবলোকের এলাকার মধ্যে—



## দিতির প্রবেশ

দিতি। নিজের বাহুবলে দেবতার এলাকাকে দানবের এলাকায় পরিণত কর পুত্র!

কলহাসুর। একি, দানব-মাতা!

দিতি। হ্যাঁ আমি; মনের সমস্ত অবসাদ ঝেড়ে ফেলে দিয়ে তুমি তোমার গ্রায্য প্রাপ্য কড়ায় গণ্ডায় আদায় ক'রে নাও পুত্র! কেন অদিতির সন্তানেরা হবে সর্ব সুখের—সকল সম্পদের অধিকারী? তোমাদের পিতা যদি পক্ষপাতশূন্য হতেন, তা হ'লে এক সন্তানকে গৌরবের সু-উচ্চ শিখরে তুলে দিয়ে আর এক সন্তানকে হুর্গতির নিম্নতম স্তরে ঠেলে নামিয়ে দিতে পারতেন না। সেই পক্ষপাতী পিতার কাছ থেকে আদায় কর তোমাদের গ্রায্য দাবী। গজ্জা-সঙ্কোচের বাধা পদতলে দলিত ক'রে এগিয়ে যাও পুত্র, তোমার কর্তব্যের পথে; দেখবে, পরিণামে নির্জিত দানবকুলই তুলবে তাদের মহান্ জয়-গৌরবের রক্ত নিশান।

কলহাসুর। আমি কি পারবো মা? আমার শক্তি কৈ মা? অমিতপ্রতাপ দেবশক্তির কাছে দানবের ক্ষুদ্র শক্তি কতক্ষণ দাঁড়াবে মা?

দিতি। শক্তি না থাকে শক্তি অর্জন কর। পরিপূর্ণ সাহস, অদম্য উৎসাহ, বিশ্বজয়ী অধ্যবসায় নিয়ে শক্তির আরাধনা কর, তুমি মহাশক্তির রূপালাভে সমর্থ হবে। শুধু তাই নয়, যে পক্ষপাতী পিতা দেবতাদের আপন ক'রে নিয়েছে, তোমাদের বিনা অপরাধে অনাথের মত দূরে নিক্ষেপ করেছে, সেই পিতার কাছ থেকে আদায় ক'রে নাও তোমাদের গ্রায্য দাবী কড়ায় গণ্ডায়। দূরে নিক্ষেপ কব

## স্বপ্ন অভিশাপ

এই সব বিলাসের উপকরণ, বর্জন কর বিলাস-ব্যসনের সহচর  
কাপুরুষ সঙ্গীদের, বিশ্বের অপরাধের দানবীয় শক্তির প্রতিষ্ঠা ক'রতে  
বাঁপিয়ে পড় দিতিসুত, দুর্জয় দেব-সংগ্রামে।

[ বেগে প্রস্থান। ]

কলঙ্কাসুর। গুন্লে বন্ধু, মায়ের কথা? শক্তির উপাসনার একমাত্র  
উপচার সুরা আর সুরঙ্গিনী। সে সব হ'লো কিনা মায়ের চোখে  
আবর্জনা। সব ফেলে দিতে হবে, সঙ্গে সঙ্গে বর্জন করতে হবে  
তোমাদেরও, যেহেতু তোমরা অকর্মাণ্য।

দারুক। মহারাজ কি সত্যিই আমায় বর্জন করলেন? তা হ'লে  
আমার গতি কি হবে মহারাজ, আমি যাবো কোথায়?

কলঙ্কাসুর। যাবে আমার সঙ্গে। যুদ্ধ করবো ব'লে কি আমি  
সর্বত্যাগী হ'য়ে যুদ্ধ করবো? রণক্ষেত্রে কঠোর রণদামামার বজ্র-  
নির্ঘোষের পর বেজে উঠবে কমনীয় কামিনীর মধুর নুপুরনিক্কণ।  
আততায়ীর রক্তশ্রোতে সঁতার দেবো, আর আমাদের পটমণ্ডলে  
বইবে যে সুরার শ্রোত, সেই শ্রোতে সঁতার দেবো তোমার সঙ্গে  
আমি। হাঃ-হাঃ-হাঃ—

দারুক। তা হ'লে যুদ্ধটা কখন করবেন মহারাজ?

কলঙ্কাসুর। এই দুইয়ের মাঝখানে যখন একটু ফাঁক বইবে,  
সেই ফাঁকে যুদ্ধ করবো আমরা পরম আনন্দে। তা হ'লে তৈরি  
হও বন্ধু, কাল প্রভাতেই আমরা স্বর্গ আক্রমণ করবো।

দারুক। [ স্বগত ] এ যে দেখছি সত্যি সত্যিই যুদ্ধের আয়োজন!  
তাই তো! তা হ'লে উপায়!

কলঙ্কাসুর। কি ভাবছো বন্ধু?

## স্বপ্ন অভিশাপ

দারুক । ভাবছি শাল্লবাক্য মহারাজ ! তবে তলোয়ারখানা মরুচে  
ধরে গেছে, সেটাকে খানিকটা শান্ দিয়ে আনি । [ জনাস্তিকে ]  
যঃ পলায়তি সঃ জীবতি—

[ প্রস্থান ।

কলম্বাসুর । হাঃ—হাঃ—হাঃ—হাঃ !  
ল'য়ে এই সব  
অকর্ষণ্য ভীকু কাপুরুষ,  
জীবনের এতগুলো দিন  
অবহেলে করেছি যাপন ।  
ভাবি নাই, বুঝি নাই,  
কিসে হবে  
দানবের জীবন-আকাশে  
সমুদিত গৌরব-ভাস্কর !  
চিরদিন শক্তিমন্ত্রে  
দীক্ষিত দানব  
বাসব বিজয় করি  
লভিয়াছে স্বর্গের আসন ;  
আজি সেই মহাকূলে  
লভিয়া জনম  
যাপিতেছি দুর্বল জীবন  
কূপের মণ্ডপ সম  
ঘণ্য এ পাতালপুরে  
অবজ্ঞের ত্রিজগতের !

## স্বপ্ন অভিশাপ

মোহনিদ্রা গিয়াছে টুটিয়া,  
খুলিয়াছে নূতন নয়ন  
শক্তিময়ী মাতার ইঙ্গিতে ।  
পরিহরি বিলাস-ব্যসন  
আমন্ত্রণ রণাঙ্গণে করি দেবতায়  
দেখাইব বীরত্ব আপন !  
বুঝাইব—দেখাইব  
পক্ষপাতী দানব-জনকে  
পরিত্যক্ত দিতির সন্তান  
কত শক্তি ধরে ।

[ প্রস্থান ।

### দ্বিতীয় দৃশ্য

কশ্যপের আশ্রম

কশ্যপ একাকী পাদচারণা করিতেছিলেন

কশ্যপ । ঘনঘটা ঘেরিয়াছে গগনমণ্ডল  
রক্তরাগ পশ্চিম আকাশে !  
নীরব নিধর স্তব্ধ প্রভঞ্জন,  
অমুমানি ঝড়ের লক্ষণ !

## স্বপ্ন অভিশাপ

ভায়ে ভায়ে বাধিবে সমর ।

নিয়তির খেলা—

একের হইবে ক্ষয়

জয় অপরের !

আপ্রাণ করেছি চেষ্টা

স্থাপিতে সৌহার্দ্য উভয়ের,

ব্যর্থকাম প্রতিবার ।

দেবতা-দানবে—

না হবে মিলন কভু,

চিরশত্রু একে অপরের ।

### অদিতির প্রবেশ

অদिति । তার জন্ত তুমিই তো দায়ী ঋষি ! আমার সন্তানদের মন কখনও হীনতাকে প্রশ্রয় দেয় নি । কখনও তারা বিপথগামী হয় নি, চিরদিন তারা পরকে আপন ক'রে রেখেছে, পরের জন্ত তারা সর্বস্ব পণ ক'রেছে । আজ তাদের এক পিতার ঔরসজাত সন্তান, স্নেহের ভাই আপন না হ'য়ে পর হ'লো কেন ঋষি ? তার জন্ত দায়ী কেউ নয়, তুমি ।

কশ্যপ । আমি ?

অদिति । হ্যাঁ, তুমি । তুমি যদি না ঐ নীচকুলোদ্ভবা কামিনীকে ঘরে আনতে, তা হ'লে কি এ অনর্থের সৃষ্টি হ'তো ! কালনাগিনীর বিষের নিঃখাসে পরিপুষ্ট শিশু, বিষধরের মতই হ'য়ে উঠেছে । সদৃশ বলতে যা কিছু—সে সমস্ত হারিয়ে ঐ নাগিনীর সন্তানেরা হয়েছে

## স্বপ্ন অভিশাপ

খল, মিথ্যাবাদী, অহুয়াপরায়ণ, মদুপ, লম্পট। তাদের সঙ্গে আমার সন্তানের মিলন অসম্ভব।

### দিতির প্রবেশ

দিতি। নিজের সন্তানকে কেউ মন্দ বলে না গো, কেউ মন্দ বলে না। আমার সন্তান লম্পট, মদুপ, আর তোমার সন্তান বুঝি নিষ্কলঙ্ক নির্বিকার? তোমার সন্তানদের মধ্যে যিনি শ্রেষ্ঠ, সেই ইন্দ্রের গুণের কথা যে ত্রিভুবনে জানে! বল দেখি রত্নগর্ভা অদিতি সুন্দরী, তোমার ঐ সুযোগ্য সন্তানের সহস্রলোচন হয়েছে কোন গুণে? দিতি-সন্তানদের মধ্যে এত বড় মহাপাপী এমন ছুরাচার একজনকে খুঁজে বার করতে পার?

অদিতি। থাক্—থাক্ গুণবতী, আর তোমার গুণবান্ সন্তানদের গুণ ব্যাখ্যা ক'রে কাজ নেই। তাতে হবে নির্বিরোধী ঋষিপ্রধান স্বামীর মনে আঘাত দেওয়া। তুই কালনাগিনী, যখন উত্তত ফণা নিয়ে ছুটে আসিস্, তখন সম্মুখে যাকেই পাস্ তাকেই দংশন করিস্, তা সে স্বামীই হোক্ আর পুত্রই হোক্। এতখানি নীচতা আমাদের মনে স্থান পায় না।

কশুপ। দিতি! অদিতি! তোমাদের কলহ কি এমনি ভাবেই চলবে? তা হ'লে তোমরা কলহই কর, আমি আশ্রম ছেড়ে চ'লে যাই।

অদিতি। আমার তো অপরাধ নেই প্রভু, ক্ষুদ্র পিপীলিকা যখন পদদলিত হয়, তখন সে প্রাণপণ শক্তিতে কামড়ায়, নইলে সে তো কারও অনিষ্ট করে না।

[প্রস্থান।

## স্বপ্ন অভিশাপ

দিতি । স্বামী-সোহাগিনী যে চ'লে গেল, তাকে ফেরাও । আমি  
ঝগড়াটে, আমি সাপিনী, আমি সব, আর গুঁর যেন কোন দোষ  
নেই ! বেশ তো গুঁকে নিয়েই রাজত্ব কর না কেন, আমি হতভাগিনী  
না হয় বিদেয় হ'য়েই যাচ্ছি—

[ বজ্রাঙ্কলে চক্ষু মুছিতে মুছিতে প্রস্থান ।

কশ্যপ ।      ত্রিভুবনের শ্রেষ্ঠ ভাগ্যহীন  
                  তুই পত্নী যার ।  
                  হোক রাজা অথবা ভিখারী,  
                  শাস্তি সুখ বহু দূরে তার  
                  জালাময় সংসার মাঝারে,  
                  শুধু স'য়ে যেতে হবে জালা  
                  রুদ্ধ বাক্—বিনা প্রতিবাদে ।

### ইন্দ্রের প্রবেশ

ইন্দ্র ।      পিতা স্বর্গঃ পিতা ধর্মঃ  
                  পিতাহি পরমস্তুপঃ,  
                  পিতরি প্রীতিমাপন্যে  
                  প্রিয়ন্তে সৰ্ব্ব দেবতাঃ ।

[ অবনত মস্তকে কশ্যপের পদধূলি গ্রহণ ]

কশ্যপ ।      জয়ন্ত ! কহ বৎস,  
                  কুশল বারতা এবে ।  
                  প্রীত আমি পেয়ে আজি  
                  তব দরশন !

## স্বপ্ন ন অভিশাপ

বুঝিলাম স্নেহের নন্দন  
ত্রিদিবের ঐশ্বর্য্য লভিয়া  
ভোলে নাই পিতারে তাহার !  
গৰ্ব মানি তাই পুত্রের গৌরবে !  
কহ বৎস,

কোন প্রয়োজনে—  
দীন ঋষির সকাশে  
আজি আগমন তব ?  
বাধিল কি আবার সংগ্রাম  
ভ্রাতৃদ্রোহী কদাচারী  
দানবের সনে ?

ইন্দ্র ।

বাধে নি এখনও,  
তবে স্ননিশ্চয় বাধিবে সমর ।  
স্বরপুরে প্রেরিয়াছে দূত—  
কদাচারী কলম্ব-অসুর  
দাবী করি অর্দ্ধ অংশ ত্রিদিবের  
কশ্যপ সন্তান বলি আপনারে ।  
ত্রিদিবের সিংহাসন  
হ'তো যদি পিতৃদত্ত  
সম্পত্তি আমার,  
মহানন্দে অর্দ্ধ অংশ তার  
দিতাম কলম্বাসুরে ।  
কিন্তু স্বরগের সিংহাসন



## অভিশাপ

স্বোপার্জিত বিত্ত বাসবের,  
সূচ্যগ্র মৃত্তিকা তাহা হ'তে  
নাহি দিব দানবে কখনো ।  
তাহে হয় হোক রণ ।  
দানব-সংহতি রণে —  
যাইবার আগে  
আসিয়াছি ঋষি  
করিবারে চরণ বন্দনা,  
শিরে ল'য়ে আশিস্ তোমার  
প্রবেশিব রণাঙ্গণে ঋষি !  
অদিতি-সন্ততিগণে  
করিতেছি আশীর্বাদ চিরদিন ।  
তবু যদি হে বাসব,  
চাহ আশীর্বাদ নবভাবে,  
করিনু আশিস্—  
জয়যুক্ত হও তুমি রণে ।

[ কশ্যপের পদধূলি লইয়া ইন্দ্রের প্রস্থান ।

### কলম্বাসুরের প্রবেশ

কলম্বাসুর । আমিও আশিস্-প্রার্থী  
হে মহান্ ঋষি !  
আত্মজের দাবী ল'য়ে

## অভিশাপ

এসেছি হেথায়,  
পূর্ণ কর তপোধন,  
প্রার্থীর প্রার্থনা ।

কশ্যপ । তুমিও আশিস্-প্রার্থী  
দানব-ঈশ্বর ?  
আশিস্ বচন হ'তে  
শ্রেষ্ঠতর যে সম্পদ মহান্ আহবে  
তোমাতে তা দিব আমি ।  
তিষ্ঠ ক্ষণকাল—

[ কশ্যপ চলিয়া গেলেন এবং অনতিবিলম্বে একটা

ত্রিশূল লইয়া ফিরিয়া আসিলেন ]

কশ্যপ । লহ এই মহাশূল দিতির সন্তান  
মহাশক্তিধর !  
যতক্ষণ এই শূল রহিবে সকাশে,  
তিনলোকে নাহি হেন বীর  
যক্ষ রক্ষ দেবতা দানব  
জিনিতে তোমাতে ;  
শুধু শক্তিহীন এই শূল  
শঙ্করেব মহাঅঙ্গ পাশুপত পাশে ।

কলহাস্তুর । প্রণাম চরণে ঋষি !

[ শূল গ্রহণান্তর প্রস্থান ।

কশ্যপ । জয় নারায়ণ !

[ প্রস্থান ।

ফুলের সাজি লইয়া গীতকণ্ঠে আশ্রম-  
বালিকাগণের প্রবেশ

আশ্রম-বালিকাগণ ।—

গীত

চল্ চলে দিই ভোলাব মাথায় বিষদল আর গঙ্গাজল ।  
ভাগবের টুটেবে নেশা আনবে ফিরে মনের বল ।  
নেশায় হ'লো পাগল ভোলা, সার করেছে বিষতলা,  
অশানের ছাই ভূষণ হ'লো, প্রিয় হ'লো ধুত্ৰো ফল ।

[ প্রস্থান ।

তৃতীয় দৃশ্য

মানস-সরোবর-তীর

দূরে দৈত্যসেনাদল জয়োল্লাসধ্বনি করিয়া উঠিল ;

দ্রুতপদে কলম্বাসুর ও বজ্রবাহুর প্রবেশ

বজ্রবাহু । এখনই রওনা হ'তে হবে সম্রাট ?

কলম্বাসুর । হ্যা—এখনই । তোমার সেনাদল কি এখনও প্রস্তুত

হ'তে পারে নি বজ্রবাহু ?

বজ্রবাহু । আমার সেনাদল প্রস্তুত সম্রাট !

কলম্বাসুর । তবে এ কথার অর্থ কি বজ্রবাহু ?

## পূর্ব অভিশাপ

বজ্রবাহু। বাচালতা মাপ করবেন সম্রাট! সম্রাটের আচরণে আমি একটু সন্দেহান্বিত হয়েছিলুম।

কলহাসুর। কিসের সন্দেহ সেনাপতি?

বজ্রবাহু। আমার সন্দেহ হয়েছিল, ত্রিদিব আক্রমণের জন্য সেনাদল প্রস্তুত জেনেও এমন অসময়ে সম্রাট বেরুলেন বায়ু সেবন করতে মানস-সরোবর-তীরে, এইটুকুই সন্দেহের কারণ সম্রাট!

কলহাসুর। অন্য় কর নি। দায়িত্বজ্ঞান যার আছে, তার মনে এরূপ সন্দেহ করাই স্বাভাবিক। শোন সেনাপতি, বায়ু সেবনকে উপলক্ষ্য করে আমি এসেছিলুম এখানে অন্য উদ্দেশ্য নিয়ে।

বজ্রবাহু। উদ্দেশ্য কি পূর্ণ হয় নি সম্রাট?

কলহাসুর। না।

### দারুকের প্রবেশ

দারুক। উদ্দেশ্য পূরণের পথটা সুগম হয়ে এসেছে মহারাজ! আমি এইমাত্র তাকে দেখেছি। এখন কৌশল ক'বে জাল ফেলতে পারলেই চিড়িয়া ধরা পড়বে।

কলহাসুর। কাব কথা বলছো তুমি?

দারুক। আপনার মানস-প্রতিমা সেই মানসী-ঠাককণের কথা, আবার কার কথা বলবো!

বজ্রবাহু। সম্রাট! একটা বিরাট সেনাদল আমার আদেশেব প্রতীক্ষায় ব'সে আছে, আমি আব কালবিলম্ব করতে পারছি না।

কলহাসুর। আচ্ছা, তুমি যেতে পার—কিন্তু মনে রেখো, আজ নিশাযোগেই আমরা আক্রমণ করবো।

## স্বপ্ন অভিশাপ

বজ্রবাহু। সম্রাটের আদেশ শিরোধার্য। [স্বগত] এই উচ্ছৃঙ্খল আদেশ-পরিচালিত হ'য়ে আমার দানবসেনাদলের সৈন্যপত্য করতে হবে—ধিক আমাকে!

[ক্রত প্রস্থান।

দারুক। সেনাপতি মশায়ের মুখ চোখ দেখে মনে হ'লো, তিনি যেন খুব চ'টেছেন—

কলহাসুর। তাতে তোমার কি?

দারুক। আজ্ঞে, তা একটু আছে বৈকি। বদরসিক গোয়ার-গোবিন্দ লোক তলোয়ারের একটা খোঁচা দিতে কতক্ষণ!

কলহাসুর। সে ভয় তোমার নেই—এখন যা বলছিলে, তাই বল, আমার সময় বড় অল্প।

দারুক। তা হ'লে আর ব'লে কি হবে, অল্প সময়ের তো কাজ নয় মহারাজ!

কলহাসুর। তাকে তুমি দেখেছ?

দারুক। আজ্ঞে হ্যাঁ—

কলহাসুর। কোথায় তাকে তুমি দেখেছ?

দারুক। আজ্ঞে, এই মানস-সরোবর-তীরে—

কলহাসুর। আমায় দেখাতে পারো?

দারুক। আজ্ঞে, যদি দেখা দেন, তবেই—

কলহাসুর। এই যে বললে সে ঐখানে আছে?

দারুক। আজ্ঞে, ছিলেন বটে—তবে মহারাজের সেনাসন্নিবেশের ঘটা দেখে যদি গা ঢাকা দিয়ে থাকেন।

কলহাসুর। আচ্ছা, চল দেখি—

## অভিশাপ

দারুক। তা হ'লে যুদ্ধটা কি এখন স্থগিত থাকবে মহারাজ ?

কলহাসুর। না।

দারুক। তবে কি যুদ্ধ আর প্রেম একসঙ্গে ?

কলহাসুর। চল্ মূর্খ, সেটা কার্যক্ষেত্রেই দেখতে পাবে।

দারুক। আজ্ঞে, একটা দেখবো—অন্যটা আমার ধাতে সইবে না।

[ উভয়ের প্রস্থান। ]

### গীতকণ্ঠে মানসীর প্রবেশ

মানসী।—

#### গীত

স্বপন দেশে বাঁধবো মোঁরা ঘর, এখানে নয়—এখানে নয়।

সেখানে নতুন ক'রে তোমায় আমায় হবে পরিচয় ॥

নতুন ক'রে বাঁধবো বীণাখানি,

নতুন ক'রে গাঁথবো মালা বনের কুমুম আনি,

হবে নতুন চোখে দেখাদেখি নতুন ক'রে প্রাণ বিনিময় ॥

[ মানসীর গান আরম্ভ হইবার একটু পরেই কলহাসুর ও

দারুক আসিয়া একটু দূরে বৃক্ষান্তরালে দাঁড়াইয়া

রহিল এবং মনোনিবেশ সহকারে গান

শুনিতে লাগিল। ]

কলহাসুর। শুনছিস কি মূর্খ ?

দারুক। আজ্ঞে গান।

কলহাসুর। গানটা কাকে লক্ষ্য ক'রে গাইছে বল দেখি ?

## স্বপ্ন অভিশাপ

দারুক। তার প্রেমাস্পদকে।

কলহাসুর। অর্থাৎ আমাকে, বুঝলি ?

মানসী। নিষ্ঠুর ধরা দিয়েও কি ধরা দেবে না ?

[ মানসী গমনোচ্ছোগ করিলে কলহাসুর তাহার পথ

আঙুলিয়া দাঁড়াইল। ]

মানসী। কে আপনি ? পথ ছাড়ুন—

দারুক। তুমি যে ঠুকে পথে বসিয়েছ সুন্দরী, এখন উনি পথ  
ছাড়েন কি ক'রে ?

কলহাসুর। ঠিকই তো! [ জনান্তিকে পারিষদের প্রতি ] বেড়ে  
বলেছি স্ কিন্তু—

মানসী। তা হয় না, আমি যে বাক্দত্তা।

দারুক। বাক্রোধ করবার ব্যবস্থা করুন মহারাজ, নইলে বাক্দত্তা-  
লাভ বড় কঠিন হ'য়ে উঠবে।

মানসী। পথ ছাড়ুন—

কলহাসুর। যদি না ছাড়ি ?

মানসী। যদি ইন্দ্রপুত্র জয়ন্তকে জয় ক'রে আমার পাণিপ্রার্থী  
হ'তে পারেন, তবেই আমার পাবেন ; নইলে কল্পনার আকাশ-কুমুমের  
পেছনে ছুটবেন না।

কলহাসুর। উত্তম, তাই হবে। স্বর্গজয়ের সঙ্কল্প নিয়ে আমার  
সেনাদল তোরণদ্বারে শুধু আমার আদেশের প্রতীক্ষা করছে। তা হ'লে  
বিদায় সুন্দরী, যুদ্ধান্তে আবার দেখা হবে। এসো বন্ধু—

দারুক। আঙ্কে কোন্ দিকে যাবো ? সম্মুখে, না পেছন দিকে ?

কলহাসুর। সম্মুখে—আমার সঙ্গে—

## স্বপ্ন অভিশাপ

দাকক । উপস্থিত আপনাব কথা রেখে খানিক দূর না হয় যাবো,  
তারপর পেছু হাঁটতে শুরু করবো ।

[ উভয়ের প্রস্থান ।

মানসী । ইনিই কি দৈত্যসম্রাট কলম্বাসুর ? চলেছেন ত্রিদিব-  
বিজয়ে ! তাই তো, তা হ'লে কি হবে ! মা সতীরাগী, দেখিস্ মা, মুখ  
রাখিস্—

[ প্রস্থান ।

### চতুর্থ দৃশ্য

ত্রিদিব-তোরণ

জয়ন্তু ও দেবসৈন্যগণ

জয়ন্তু । সাবধানে রক্ষা কর নগর-তোরণ,  
যেন নাহি রয় মক্ষিকার  
প্রবেশের পথ ।  
তোমাদের এতটুকু ক্রটি  
ক্ষুণ্ণ যেন নাহি করে দেবের মর্যাদা ।  
বলদর্পী দানবের দল  
আসে ধেয়ে বিপুল বিক্রমে,  
সম্মুখ সংগ্রামে



## স্বপ্ন অভিশাপ

সেই আততায়ীগণে  
দলিয়া—মথিয়া—  
নিশ্চিহ্ন করিতে হবে !  
এ তিন ভুবনে কেহ যেন  
কভু না শুনিতে পায় দানবের নাম ।  
নাম, যশঃ, মান আর মর্যাদা দেবের,  
জেনো আজি তোমাদের হাতে ।  
দেবতামণ্ডলী  
দানব-বিজয়ী চিরদিন !  
বন্ধুগণ,  
সেই মহান গৌরবে  
ক'রো না—ক'রো না যেন কলঙ্ক লেপন !

দেবসৈন্যগণ । জয় দেবরাজ বাসবের জয় !

### ইন্দ্রের প্রবেশ

ইন্দ্র ।      স্তব্ধ কর শুষ্ক জয়ধ্বনি !  
অরাতি-নিধন আগে জয়ধ্বনি  
অর্থহীন উন্মাদের বাণী !  
বিপুল বিক্রমে  
দৈত্যকুল দলিয়া মথিয়া  
উড়াইবে যবে  
দেবতার বিজয়-কেতন,  
তখনি হইবে

## পিতার অভিশাপ

অধিকারী জয়ধ্বনি করিবার,  
তার আগে নয় ।  
শোন কুমার জয়ন্ত,  
তুমি আর দেবসেনাপতি কার্তিকেয়  
দুইজনে সাবধানে  
আপন বাহিনী সহ  
রক্ষা কর পশ্চিম-তোরণ ।  
দক্ষিণে রহিবে মৃত্যুপতি,  
উত্তরে পার্শ্বত্যা পথে  
সদাগতি দেব প্রভঞ্জন,  
পূর্বে দ্বারে রবো আমি ।  
শোন পুত্র, কহি আরবার—  
অর্ধচন্দ্রাকারে ব্যূহ করিয়া রচনা  
সাবধানে রক্ষা কর পশ্চিম-তোরণ ।  
জয়-পরাজয়  
জেনো পুত্র তোমাদেরি হাতে ।

[ প্রস্থান ।

জয়ন্ত ।      শুনিলে তো বকুগণ পিতার আদেশ !  
অবিলম্বে অর্ধচন্দ্রব্যূহ  
রচনা করিতে হবে ।  
দেবসেনাপতি কার্তিকেয়  
রবে বামভাগে,  
দক্ষিণে রহিব মোরা ।

## স্বপ্ন অভিশাপ

যাও সৈন্তগণ, বিলম্ব না কর ;  
রচি ব্যুহ  
রহ প্রতীক্ষায় অরাতির ।

[ সৈন্তগণের প্রস্থান ।

### মানসীর প্রবেশ

জয়ন্ত । কে ? মানসী—তুমি ? এই ভীষণ সঙ্কটময় মুহূর্তে তুমি এখানে কেন এলে মানসী ?

মানসী । সঙ্কটময় মুহূর্ত যেমন তোমারও, আমারও জীবনে এসেছে তেমনি সঙ্কটময় মুহূর্ত । তুমি যাচ্ছে দেবতার মান, দেবতার মর্যাদা, দেবতার সিংহাসন বজায় রাখতে প্রবল প্রতিপক্ষ দুর্বীর দানবের বিদ্রোহের কালানল থেকে, আর আমি ছুটে এসেছি—সেই অত্যাচারী লালসার দাস ছরন্ত দানবের নিষ্ঠুর কবল থেকে রক্ষা করতে নিজের মান, নিজের ধর্ম, নিজের নারীত্ব । আমার প্রয়োজনটা কি উপেক্ষার বস্তু মনে কর জয়ন্ত ?

জয়ন্ত । উপেক্ষার বস্তু না হ'তে পারে, কিন্তু আমার কর্তব্য যে আরও গুরুতর মানসী ! স্বাধীনতা-সংগ্রামে আজ যে আমি সমষ্টির পক্ষ থেকে একজন নেতা, দেহ মন উৎসর্গ করেছি দেবতার সেই অমূল্যনিধি রক্ষার জন্ত । ছুটেছি একটা বিরাট ঘূর্ণীবায়ুর মত ঝাঁপিয়ে পড়তে নিষ্ঠুর অসহ্যাপরায়ণ দানব-বাহিনীর উপর—সমস্ত বাহিনীকে বিপর্যাস্ত করে ক্ষুদ্র ধূলিকণার মত দিক্দিগন্তে ছড়িয়ে দিতে । নারীর কাকুতি, নারীর প্রেম নিবেদন শোন্বার তো এখন অবসর নেই মানসী !

## স্বপ্ন অভিশাপ

মানসী । নারীর কাকুতি, নারীর প্রেম নিবেদন কি এতই অবজ্ঞার ? নারী কি এতই হেয় জয়ন্ত ? নারীর মর্যাদা, নারীর ধর্ম, নারীর নারীত্বের কি কোন মূল্য নেই ? বাকদত্তা রমণী আর বিবাহিতা নারী কি তোমার মতে পৃথক রাজকুমার ? বিপল্লা পত্নীর ধর্ম, মর্যাদা, নারীত্ব রক্ষা কি স্বামীর কর্তব্যের বাইরে দেবসেনানায়ক ? বাকদত্তা কি তোমার বিচারে ধর্মপত্নী নয় বাসবতনয় ? আজ যদি তোমার মাতার কি ভগ্নির ধর্ম, মর্যাদা, সতীত্ব হৃদ্বর্ষ দানবের হাতে বিপন্ন হ'তো—

জয়ন্ত ।        রসনা সংযত কর প্রগল্ভা কামিনী !

ত্রিদিব-ঈশ্বরী মহীয়সী

দেবেন্দ্র মহিষী—

তুলনার বস্তু নয়

পথের কুকুরী সনে !

অতি হীন অপ্সরার কুলে

লভিয়া জনম,—

তুল্য মান—সমান পর্যায়

দাবী কর তুমি কূপের মণ্ডুকী ?

উচ্চ আশা নৃত্য করিবারে

বিষধর অজগর শিরে !

ত্রিদিবের বারবিলাসিনী

গন্ধর্ব্ব-নন্দিনী,

স্পর্ধা তার পত্নীত্বের দাবী—

বাসব-নন্দন পাশে !

## স্বপ্ন অভিশাপ

মানসী । এত শঠ—এতই কপট তুমি  
বাসব-নন্দন ?  
প্রবঞ্চক ! এই যদি ছিল মনে,  
কেন তবে  
রূপ মোহে মুগ্ধ হ'য়ে কামনার দাস,  
প্রেম ভিক্ষা ক'রে ছিলে মোর ঠাই ?  
অবলা সরলা পেয়ে ছলায় ভুলায়ে  
হরণ করিয়া মোর নারীত্ব-সম্মম  
সর্বহারা কেন করিলে আমার ?  
পিতার স্নযোগ্য পুত্র বটে !  
সহস্রলোচন যিনি গুরুপত্নীহারি,  
তার পুত্র হবে লম্পট অধম—  
চিরন্তন সত্যবাণী ইহা ।

জয়ন্ত । সাবধান স্মৈরিণী কামিনী,  
হেন হীন বাণী—বারেকের তরে  
হয় যদি উচ্চারিত পাপমুখ হ'তে,  
ক্রমিব না রমণী বলিয়া ।  
স্বতীক্ৰ শায়কে এই ঘৃণিত রসনা  
থণ্ড থণ্ড করি—  
ধাওয়াইব শৃগাল কুকুরে,  
বাক্শক্তি চিরতরে করিব বিলোপ !

মানসী । জানি,—জানি ভাল মতে বাসবনন্দন,  
নারী-নির্ধ্যাতনে শক্তিদ্বর তুমি

## স্বপ্ন অভিশাপ

দুৰ্ৰ্বল শিশুর মত আশ্রিত রক্ষণে ।  
শোন শঠ ! শোন প্রবঞ্চক !  
মিথ্যাভাষে—মিথ্যা প্ররোচনে  
যে সৰ্বনাশ করেছ আমার,  
ফল তার অবশ্য ভুঞ্জিবে  
মোর অভিশাপে ।  
যে মহান্ দম্ভভরে  
আজি তুমি রণে আগুয়ান  
উড়াইতে দেবতার বিজয়-কেতন,  
সে দম্ভ টুটিবে তব ;  
হতমান হইবে দেবতা  
দানবের রণে ।  
যে ব্যথা হৃদয়ে ল'য়ে  
লাঞ্ছিতা কামিনী হ'য়ে সৰ্বহারা  
চ'লে যায় নিয়তি-চালিত পথে,  
ঠিক ততখানি ব্যথা ভুঞ্জিবে যখন  
তোমা সনে দেবকুল  
দানবের অত্যাচারে হ'য়ে জর জর—  
ল'য়ে শিরে পরাজয় কলঙ্কপসরা ;  
সেই ক্ষণে হইবে স্বরণ  
এই গন্ধৰ্ব্ববালায় ।  
বুঝিবে তখন ভাল মতে  
যে রমণী কোমলহৃদয়া

## স্বপ্ন অভিশাপ

প্রেম পাগলিনী,  
পুরুষের নির্যাতনে  
সে কামিনী দলিতা ফগিনী—  
ঢালে বিষ স্মৃতীর দংশনে ।

[ বেগে প্রস্থান ।

জয়ন্ত । মানসী—মানসী ! না, ছুটে চ'লে গেল ! তবে কি ভুল  
করেছি ? না—না, কখনই নয় ।

### গীতকণ্ঠে ভোলা-পাগলার প্রবেশ

ভোলা ।—

#### গীত

তোমার মিছে পাতা কাঁদ ।  
বামন হ'য়ে হাত বাড়ানো ধরতে যে গো চাঁদ ॥  
ক্ষণিকের সে রূপের নেশা,  
নিতি জাগায় নতুন আশা,  
যেমন তেলে জলে মেলামেশা তার ভালবাসার এমনি ছাঁদ ।  
মুখের কথা বড় মিষ্টি,  
বুকের বিধির নতুন সৃষ্টি,  
মোহমদির যোগের দৃষ্টি নারী ধরা কাঁদ ॥

[ প্রস্থান ।

জয়ন্ত । না, আমি ঠিক করেছি । কর্তব্যের আহ্বানকে উপেক্ষা  
ক'রে রমণীর প্রেম-নিবেদন শোন্বার অবকাশ বাসব-নন্দন জয়ন্তের  
নেই । দেবতার গৌরব-পতাকা আজ যদি এতটুকু অমনোযোগিতার,

## শ্রী অভিশাপ

এতটুকু অবহেলায় ভেঙ্গে পড়ে, তার মত ছরপনের কলঙ্ক আর কি হ'তে পারে? না, আমি ভুল করি নি—[ নেপথ্যে রণকোলাহল ] ঐ কর্তব্যের আহ্বান! জয়ন্তু, এগিয়ে চল—এগিয়ে চল—

[ বেগে প্রস্থান ।

### অপরদিক দিয়া শনৈশ্চরের প্রবেশ

শনৈশ্চর । না, আর পারা গেল না! আবাব লাগলো যুদ্ধ! এক যুদ্ধে গিয়ে ঘোবনে জ্বাগ্রস্ত হ'য়ে হাড়ির হাল হয়েছিল, নেহাত জোর বরাত—তাই আবার বিগত ঘোবনটা থানকে থান ফিরে পেয়েছি। ছ'দিন ভোগ করতে না কবতেই আবার বেজে উঠলো বণ-দামামা! এবার কলঙ্কাসুর আবাব কি চীজ্ নিয়ে যুদ্ধে আসছে কে জানে? অসুখদেব বিশ্বাস নেই বাবা! ঐ জ্বাসুখ বেটা তো ওদেবই স্বজাতি— হয় তো এমন একটা জীব সঙ্গে আনবে—তিনি একটু ফুঁ দিয়ে মাথাটা বেমানুম উড়িয়ে দেবেন। দেবতাব মরণ নেই—কাজেই কন্ধ কাটার মত হাত্ড়ে হাত্ড়ে ঘুরে বেড়াতে হবে। তা হ'লেই তো গেছিকে বাবা! জ্বাসুরের মত দেববাজ যদি আমারও একটা ব্যবস্থা ক'বে দিতেন, তা হ'লে মর্ত্যে গিয়ে পুজোর নৈবিদ্যি খেতুম্ আর গৌফে চাড়া দিয়ে ঘুরে বেড়াতুম্—হায় রে বরাত!

### যমের প্রবেশ

যম । একি, শনৈশ্চর তুমি!

শনৈশ্চর । মৃত্যুপতি কি যুদ্ধের হাঙ্গামায় চোখে ঝাপসা দেখছেন নাকি?



## শূন্য অভিশাপ

যম। কেন ?

শনৈশ্চর। কথাটা শুনে মনে হ'লো যেন আমার চিন্তে পারেন নি—

যম। তা নয় শনৈশ্চর, আমি বিস্মিত হ'লুম যে, দেববাহিনী যুদ্ধে  
ব্যাপৃত আর তুমি এখানে দাঁড়িয়ে—

শনৈশ্চর। আজ্ঞে, আপনি যে রকম তুমুল যুদ্ধে ব্যাপৃত, তা দেখে  
আমার আর পা উঠলো না ; অবাক হ'য়ে এখানে দাঁড়িয়ে আছি।

যম। মূর্খ !

[ প্রস্থান।

শনৈশ্চর। আজ্ঞে হাঁ। বুদ্ধিমানের মত আপনি এগিয়ে যান,  
মূর্খ আমি, ভেবে দেখি, যাবো কি না।

### পবনের প্রবেশ

পবন। কি ভেবে দেখবে হে শনৈশ্চর ?

শনৈশ্চর। আজ্ঞে, মূর্খেরা যা ভাবে—

পবন। তবু ভাবনাটা কি শুনি ?

শনৈশ্চর। ভাবনা আর কিছুই নয়—ভাবছি যুদ্ধে যাবো কি না !

পবন। যুদ্ধে যাবে না কি রকম ?

শনৈশ্চর। সেই অরাসুরের কথা মনে আছে কি আপনার ?  
এরাও তো সেই অসুরের জাত ! তাই গাড়ার ভাবনা, বেলতলায়  
আবার যাবে কি না !

পবন। দেশের জন্ত—জাতির জন্ত তুমি যুদ্ধ করবে না ?

শনৈশ্চর। আজ্ঞে দেহের জন্ত, মনের জন্ত একটু ইতস্ততঃ  
করতে হ'চ্ছে বৈকি।

## পূর্ব অভিশাপ

পবন। তুমি কাপুরুষ!

[ প্রস্থান।

শনৈশ্চর। যে আজ্ঞে সুপুরুষ!

### কার্ত্তিকেয় প্রবেশ করিলেন

কার্ত্তিকেয়। কার সঙ্গে কথা কইছিলে শনৈশ্চর?

শনৈশ্চর। আজ্ঞে, প্রভঞ্জন দেবের সঙ্গে। উনি বললেন যুদ্ধে যেতে, সব দেবতাই তো গুটী গুটী গেলেন যুদ্ধ করতে—এখন গুপ্তশত্রুর হাত থেকে দেবাজ্ঞানাদের রক্ষা করবে কে? তাই ভাবছি, আমি আর যুদ্ধে যাবো না—আমি দেবাজ্ঞানাদের খবরদারী করবো। আপনি দেবসেনাপতি, আপনার অমুমতি ভিন্ন তো কিছু করতে পারি নে।

কার্ত্তিকেয়। তুমি বুদ্ধিমানের মত কথাই বলেছ—পুরী সম্পূর্ণ অরক্ষিত—পুরীরক্ষার ভার তোমার উপর রইলো শনৈশ্চর!

[ প্রস্থান।

শনৈশ্চর। যে আজ্ঞে! হৌংকা বমরাজ তবু বলে আমি মূর্খ!  
তুম্ তানা না না দেরে না—

[ ফুল্লমনে সুর ভাঁজিতে ভাঁজিতে প্রস্থান।

## পঞ্চম দৃশ্য

রংস্থল

যুদ্ধ করিতে করিতে পবন ও কলস্বাস্থুরের প্রবেশ

কলস্বাস্থুর । তুমিই পবন ?  
ফুৎকারে টলাতে পারো  
হিমাঙ্গি অচল,  
উপাড়িতে মহীরুহ  
একান্ত তৎপর তুমি  
অঞ্জনানন্দন,  
ভুবনে অজেয় বীর  
খ্যাতি চিরদিন,  
তাই দেবেন্দ্র বাসব—  
নির্ঝাচন করিয়াছে তোমা  
রক্ষিতে তোরগদ্বার ।  
কিন্তু এই শক্তি, এই ভুজবল  
সহিল না একটা আঘাত ।  
বিচূর্ণিত গদা, পাশ,  
বিঘূর্ণিত শির—  
ভূমিশয্যা করিলে গ্রহণ !  
পুনঃ কোন্ মায়াবলে  
নববলে হ'য়ে বলীয়ান্  
আসিলে যুদ্ধিতে পুনঃ ?

## স্বপ্ন অভিশাপ

দেখাইলে পরাকাষ্ঠা বীরত্বের !  
ক্লান্ত যদি রণে প্রভঞ্জন,  
যাও ফিরি আপন আলয়ে ।  
দণ্ডেকের তরে  
করগে বিশ্রাম তুমি,  
দিবু তোমা অবসর ।  
পবন । জানি তুমি বাক্যবীর  
দানব-অধম !  
জানি তুমি শিথিয়াছ মায়া,  
মায়াধর গুরুপাশে ;  
যুদ্ধবিজ্ঞা বিনিময়ে  
মায়াবিজ্ঞা করিয়া অর্জন,  
করিতেছ রণ জয়—  
অস্ত্রবল বাহুবলে নয় !  
ধর অস্ত্র, মায়াবিজ্ঞা সহ তোমা  
জিনিয়া সংগ্রামে,  
পাঠাইব অচিরায়  
মরণের পারে ।  
কলস্বাস্থুর । অমর বলিয়া তাই এত আড়ম্বর  
এত আশ্ফালন  
মৃত্যু দিতে অপরেয়ে ।  
বোঝা গেছে ভুজবল তব,  
নির্বিষ ভুজঙ্গ সম

## স্বপ্ন অভিশাপ

শুধু আশ্ফালন !

ধর অঙ্গ, আত্মরক্ষা কর ।

[ যুদ্ধ করিতে করিতে উভয়ের প্রস্থান ।

### যুদ্ধরত যম ও বজ্রবাহুর প্রবেশ

যম ।            কালান্তক মহাকালে আহ্বানিয়া রণে  
                  উন্মুক্ত করিলি কেন মরণের পথ ?  
                  রে মৃত দানব, জানিস্ কি তুই—  
                  কেবা আমি মৃত্যুদণ্ড করে ?

বজ্রবাহু ।        জানি তুই মৃত্যুপতি যম,  
                  আর মৃত্যুদাতা আমি সে যমের ।  
                  মানবের জীবন লইয়া  
                  চিরদিন লীলাখেলা তোর,  
                  শক্তিহীন অকর্মণ্য জীব  
                  অসহায় যারা ধরামাঝে ।  
                  আজি তোরে পেয়েছি সম্মুখে,  
                  সমূলে নাশিয়া মানবের মৃত্যুভয়  
                  ঘুচাইব চিরদিন তরে ।  
                  বাঁচাইব মর্তবাসী জনে  
                  হাত হ'তে জরা-মরণের ।  
                  ধর অঙ্গ,  
                  দণ্ড পাশ যা আছে তোমাব,  
                  এই মৃত্যুবাণ এড়িলাম আমি ।

## যমের অভিশাপ

যম । মৃত্যুকামী রে দানব,  
আয় তবে, মরণ বরণ কর,  
তুলিলাম যমদণ্ড দানবনিধনে ।  
[ যম বজ্রবাহকে আক্রমণ করিল বজ্রবাহ  
পলায়নপর হইলেন । ]

শূল হস্তে কলম্বাসুরের প্রবেশ

কলম্বাসুব । হেব মৃত্যুপতি,  
ব্যর্থ তব দণ্ডেব আঘাত ;  
ও আঘাত শুধু মৃত্যু দেয় মর্তের মানবে ।  
জরা ব্যাধি জীর্ণদেহে যারা  
শুধু চেয়ে থাকে মরণের আশা-পথ,  
ওই দণ্ড তাদেবি মরণ দিতে  
অব্যর্থ—দুর্কীব ।  
ভুবনবিজয়ী বীর কলম্ব-অসুর  
ভীত নয় যমদণ্ড হেরি ।

[ উভয়ে যুদ্ধ করিতে লাগিল, কিয়ৎক্ষণ পরে রণে ভঙ্গ  
দিয়া যম পলায়ন করিল এবং বরণ আসিয়া তাহার  
স্থান অধিকার করিল, কিন্তু উদ্যত শূলের মুখে  
বরণের পাশ হস্তচ্যুত হইল । কলম্বাসুর  
বরণের হস্ত দৃঢ়মুষ্টিতে ধরিয়া ফেলিল । ]

কলহাসুর । মরিবে না তুমি—  
মৃত্যুঞ্জয়ী তোমরা অমর,  
নহিলে কি এখনও  
খাকিত জীবন ওই  
সুকোমল দেহে ?  
শুনিয়াছি তুমি জলাধিপ,  
আন স্নিগ্ধ বারি  
মৃন্ময় কলস ভরি,  
প্রক্ষালন করি দেহ  
দানবের চরণ যুগল,  
বিনিময়ে মুক্তি দিব তোমা ।  
কি, নিরুত্তর কেন ?  
পারিবে না প্রক্ষালিতে পদ ?  
তবে জলাধিপ নাম  
কি হেতু ধরেছ মূঢ় ?  
হয় আন বারি,  
অনুথায় দন্তে তৃণ করি  
মাগি পরাজয়  
চ'লে যাও নিজ বাসে ।

বেগে জয়ন্তের প্রবেশ

জয়ন্ত । বাখানি বীরত্ব তোর  
দানব অধম !

# স্বপ্ন অভিশাপ

অঙ্গহীন জনে  
কহিতেছ বিক্রপের বাণী ?  
শক্তিমান্ যদি তুই  
ধর্ অঙ্গ,  
আসিয়াছে কালান্তক তোর  
বাসব-নন্দন ভুবন-বিজয়ী বীর,  
হৃৎকতের যোগ্য দণ্ড দিতে ।  
কলঘাসুর । তুই ? তুই বাসব-নন্দন ?  
সীমাবদ্ধ যে ভুবন স্বরগ-তোরণে,  
সে ভুবন মাতৃ-অঙ্ক তোর—  
স্নেহের বারিধি ঘেরা !  
জয় করি তাই,  
ভুবনবিজয়ী আখ্যা তোর !  
নহে হৃৎকপোষ্য শিশু তুই,  
বামনের চন্দ্রমা ধারণ সাধ  
যথা কল্পনা-অতীত,  
তোরও প্রাণে জাগিয়াছে  
তেমতি অনন্ত সাধ—  
অনন্ত ছরাশা  
যুঝিতে কলঘ সনে !  
ফিরে যা রে শিশু  
পুনরায় মাতৃ-অঙ্কে তোর,  
শুক তালু ক্ষুধার কাতর



## স্বপ্ন অভিশাপ

এখনি হইবি তুই ;  
রগশ্রম কেমনে সহিবি ?  
জয়ন্ত । বীরশিশু মাতৃ-অঙ্ক হ'তে  
আপনি ছুটিয়া যায়  
মল্লক্রীড়া করিবারে  
বহু স্বাপদেব সনে ।  
বনের স্বাপদ তুইও একজন,  
তাই আসিয়াছি  
তোর সনে করিবারে মল্লরগ ।  
রগ সাধ যদি,  
দেখা যাক্ কার কত পরাক্রম !

[উভয়ের ঘোরতর যুদ্ধ । দেবসেনাগণ আসিয়া জয়ন্তের সহিত  
সমরে যোগদান করিল, কিন্তু কলম্বাসুরের প্রচণ্ডবেগ  
সহ করিতে না পারিয়া তাহারা পলায়ন করিল ;  
জয়ন্ত ও বরুণ কলম্বাসুরের সহিত যুদ্ধ করিতে  
লাগিল, কিয়ৎক্ষণ যুদ্ধ করিবার পর তাহারা  
পলায়ন করিল ; কলম্বাসুর তাহাদের  
পশ্চাদ্ধাবন করিল । ]

জনৈক চরের প্রবেশ  
চর । রণে ভঙ্গ দিয়া  
পলায়েছে সকল দেবতা ।

## ঐশ্বর্য অভিশাপ

একা শুধু কুমার জয়ন্ত  
যুঝিতেছে দানবের সনে !  
তুমুল সংগ্রাম—  
ভাবিতেছি কি হয়—কি হয় !  
যাই ঘরা—  
দেবরাজে দানিতে সংবাদ ।

[ প্রস্থান

### শনৈশ্চরের প্রবেশ

শনৈশ্চর । রমারম্ লেগেছে সমর,  
শেল, শূল, গদা, ভল্ল,  
মুষল, মুদগর,  
আর ছিল যত দেব-অস্ত্র,  
ভাঙার করিয়া খালি  
এড়িল সকল দানবনিধন তরে ।  
হুর্ভাগ্য অপার—  
ব্যর্থ অস্ত্র যত,  
স্পর্শিল না কেশাগ্র তাহার,  
অজ্ঞেয় অক্ষত রণে  
দুরন্ত দানব ।  
সুনিশ্চিত দেবতার পরাজয় !  
মিছামিছি তবে  
আমি কেন আশুবেড়ে যাই

## স্বপ্ন অভিশাপ

রণাঙ্গণে ছরন্তু রিপূর সনে  
সংগ্রাম বাসনা ল'য়ে ?  
উন্টামুখে পৃষ্ঠ দেখাইয়া—  
ফিরে যাই আপন আলয় ।  
গৃহিণীর অঞ্চল ধরিয়া  
গুপ্ত গৃহে বসি  
রসালাপ জুড়ে দিই ।  
বণ-উন্মাদনা নিয়ে  
অযথা ঘামানো মাথা  
মুর্গতার পরিচয় ।

[ বেগে প্রস্থান ।

### ষষ্ঠ দৃশ্য

রণস্থলের একাংশ

ইন্দ্রের প্রবেশ

ইন্দ্র । সুকৌশলী প্রভঞ্জন বীর ।  
পশ্চিম তোরণ  
অতীব সুগম পহা পুরী প্রবেশের  
জানিয়া কলধাসুর,

## স্বপ্ন অভিশাপ

সেই দিক হ'তে  
আক্রমিল প্রচণ্ড বিক্রমে  
দেব অনিকিনী ।  
কৌশলী পবন মৃত্যুপতি সহ  
ঘেবিল দানবদলে পশ্চাৎ হইতে ।  
ছুর্কাব অবাতি ভৈবব ছঙ্কাব ছাডি  
প্রমত্ত আহবে বাঁপায়ে পড়িল বেগে  
মত্ত কবী সম ।  
ব্যহভঙ্গ আশে  
কবিতেছে অশেষ প্রয়াস ।  
নেহাবি বিক্রম তাব  
সন্দ জাগে মনে,  
বুঝি বণে হয পবাজয় ।

### চরের প্রবেশ

ইন্দ্র । কি সংবাদ ?  
চব । হে বাসব ।  
বাধিয়াছে তুমুল সংগ্রাম,  
দানব-বিক্রমে ব্যুহ ভগ্ন,  
ছত্রভঙ্গ হইয়াছে দেবসেনাগণ ।  
দেবসেনাপতি ব্যুহ সংগঠনে  
বিফল প্রয়াস হ'বে  
একেশ্বর যুদ্ধে বণে,

## ঐশ্বর্য অভিশাপ

পশ্চাতে তাহার কুমার জয়ন্ত  
নিবারে দানব-চম্ ;  
পলায়িত প্রভঙ্কন,  
বণাক্ষণে মূচ্ছিত শমন,  
উল্লসিত দানব-বাহিনী  
যুঝিতেছে বিপুল বিক্রমে ।

[ প্রস্থান ।

ইন্দ্র ।  
মায়াবী দানব ।  
নাহি জানি কোন অলক্ষ্য শক্তি  
হইয়াছে দানব সহায়,  
তাই আজি বিপর্যাস্ত  
দেব-অনীকিনী !  
তবে কি দৈববল ?  
কোন্ দেবতার বরে  
আজি শক্তিমান্ হুরন্ত দানব ?  
দেবতার সর্বনাশ করিতে সাধন  
কেবা হ'লো প্রসন্ন এমন  
দানিয়া বিজয় বর হুরন্ত দানবে !

### দ্বিতীয় চরের প্রবেশ

চর ।  
হুঃসংবাদ অতি নিদারুণ !  
দেব-সেনাপতি ভঙ্গ দিল রণে ।  
কুমার জয়ন্ত একা

## স্বপ্ন অভিশাপ

যুঝিছে দানব সনে,  
পার্শ্বচর একটি দেবতা  
নাহিক সহায় তার !  
দৈববলে বলীয়ান্ কলঙ্ক-অসুর—  
যুঝে একেশ্বর জয়ন্তের সনে,  
পশ্চাতে সহায় তার  
অগণিত দানবীয় সেনা ;  
পরাজয় সুনিশ্চিত দেবরাজ !

[ প্রস্থান ।

ইন্দ্র ।  
পুত্র মোর একা যুঝে দানবের সনে,  
নাহিক সহায় কেহ!  
কাপুরুষ দেবসেনাদল  
রণে ভঙ্গিয়ান !  
অমর দেবতা—  
তবু ভীত কিসের লাগিয়া ?  
কালব্যাজ করিব না আমি,  
যাবো আমি পুত্র পাশে  
বারিতে হুর্নাদ অরি ।

[ বেগে প্রস্থান ।

ভগ্ন অসি হস্তে জয়ন্তের প্রবেশ

জয়ন্ত । একখানা অস্ত্র—একখানা অস্ত্র ! কে কোথায় আত্মীয়  
আছ, বন্ধু আছ, আমার একখানা অস্ত্র ভিক্ষা দাও । একখানা অস্ত্রের

## শির-উন্নত অভিশাপ

জন্ম আজ দেবতার মহান্ গৌরব বৃষ্টি হীন দানবের পদতলে দলিত হয়। এসো—দাও—একখানা অঙ্গ—একখানা অঙ্গ—

### বেগে মানসীর প্রবেশ

মানসী। হাঃ-হাঃ-হাঃ! কেমন হ'য়েছে? গর্বিত ইন্দ্রপুত্র, যে দম্ভ নিয়ে দীনা অভাগিনী নারীর কাকুতি উপেক্ষা ক'রে, কর্তব্যের আস্থানে ছুটে এসেছিলে, সে কর্তব্য কি তোমার সম্পন্ন হ'য়েছে জয়ন্ত?

জয়ন্ত। কে মানসী? একখানা অঙ্গ দিতে পারো আমার? আমি তোমার কাছে ভিক্ষা চাইছি।

মানসী। হাঃ-হাঃ-হাঃ! ভিক্ষা চাইছো! এমনিভাবে এক অভাগিনী নারী তোমার কাছেও ভিক্ষা চেয়েছিল, এমনি আকুল আগ্রহে তোমার পায়ের তলায় লুটিয়ে প'ড়ে কেঁদেছিল! সে দিন কি তুমি তাকে ভিক্ষা দিয়েছিলে জয়ন্ত? তাকে যে তুমি পদাঘাতে বিতাড়িত কবেছিলে পথের কুকুরীর মত! আজ তোমার ভিক্ষা চাইতে লজ্জা করে না? তুমি যে মহিমময় দেবতা, আর আমি হীনা পদসেবিকা দাসী!

জয়ন্ত। সে সব কথা ভুলে যাও মানসী! চির-উন্নত শির দেবতার মর্যাদা রক্ষা করতে তুমি আমার একখানা অঙ্গ ভিক্ষা দাও।

মানসী। ভোলবার শুভ মাহেক্ষণ চ'লে গেছে জয়ন্ত! যে ছিল তোমার অনুকম্পাপ্রার্থিনী—প্রেম পাগলিনী নারী, তার তো অস্তিত্ব নেই জয়ন্ত! সে মরেছে, মৃত্যুর সঙ্গে সঙ্গে হ'য়েছে দলিতা ফণিনী। স্নেহ, দয়া, প্রেম, ভালবাসাকে অস্তুর থেকে নিংড়ে ফেলে

## অভিশাপ

তা পূর্ণ করে বেখেছে তীব্র হলাহলে! তার নিঃশ্বাসে বিষ, তার দৃষ্টিতে অগ্নিস্কুলিঙ্গ, কথায় ও কার্যে বিশ্বধ্বংসী অগ্নি-প্রস্রবণ! তার কাছে চাও তুমি অনুকম্পা? হাঃ—হাঃ—হাঃ।

### ত্রিশূল হস্তে কলম্বাসুরের প্রবেশ

কলম্বাসুর। কুহু গৃগাল শিশু, এখানে পালিয়ে এসেছ? এই বুঝি দেবতার বণনীতি?

জয়ন্ত। আমি এসেছি অস্ত্রের জন্ত। দেখছো না অস্ত্র ভগ্ন? অস্ত্র দাও, আমি যুদ্ধ করবো—

কলম্বাসুর। আমার জিতিয়ে দাও, আমি জয়লাভ করবো; কেমন—ভাবার্থটা এই নয় কুমার? দেহে অযথা আঘাত সহ করতে না চাও, বন্দীত্ব স্বীকার কর; অস্ত্রথায় যুদ্ধ কর।

জয়ন্ত। কিন্তু অস্ত্র কৈ? তুমি নিরস্ত্রকে অস্ত্রাঘাত করবে?

মানসী। নিরস্ত্রকে অস্ত্রাঘাত করবেন না দানব-সম্রাট, ওকে বন্দী করুন।

জয়ন্ত। আমি কিছুতেই বন্দীত্ব স্বীকার করবো না।

কলম্বাসুর। বেশ, তা হ'লে যুদ্ধ কর।

### বেগে ইন্দ্রের প্রবেশ

ইন্দ্র। নিরস্ত্রের অস্ত্র অস্ত্রাঘাত করতে তোমাব লজ্জা করে না দানব? যুদ্ধ করতে চাও, আমার সঙ্গে যুদ্ধ কর।

[ ইন্দ্র পূর্ণ বিক্রমে কলম্বাসুরকে আক্রমণ করিল, কলম্বাসুর কশ্যপপ্রদত্ত শূল উদ্বৃত্ত করিয়া তাহার দিকে



## কলঙ্কাসুর অভিশাপ

ধাবিত হইল, শূলমুখে দীপ্তবহ্নি জ্বলিয়া উঠিল,  
ইন্দ্র ও জয়ন্তু কিয়ৎক্ষণ যুদ্ধ করিয়া রণে ভঙ্গ দিয়া  
পলায়ন করিল। কলঙ্কাসুর তাহাদের পশ্চাৎ  
অনুসরণ করিতে গিয়া সম্মুখে মানসীকে  
দেখিয়া স্তম্ভিত হইয়া দাঁড়াইলেন। ]

কলঙ্কাসুর। এ কি! মানসী, তুমি? তুমি এখানে?

মানসী। সম্রাটকে যে কথা দিয়াছিলাম। জয়ন্তুব সঙ্গে যুদ্ধে  
জয়লাভ ক'বে আপনাকে আস্তে ব'লেছিলাম আমার কাছে, যেমন  
তৃষ্ণার্ভ ছুটে যায় জলের কাছে। আজ সে নীতি উল্টে দিয়াছে  
সম্রাট! জলই ছুটে এসেছে তৃষ্ণার্ভের কাছে। দেবেন্দ্র-বিজয়ী বীর-  
শ্রেষ্ঠ কলঙ্কাসুর! বীরত্বের পুরস্কার স্বরূপ আমার বরমাল্য গ্রহণ  
করুন—[ কলঙ্কাসুরের গলায় মাল্য পরাইয়া দিল। ]

কলঙ্কাসুর। সুন্দরী! এ মিলনানন্দ উপভোগ কর্বো আমবা  
অমরাব রাজাসনে ব'সে—

[ মানসীর হাত ধরিয়া প্রস্থান। ]

# তৃতীয় অঙ্ক

প্রথম দৃশ্য

কৈলাসধাম ।

বিষ্মূলে নন্দী সিদ্ধি ঘুঁটিতোছিল, গীতকণ্ঠে  
ভৈরবীগণের প্রবেশ

ভৈরবীগণ ।—

## গীত

শঙ্কর ত্রিপুরারি উমেশ ভোলা ।

পিনাকি বাঘান্নবধাবী ভালে চলকলা ।

শিরে ফন্ ফন্ ফনী গরজন,

জাহ্নবী কলকলে জটা বিলখন,

ধ্বক্ ধ্বক্ অলে ভালে ত্রিনয়ন,

বিষাণধারী গলে হাড়মালা ॥

ভাঙ-ধুতুরা পানে আঁধি চুলু চুলু,

বহুত জাহ্নবী কুলু কুলু কুলু,

ডমক্ বাজত নাচত ধিরা ধিরা

প্রলয়নাচনে আপন ভোলা ॥

নন্দী । ভূঙ্গিটাব মত ফাঁকিবাজ আব দেখা যায় না, আসি ব'লে  
কোন্ চুলোষ যে গেল, তা কি ছাই একবার ব'লেও গেল, আমি  
ব্যাটা সিদ্ধি ঘুঁটিছি তো ঘুঁটিছি !

## শনৈশ্চরের প্রবেশ

শনৈশ্চর। বাবা নন্দীকেশ্বর, বেশ ভাল আছ ?

নন্দী। কে তুই, এমন অসময় বিরক্ত করতে এলি ?

শনৈশ্চর। আহা-হা, কথা তো নয় যেন মধু, নন্দীকেশ্বর না হ'লে কৈলাস মানায় না ! জগতের শ্রেষ্ঠ শৈব, বাবা ভোলানাথের প্রিয়তম সেবক, এই নন্দীকেশ্বর যেখানে নেই, সেটা তো শ্মশান ! ভূত-প্রেতের লীলাক্ষেত্র !

নন্দী। বচন যে থামে না দেখছি ! তুমি কে হে ?

শনৈশ্চর। ওঁ মধু, ওঁ মধু, ওঁ মধু ! আহা-হা কানে যেন মধুবৃষ্টি হ'লো, এইজন্যই তো লোক-লোকান্তর হ'তে অতৃপ্ত পিপাসিত জন ছুটে আসে তাদের কর্ণকুহর পরিতৃপ্ত করতে দুর্গম পর্বতমালা অতিক্রম ক'রে এই কৈলাসধামে ! তাই তো আমার ইচ্ছা হয়, জন্ম-জন্মান্তর এই বিধমূলে ব'সে আমার অতৃপ্ত কর্ণকুহর পরিতৃপ্ত করি বাবা নন্দীকেশ্বরের অমৃতময় বাক্য শ্রবণ ক'রে !

নন্দী। বাবা ত্রিবক্রবদন, একটু ক্ষান্ত দাও বাবা, বল, তুমি কে, আর কি জন্তে এখানে এসেছ ?

শনৈশ্চর। ওঁ মধুবাতা হতয়তে মধুখুস্তি সিদ্ধুব মাদ্বিগ—

সন্তোষধি মধুনক্লে, ওঁ মধু—ওঁ মধু—ওঁ মধু !

আবার বল, আবার বল বাবা নন্দীকেশ্বর, তোমার বচন-মধু-সমুদ্রে নাকানি-চোবানি খেতে খেতে আমি মধুলোকে চ'লে যাই !

[ সিদ্ধি ঘুঁটিবার দণ্ড রাখিয়া নন্দী উঠিয়া পড়িল এবং

শনৈশ্চরের নিকটবর্তী হইয়া তাহার হাত ধরিল ]

## দুস্তোব অভিশাপ

নন্দী। [সহাস্ত বদনে] থাম বাপধন, থাম, আৰ ব্যাখানা কব্তে  
হবে না। এখন বল তো তুমি কে, আৰ কি মতলবে এসেছ ?

শনৈশ্চব। ঔ মধু, ঔ মধু, ঔ মধু!

নন্দী। দুস্তোব মধুব নিকুচি ক'বেছে, ফেব যদি 'মধু—মধু' কব্বি  
তো ঐ ডাঙা দিষে তোব মধুব কলসী ফাটাবো। বল, তুই কি চাস্ ?

শনৈশ্চব। বাবা নন্দীকেশ্বৰ ভিন্ন আৰ এত দয়া কাব হবে।

নন্দী। তোব ঐ ঘ্যানব ঘ্যানব বন্ধ কব্বি কি না ? আনবো ডাঙা ?

শনৈশ্চব। আৰ ডাঙায় কাজ নেই বাবা, আমি এমনি  
ঠাঙা হ'ছি।

নন্দী। তুই কি চাস্ ?

শনৈশ্চব। একবাব বাবাব দেখা।

নন্দী। এই কথা! বললেই তো হ'তো, তা নব ঘণ্টাখানেক  
ধ'বে কেবল ঘ্যানব ঘ্যানব! তা তুই সজে যাবি, না আমি বাবাকে  
খবব দেবো ?

শনৈশ্চব। আমি যাবো না বাবা, যাবেন কুমাৰ জয়ন্ত বাবাজী।  
তোমাৰ হুকুম না পেলে তো এখানে আস্বাব যো নেই, তাই বাবাজী  
আমাৰ ঐ বটতলায় দাঁড়িয়ে আছে।

নন্দী। জয়ন্ত আবাব কে ?

শনৈশ্চব। দেববাজ ইন্দ্ৰেব পুত্র। তুমি সব জান্তা হ'যেও বাবাজী  
নামটা একবাবে ভুলে গেছ ? বাবাব প্রসাদ একটু বেশী মাত্ৰাষ  
চড়িয়েছ বাবা নন্দীকেশ্বৰ ?

নন্দী। [উপযুঁপবি কয়েকটা হাই তুলিয়া] প্রসাদ পাবাব এখনও  
সময় হয় নি বাবা ত্ৰিবক্রবদন! হাতেব কাজ আমাব এখনও সাৰা

## স্বপ্ন অভিশাপ

হয় নি, তুমি তোমার সঙ্গীকে ডাকো—আমি. ততক্ষণ সিদ্ধি ঘুঁটতে  
ঘুঁটতে এগিয়ে যাই।

শনৈশ্চর। দাঁড়াও বাবা নন্দীকেশ্বর, তোমার একটা গড় করি।  
নন্দী। থাক, আর গড় করতে হবে না; তুই অমর হ'য়ে  
থাকবি।

শনৈশ্চর। বাবা নন্দীকেশ্বরের কি দিল খোলা আশীর্বাদ, দেবতা  
শনৈশ্চরকে একবারে অমর বর দিয়ে ফেললে! চল বাবা, তুমি এগিয়ে  
চল, আমরা তোমার পেছ পেছ যাই।

[ অগ্রে নন্দী তৎপশ্চাৎ শনৈশ্চরের প্রস্থান।

### গীতকণ্ঠে বিজয়ার প্রবেশ

বিজয়া।—

#### গীত

দীন ভিখারী বাবা আমার রাজ্যেশ্বরী মা।  
বাবা অশানে মশানে ফেরে ছাই মাথা তার গা।  
বাবা ভিক্ষা করে মায়ের দোরে, হা অন্ন হা অন্ন ক'রে,  
অন্ন দিতে আঙবেড়ে, আসেন অন্নপূর্ণা মা,—  
দেখে মায়ের দোরে ভূতের নৃত্য, ভয়ে বেরোয় নাকো রা।

[ প্রস্থান।

### জয়ন্তু ও শনৈশ্চরের প্রবেশ

শনৈশ্চর। কি বাবাজী, কেমন মতলব দিয়েছি! ইস্! হাসি যে  
ঠোঁটের ভেতর থেকে বিলিক্ মেয়ে উঠছে!

জয়ন্তু। আজ পেয়েছি দেবতার রক্ষামন্ত্র, কিন্তু—

## শূন্য অভিমাণ

শনৈশ্চর। আবার কিন্তু কেন বাবাজী ?

জয়ন্ত। কিন্তু রক্ষা করবার শক্তি তো দেবতার নেই !

শনৈশ্চর। তবে আবার কি মন্ত্র শিখে এলে বাবাজী ? রক্ষা করতেই যদি পারবে না, তবে তো ও ফুস্ মন্তুর—

জয়ন্ত। যে শক্তিতে কলঙ্ঘাসুর আজ শক্তিমান, সে শক্তি লোপ করতে পারে একমাত্র শিবশক্তি মহাশূল পাণ্ডপত অস্ত্র।

শনৈশ্চর। তবেই তো অগাধ জলে পড়লো দেখছি ! বলি, সে শূলগাছটা সংগ্রহ করতে পার নি তো ?

জয়ন্ত। না—

শনৈশ্চর। তবে তো সবই করলে ! বিশল্যকরণী মরা বাঁচায়—  
কিন্তু সেই বিশল্যকরণী যে কোথায় তার ঠিক নেই, অথচ মরা বাঁচাবার আনন্দে নৃত্য করছে !

জয়ন্ত। কোন্ ভক্তকে যে কৃপা করে শূলীশস্ত্র পাণ্ডপত দান করেছেন, তা তিনি স্ববর্ণেই আনতে পারলেন না।

শনৈশ্চব। তা হ'লে দানব-বিজয় তো হ'য়েই গেল ! পথে পথে  
ব্রাহ্ম্যমান্ দেবতার দল পথে পথেই ভ্রমণ করে বেড়ান, আর হৃদ্বর্ষ  
কলঙ্ঘাসুর নন্দনের নাচঘরে ব'সে নর্তকী-পরিবৃত হ'য়ে ছ'শো মজা  
ওড়ান ! যাক, আমি যখন তাদের চাকরী স্বীকার করেছি, আমার  
ভাগ্যে আনন্দের ছিটেফোঁটা লাভ হবেই। এখন তুমি তোমার পথ  
দেখ বাবাজী, আমি আমার পথ দেখি।

[ প্রস্থান।

জয়ন্ত। সমস্তা জটিল !

বুঝিতে না পারি

## পিতার অভিশাপ

কে করিবে সমাধান তার ।  
যাইব কি বিয়ুগলোকে ?  
কিন্মা যাবো বিরিকির ঠাঁই  
এই তথ্য আবিষ্কার হেতু ! [ চিন্তা ]

গীতকণ্ঠে ভোলা-পাগলার প্রবেশ

ভোলা ।—

গীত

তুমি মিছেই ভেবে সারা ।  
সে যে রাখব বোয়াল সাগর জলে,  
যার নাইকো কুল-কিনারা ।  
তার শক্ত চামড়া পেছল গা,  
তাবে ধব্তে যাবে কোন্ বোকা,  
প্রাণনাশা তার কাপটা লেজের  
থাকে অশৈ জলে দেয় না সাবা ।  
ডুবুরি তার পায় না খুঁজে,  
থাকে শ্রাওলা-দলে মাথা গুঁজে,  
জালে সে পড়ে না আটক বড় শক্ত তারে ধরা ॥

[ প্রস্থান ।

জয়ন্ত ।      না—না,  
আগে যুক্তি করি পিতার সংহতি  
কর্তব্য করিব স্থির ।  
কাঁদে ঐ নির্জিত দেবতা

# স্বপ্ন অভিশাপ

দানবের ক্রুর অত্যাচারে ;  
প্রয়োজন আশু প্রতিকার ।  
যাই আমি—  
বৃথা কালব্যাজ করিব না আর ।

। প্রস্থান ।

## দ্বিতীয় দৃশ্য

নির্জন কানন

### কলম্বাসুর ও মানসীর প্রবেশ

কলম্বাসুর । যা কখনও কল্পনা করতে পারি নি, সেই সর্কেশ্বরের  
আধার এই ত্রিদিবধামের অধীশ্বর আমি ও অধীশ্বরী তুমি । যে  
নন্দন-কানন অম্বর-কিনরীদের নৃত্যগীতে ও আনন্দের কলহাস্তে  
ত্রিসন্ধ্যা মুখরিত থাকতো, সেই নন্দন-কানন আজ দানবের বিহারভূমি—  
সদা মুখরিত দানববালার উল্লাসের কলহাস্তে । যে পারিজাত কুম্বের  
অভিনব হার একমাত্র দেবেন্দ্র আর দেবেন্দ্রানীর গলায় শোভা  
পেতো, এসো প্রাণেশ্বরী, সেই লোকললামস্কৃত অপূর্ব পারিজাত-  
হার আজ আমি স্বহস্তে তোমার গলায় পরিয়ে দিই । [ হার  
পরাইয়া দিল । ]



## স্বপ্ন অভিশাপ

মানসী। এ আনন্দের অধিকারী যে একা তুমি হবে, তা নয়  
‘প্রয়তম, আমিও হবো তার অংশভাগিনী এই পারিজাত-হার তোমার  
গলায় পরিয়ে দিয়ে। [ আর একগাছি হার কলহাসুরের গলায়  
পরাইয়া দিল। ] আজ আমার মত ভাগ্যবতী আর কে আছে!  
[ স্বগত ] দেখে যাও জয়ন্ত, আজ আমি সৌভাগ্যের কত উর্দ্ধতম  
স্তরে আর তুমি ভাগ্যতাড়িত অভাগা দুর্ভাগ্যের কত নিম্নতর স্তরে  
নেমে গিয়েছ !

### গীতকণ্ঠে সুখ ও দুঃখের প্রবেশ

#### গীত

- উভয়ে।— আমরা সুখ দুঃখ দু’টি ভাই।  
জীবনের পথে আমরা সাথী  
একজন আসি একজন যাঈ ।
- সুখ।— আমি দৃষ্টিতে দিই ঘুচিয়ে অঁধাধ  
ফুটায় উজল আলো,
- দুঃখ।— আমি চাইলে আলো যায় গো নিশ্চে  
আসে অঁধার নিকষ কালো,
- সুখ।— আমি শুকনো মুখে ফুটাই হাসি,
- দুঃখ।— আমি আনি অশ্রুশি,  
মুখের হাসি কেড়ে নিয়ে ডাকছেড়ে কাঁদাই,—
- উভয়ে।— কাল্লা হাসি নিয়ে খেলা  
আসা যাওয়ার ঠিক তো নাই ।

কলহাসুর। কে তোমরা ?

সুখ। জীবের জীবন-পথের সাথী—সুখ ।

## স্বপ্নের অভিশাপ

দুঃখ। আমি দুঃখ—এতদিন তোমার কাছে ছিলাম, আজ বিদায়  
নিচ্ছি; এখন তোমার সাথী আমার ভাই সুখ।

কলহাসুর। তুমি কি চির-বিদায় নিচ্ছে?

দুঃখ। হয় তো আবার আসবো; তবে বলতে পারি না কবে—  
কখন—

কলহাসুর। ও,—তবে যাও তুমি; এসো সুখ, এসো বন্ধু, তুমি  
আমার সাথী হও—

[ দুঃখের প্রশ্ন।

সুখ। সাথী হবো ব'লেই তো এসেছি সম্রাট!

কলহাসুর। তবে দেবে এসো তোমার শ্রেষ্ঠ উপহারের ডালি।  
এসো মানসী, আজ আমরা উঠেছি সোভাগ্যের সর্বোচ্চ শিখরে—  
প্রতীক্ষা করি গে চল পতনের সেই ভীষণ দুর্দিন—

[ দুইজনকে দুই হাতে ধরিয়। কলহাসুরের প্রশ্ন।

## তৃতীয় দৃশ্য

নন্দন-কানন—নাচঘর

দারুক সোমরস পান করিতেছিল, নর্তকীগণ  
নৃত্যগীত করিতেছিল

নর্তকীগণ ।—

### গীত

প্রেমনদীতে বান ডেকেছে ভক্তি কানে কান ।  
উদলা মলয় পবন দিয়ে প্রাণ করে আনন্দান্ ॥  
আকাশে চাঁদেব হাসি,  
মন বলে ভালবাসি,  
পবায়ে প্রেমের কাঁসি, কে দিল লো টান ॥  
উদাস প্রাণে খুঁজে বেড়াব,  
কোথা সে মনোচোরা হায়,  
শুনেছি—দেখিনি তায় শুধুই বাণীর গান ॥

### কলহাসুরের প্রবেশ

কলহাসুর । বেশ করেছ, পাশের ঘরে বসে বাণীর গানই শোন  
গে তোমরা । আমরা এখন নাড়াচাড়া করবো একটু রাজনীতি নিয়ে ।  
[ নর্তকীগণের প্রস্থান ।

দারুক । রাজনীতির কচকচানির স্থান তো দরবারে সত্রাট !

কলহাসুর । কলহাসুর ও সনাতন নীতির পক্ষপাতী নয় বহু !

## স্বপ্ন অভিশাপ

যেখানে আদিরসেব ঢেউ খেলবে, সেইখানেই জ'মে উঠবে বীভৎস রসেব তাণ্ডবলীলা। যেখানে হাশুরসেব ছড়াছড়ি, সেইখানেই ঝর্বে করুণ রসেব অবিপ্রান্ত ধারা। রসেব অদলবদল নিয়েই তো জীবনেব গতি বন্ধ!

দারুক। সম্রাট রসজ্ঞ।

কলহাসুর। তাই আমার নীতিতে রসেব অদলবদল করতে স্থান কাল পরিবর্তনেব কোন প্রয়োজন নেই বন্ধু! কে আছিস? সেনাপতি বজ্রবাহু—

দারুক। সেনাপতিকে এমন সময়ে ডাক পড়লো কেন সম্রাট? আবার কি যুদ্ধ?

কলহাসুর। যদি তাই হয়?

দারুক। তা হ'লে আগে থেকেই আমাদের পাত্তাড়ি গুটোতে হবে। কারণ—ঐ নবরসেব মধ্যে শুধু একটা বস ছাড়া সব রসেই যে আমি বঞ্চিত সম্রাট!

কলহাসুর। তুমি আমার অন্তবঙ্গ বন্ধু, তোমায় আমি বঞ্চিত করবো না বন্ধু—

দারুক। আহা-হা! ভুল করছেন কেন? বাকী রসগুলো আমার ধাতে নয় না কিনা, তাই একটু তফাতে তফাতে থাকি!

কলহাসুর। আমি যখন নিজে তফাতে থাকি না, তখন অন্তরঙ্গ বন্ধু তুমি, তোমাকেই বা তফাতে রাখবো কেন?

দারুক। আজ্ঞে, রসেব আধিক্য যে আমার নয় না! আপনি না রাখলেও আমার থাকতে হবে। যাক, এখন তবে একটু তফাতে যাই—

## স্বপ্ন অভিশাপ

কলম্বাসুর। ভয় নেই বন্ধু, আমি যুদ্ধেব আয়োজন করছি না  
দারুক। তবে কি নর্তকীদের ডাকবো মহারাজ ?  
কলম্বাসুর। বলেছি তো রাজনীতি—

### বজ্রবাহুর প্রবেশ

কলম্বাসুর। এই যে বজ্রবাহু! দেবরাজ তাঁর সাজোপাজ নিয়ে  
ত্রিদিব ছেড়ে চ'লে গেছেন শুনেছি, কোথায় গেছেন বলতে পারো ?

দারুক। যারা শেয়ালের মত লেজ গুটিয়ে পালিয়েছে, তাদের পেছনে  
ছোট পশুরাজের বীরত্বের পরিচায়ক নয় সম্রাট!

কলম্বাসুর। থাম, তা আমি জানি। বজ্রবাহু!

বজ্রবাহু। দিকে দিকে তাদের সন্ধানে চর পাঠিয়েছি—এখনও  
কেউ কোন সংবাদ আনতে পারে নি সম্রাট!

কলম্বাসুর। দেবতাদের পুত্রমহিলারাও কি তাদের সঙ্গে গেছে ?

বজ্রবাহু। না সম্রাট!

কলম্বাসুর। কোন্ অধিকারে দেবাসনারা এখনও দৈত্যপুরীর  
অস্তঃপুরে ?

বজ্রবাহু। আজ্ঞে—

কলম্বাসুর। ইতস্ততঃ করছো কেন ? বল, কার হুকুমে এখনো তারা  
অবরুদ্ধ ?

### মানসীর প্রবেশ

মানসী। আমার হুকুমে—আমার প্রয়োজন আছে ঐ সব দেবাসনা-  
দের। তারা হবে রণক্লান্ত বিজয়ী দৈত্যসেনাগণের সন্তোগের

## দেবতার অভিশাপ

উপাদান। আর জয়ন্তজননৌ দেবেন্দ্রানী শচী হবে আমার পদসেবিকা দাসী।

কলহাসুর। মানসী!

মানসী। আমার মুখের দিকে চেয়ে দেখ্‌ছো কি?

কলহাসুর। দেখ্‌ছি তুমিও তো রমণী, রমণী হ'বে বমণীব একমাত্র গৌরব অত্যজ্য ধর্ম সতীত্ব নিয়ে ছিনিমিনি খেলতে চাও?

মানসী। হ্যাঁ, তাই চাই। দেবতারা যখন নারীব নাবীত্ব নিয়ে ছিনিমিনি খেলতে পারে, তখন আমি কেন পারবো না সন্ন্যাসী? আমি বুঝিয়ে দিতে চাই স্বার্থপর হীন দেবতাকে, প্রতিহিংসা-পরায়ণা দলিতা ফণিনীর প্রতিহিংসা কতখানি তীব্র—কতখানি জ্বালাময়ী! আমি অঙ্গরানন্দিনী হ'লেও কুলত্যাগিনী হীনা বারাক্ষণ্য নই; তবুও ঐ স্বার্থপর দেবতার চক্ষে আমি হীনতার অতি নিম্নস্তরে—ত্রিভুবনেব অবজ্ঞেয় ঘৃণিতা বারবিলাসিনীর অধম। এই হীনতার, এই অবজ্ঞাব, এই অপমানের আমি প্রতিশোধ নেবো সন্ন্যাসী!

কলহাসুর। এমন ক'রে উদগীরণ করো না বিষধরী, তোমার অন্তরের হলাহল—দৈত্যকুল ধ্বংস হ'য়ে যাবে। অবাতির কুলাক্ষণ্য হ'লেও দেবাক্ষণ্যের দৈত্যপিতা মহর্ষি কশ্যপের কুলবধু, তাদের মর্যাদা ক্ষুণ্ণ করার অর্থ দৈত্যপিতার অবমাননা! যাও নারী, তোমার অভীষ্ট-পূরণ করতে আমি অপারগ। বজ্রবাহু! অবিলম্বে দেবাক্ষণ্যদের মুক্ত ক'রে দাও, তারা যথেষ্ট গমন করুক।

বজ্রবাহু। যথা আজ্ঞা সন্ন্যাসী!

। প্রস্থান।

## স্বপ্ন অভিশাপ

কলহাসুর। যাও কালনাগিনী, তোমার জ্বালাময়ী তপ্ত বিষ-নিঃশ্বাসে তোমারই শয়ন কক্ষের পর্য্যঙ্ক উত্তপ্ত করগে।

মানসী। হ্যাঁ, তাই যাবো; তবে বিষ-নিঃশ্বাসে উত্তপ্ত করবো না আমার শয়ন-পর্য্যঙ্ক, এই বিষ-নিঃশ্বাস ছড়াবো দৈত্যপতির নব বিজিত সমস্ত স্বর্গরাজ্যে—যার ছঃসহ জ্বালায় অতীষ্ঠ হ'য়ে প্রতি-মূহূর্ত্ত আকুল হ'য়ে পরিত্রাহি ডাক ছাড়বে এক পিতার ঔরসজাত সন্তান দেবতা আর দানব; উভয়েই হবে আমার প্রতিহিংসা-বাহির ইচ্ছন।

কলহাসুর। এতখানি স্বার্থপর তুমি মানসী? দারুণ অবজ্ঞায় তোমার পদদলিত ক'রে নিক্ষেপ করেছিল নরকের আবর্জনার—সেখান থেকে তুলে এনে তোমায় বসিয়েছিলাম সম্রাজ্ঞীর আসনে অন্ধ হ'য়ে তোমার ঐ ভুবনভোলানো রূপের মোহে, তার কি এই প্রতিদান?

মানসী। প্রতিদানে দিয়েছি তোমায় এই রূপ-যৌবন, ডালি দিয়েছি তোমার পায়ে অফুরন্ত ভালবাসা, সেবা করেছি তোমার ক্রীত-দাসীর মত; বিনিময়ে তুমি কি দিয়েছ সম্রাট? বলবে দৈত্য-সম্রাজ্ঞীর সম্মান—কেমন, এই না? সে সম্মানের মূল্য কি দৈত্যপতি? আদেশ পালন তো দূরের কথা—নগ্ন একটা বেতনভুক্ ভৃত্যের সম্মুখে কথায় কথায় যার মর্যাদা ক্ষুণ্ণ হয়, তার গৌরব রাণীত্বের নয়—দাসীত্বের। দেব-পুরাঙ্গনাদের সতীত্ব-মহিমা যদি দানব-মহিষীর তুলনার শ্রেষ্ঠতর হয়, তা হ'লে দিন সম্রাট তাদের মুক্তি, আমি এতটুকু ক্ষুণ্ণ হবো না। আমি শুধু জানতে চাই, বিজিত দেবেঙ্গ-মহিষী শচীকে দাসী করবার যোগ্যতা কি দানব-সম্রাজ্ঞী মানসীর নেই?

## অভিশাপ

কলহাসুর। কিন্তু এ অসম্ভব আশা—

মানসী। আশা! আদেশ নয় সন্ন্যাসী, শুধু আশা?

কলহাসুর। না হয় আদেশই হ'লো, তোমাব সে আদেশ এখনই প্রতিপালিত হবে মানসী! কে আছিস্?

### শনৈশচরের প্রবেশ

কলহাসুর। তুমি! তুমি কে?

শনৈশচর। আমি শনৈশচর, কেউ ছিল না কিনা—তাই দ্বারবন্দী ঘাড় ধাক্কা দিয়ে আমাকেই পাঠিয়ে দিলে।

কলহাসুর। আমি দেবানন্দাদেব মুক্তিব আদেশ দিয়েছি।

শনৈশচর। আজ্ঞে বেশ করেছেন, সেইটাই তো মহেশ্বের কাজ।

কলহাসুর। থাম, আগে শোন আমার কথা। তারা হয় তো এতক্ষণ যাবাব জন্তু প্রস্তুত হয়েছেন, তুমি আব সকলকে যাবার সুযোগ দিয়ে শুধু দেবেন্দ্রানীকে এইখানে নিয়ে এসো।

শনৈশচর। আজ্ঞে, টিকি বাঁধা বেধে—

কলহাসুর। তর্ক ক'বো না। যাও—এই দণ্ডে শচীদেবীকে এইখানে নিয়ে এসো—

শনৈশচর। যে আজ্ঞে— [প্রস্থান।

মানসী। শুনেছি, শনৈশচর দেবতাদেরই একজন, সে কি সন্ন্যাসীর আদেশ পালন করবে?

কলহাসুর। সে আমার বশ্যতা স্বীকার কবেছে।

মানসী। স্বজাতিদ্রোহিতায় অগ্রণী ব'লে শুধু মর্ত্যবাসীরই নাম শুনে এসেছি, এই মহৎ গুণটা কি স্বর্গেও সংক্রামিত হয়েছে!



## শূন্য অভিশাপ

কলহাসুর। এ গুণের প্রথম আদর্শ স্বর্গে কি মর্ত্যে, তা বলতে পারি নে।

### শনৈশ্চর সহ শচীর প্রবেশ

শচী। কোন্ প্রয়োজনে আমাকে আহ্বান করেছ দৈত্যপতি?

কলহাসুর। প্রয়োজন আমার নয়, দৈত্য-সম্রাজীর।

শচী। তা হ'লে দৈত্য-সম্রাজীই বলুন তাঁর প্রয়োজনের কথা—  
মানসী। বিজিত দেবেন্দ্র-মহিষী! আমি চাই তোমাকে আমার  
পদসেবিকা দাসী করতে, কেমন—সম্মত আছ?

শচী। শূন্যকুলের কুলবধু আমিও যে বস্তু, তুমিও তাই; তবে  
জানি না, কে জ্যেষ্ঠা আর কে কনিষ্ঠা! তা জানবারও আমার প্রয়োজন  
নেই। আমি তোমাকেই জ্যেষ্ঠার সম্মান দিয়ে কনিষ্ঠার গৌরব  
অর্জন করবো তোমার পদসেবা ক'রে। এসো ভগ্নি, তোমাব চবণ-  
কমল অলঙ্করণে রঞ্জিত ক'রে দিই।

মানসী। [স্বগত] এইখানেই আমার পরাজয়! দম্ভ, প্রভুত্ব  
আর প্রতিহিংসা নিয়ে কেউ কখনো বড় হ'তে পারে না—কারও  
হৃদয় জয় করতে পারে না। [প্রকাশ্যে] ভগ্নি, জ্যেষ্ঠা আমি নয়,  
জ্যেষ্ঠা আর শ্রেষ্ঠা তুমি; বাচাল প্রাগলভ্য ভগ্নিকে মার্জনা কব--  
[শচীব পদধূলি গ্রহণ।] রাজনীতি আর কর্তব্যের খাতিরে যা করেছি,  
তার জন্ত কিছু মনে ক'রো না ভগ্নি! শনৈশ্চর! দেবাজ্ঞানাদের রক্ষী  
স্বরূপ হ'রে তাঁদের অভিলষিত স্থানে রেখে এসো।

শনৈশ্চর। যে আঙ্কে! [স্বগত] আগুন ধোঁয়াতে ধোঁয়াতেই  
নিভে গেল, জ্বলে উঠলো না। [প্রকাশ্যে] আসুন দেবেজ্ঞানী—

[শচীসহ প্রস্থান।]

# কলহ ও মানসীর অভিশাপ

কলহান্নর। মানসী, আজ তুমি যথার্থই দানব-সম্রাজ্ঞী ! এসো  
প্রিয়তমে—

[ কলহ ও মানসীর প্রস্থান ।

দারুক । সভাভঙ্গ হ'লো বাজনীতিব কচ্‌কচানীতে—মধুবেগ  
সমাপষণে আব হ'তে দিলে না ! ছুতোর্—

[ প্রস্থান ।

## চতুর্থ দৃশ্য

ত্রিদিবধাম—রাজপথ

গীতকণ্ঠে দুর্ভিক্ষপীড়িত দানবগণের প্রবেশ

## গীত

অন্ন দাও—অন্ন দাও, অন্ন দিয়ে বাঁচাও প্রাণ ।  
ক্ষুধার জ্বালায় জঠর জ্বলে জ্বালা হ'তে কর ত্রাণ ।

কালের হাওয়া সৃষ্টি ছাড়া,  
ক'রলে যে গো পাগল পার,  
যা হয় নি কখন অমরধামে  
কোন্ বিধাতার এই বিধান ।  
অন্নজল তো দূরের কথা,  
গাছে নাই ফল নাইকো পাতা ;  
কোন্ পাপেতে স্বর্গ হ'লো  
আজকে এমন মরুস্থান ।

শনৈশ্চরের প্রবেশ

শনৈশ্চর। [স্বগত] কেয়াবাৎ—কেয়াবাৎ! স্বর্গের আনন্দের হাওয়া একেবারে ঘুরে গিয়ে চারিদিকে তুলেছে কান্নার রোল! কিন্তু কেমন ক'রে এমনটা হ'লো! ত্রিদিবধামে অন্নহীনের হাহাকারধ্বনি, এ যে স্বপ্নের অতীত—ধারণার অতীত!

১ম দানব। কিছু খেতে দাও বাবা, অনাহারে আমরা যে চলচ্ছক্তি হারিয়েছি!

শনৈশ্চর। ধনপতি কুবের যেখানে ভাণ্ডারী, তার কাছে না গিয়ে আমার মত ভবঘুরের কাছে ভিক্ষে চাইছো কেন বাবা? আমার কাছে ভিক্ষে চাওয়া আর শুষ্ক মরুভূমির বুকে দাঁড়িয়ে এক-ফোঁটা জলের জগ্রে কান্নাকাটি করা দুইই সমান।

১ম দানব। আমাদের সঙ্গে চলনা ক'রো না বাবা! দানবের ঘরে কোথাও অন্ন নেই, দৈত্যপতির ভাণ্ডার শূন্য। এই হাহাকারধ্বনি শুধু পথে ঘাটে নয়—বিপুলভাবে ছড়িয়ে পড়েছে রাজপুরীতেও, একটা উপায় কর বাবা! তোমায় দেখে মনে হ'চ্ছে তুমি দানব নও। হয় তো তুমি কোন ছদ্মবেশী দেবতা। দানবের মত তোমার প্রাণ তো কঠোর নয়, তুমি আমাদের দয়া কর।

শনৈশ্চর। তোমার চোখের যুত আছে দেখছি! এক ঝাঁচড়েই চিনে ফেলেছ আমায় দেবতা ব'লে! কিন্তু বাপধন, দেবতাদের দুর্দশার কথা তোমাদের তো অজানা নয়! রাজ্যহারা, গৃহহারা, সহায়-সম্পাদহীন দেবতার! আজ যাবাবরের মত ঘুরে বেড়াচ্ছে দেশ হ'তে দেশান্তরে, বন হ'তে বনান্তরে, গ্রাম হ'তে গ্রামান্তরে!

## পূর্ব অভিশাপ

অগ্নের সংস্থান তো দূরের কথা, মাথাগুঁজে থাক্‌বার তাদের স্থান-  
টুকুও নেই। এমন অসহায় সামর্থ্যহীন দেবতার কাছে কি আশা  
করতে পার বন্ধু ?

১ম দানব। অন্ন না পাই, ভিক্ষা না পাই, পরিতৃপ্ত হ'লাম  
আমরা আপনার মিষ্ট কথায়—যা সহজ, সরল, প্রাণখোলা, যাতে  
কপটতার লেশমাত্র নেই। আমাদের অভিবাদন গ্রহণ কর দেবতা !  
আমাদের সুরে সুর মিলিয়ে বিশ্বনিরস্তা শ্রীভগবানেব কাছে তুমিও  
প্রার্থনা কর দেবতাব হতরাজ্য পুনরুদ্ধার হোক। অশান্তিময় ভুবনে  
আবার শান্তি ফিরে আসুক।

[ পূর্ব গীতাংশ গাহিতে গাহিতে দানবগণের প্রস্থান।

শনৈশ্চব। কেমন ক'বে এমনটা হ'লো, কিছুই তো বোঝা  
যাচ্ছে না।

### গীতকণ্ঠে ভোলা-পাগলার প্রবেশ

ভোলা।—

#### গীত

এ যে বড় শক্ত বোগ, গুঁজে আন রোজা।  
নইলে বইতে হবে সাঁঝ-সকাল এমনি ভূতের বোঝা ॥  
কত বদ্বি হ'লো হৃদ,  
ইয়া গ্যাটা-গোটা মোটা মদ  
ক'রে স্বর্গ মর্ত্য রসাতল চোথ ঠেরে মন বোঝা,  
রোগের মত চাই যে ওষুধ নয়কো ঠালা সোঝা ॥

[ প্রস্থান।

## স্বপ্ন অভিশাপ

কুবেরকে শৃঙ্খলিত করিয়া দুইজন দানবসেনার প্রবেশ

শনৈশ্চর। একি যক্ষপতি, কোন্ অপরাধে তুমি আজ শৃঙ্খলিত ?

কুবের। অপরাধ আমার নয় শনৈশ্চর, অপরাধ দানবের অদৃষ্টের !

শনৈশ্চর। দানবের হুরদৃষ্টের ফলে আজ যক্ষপতি অপরাধী—

শৃঙ্খলিত ! এর কোন যুক্তিই তো ধারণা করতে পারছি নে যক্ষপতি !

একের পাপে অন্নের শাস্তি, এ কেমন করে সম্ভব হ'তে পারে ?

কুবের। হয় শনৈশ্চর, হয় ; কার্য্য-কারণের একটু হেরফের হ'লেই অসম্ভবটা সম্ভব হ'য়ে পরে। উৎকণ্ঠা দূর-করতে চাও ? দানব-রাজদরবারে আমার কৈফিয়ৎ শুন্লেই তোমার সে উৎকণ্ঠা দূর হবে, তখন বুঝবে অসম্ভবও সম্ভব হয়।

শনৈশ্চর। যা যুক্তির বাইরে, তেমন কৈফিয়ৎ আমায় শুন্তেই হবে। চলুন যক্ষপতি, আমি আপনার সঙ্গে যাই।

[ সকলের প্রস্থান।

কলম্বাসুর ও বজ্রবাহুর প্রবেশ

কলম্বাসুর। দেখিলে তো সেনাপতি,  
নগরীর প্রতি গৃহ করিয়া ভ্রমণ  
শুধু আর্ন্তরোল ক্রোধিতের,  
হাহাকাহে ব্যাপ্ত দশদিশি !  
বুঝিতে না পারি—  
কেন হেন অঘটন !  
চিরশত্রু দেবতা-দানব,

## স্বপ্ন অভিশাপ

শ্রায় যুদ্ধে জিনিয়া অরাতি  
করিয়াছি স্বর্গ অধিকার ।  
দ্বন্দ্ব যুদ্ধ বীর আচরণ,  
পাপ তাহে কেমনে স্পর্শিল ?  
শুনিয়াছি—রাজ্যে অমঙ্গল  
শুধুই রাজ্যে পাপে,  
বুঝিতে না পারি—  
নাহি আসে ধারণায়—  
কোন্ অপকর্ম অনুষ্ঠিত আমা হ'তে,  
ফলে যাব হেন অঘটন !  
বজ্রবাহ । আমিও বিভ্রান্ত মহাবাজ,  
খুঁজিয়া না পাই হেতু—  
হেন অঘটন ঘটিল যাহাতে !  
মনে হয়—  
দেবতার ষড়যন্ত্র পশ্চাতে ইহাব ।  
অফুরন্ত কুবের-ভাণ্ডার  
শূন্য তাহা হইল কেমনে ?  
সন্দ হয়, কপটী দেবতা  
ষড়যন্ত্র করি যক্ষপতি সনে  
লুণ্ঠন ক'রেছে তারা কুবের-ভাণ্ডার ।  
উদ্দেশ্য তাদের—  
বলে যবে পারিল না দানব-সংহতি,  
কবিয়াছে ছলের আশ্রয় !

## স্বপ্ন অভিশাপ

কলহাসুর ! অহুমান সত্য মনে লয় !  
ত্রিভুবনে নাহি কিছু  
দেবের অসাধ্য,  
লুপ্তনে নাহিক লাজ !  
ভাবিয়াছে কপটী বাসব,  
অপ্নাভাবে তুলি আর্তুরোল  
বিজয়ী দানবদল  
এই ভাবে তিলে তিলে সহি  
মরণ যন্ত্রণা নিদারুণ—  
চ'লে যাবে মরণের পারে ।  
কিন্মা যবে  
সহের অতীত হবে ক্ষুধার যাতনা,  
প্রাণ ল'য়ে পলাইবে  
স্বরগ ছাড়িয়া  
সদলে আপন বাসে ;  
মুক্ত হবে দেবেস্ত্রের পথ  
ত্রিদিব প্রবেশে ।  
আদেশ করেছি আমি—  
শৃঙ্খলিত করি আনিতে কুবেরে  
শুনিবারে মস্তব্য তাহার ;  
তারপর প্রতিকার করিব ইহার ।  
এসো সাথে—

[ উভয়ের গ্রহণ ।

জয়ন্তের প্রবেশ

জয়ন্ত ।      ব্যর্থ কাম—বিফল প্রয়াস ।  
                  গোলোকের নারায়ণ,  
                  সৃষ্টিকর্তা লোক পিতামহ  
                  কেহ নাহি জানে—  
                  কেবা অধিকারী সে মহা-অস্ত্রের !  
                  ওই অস্ত্র বিনা অসম্ভব দানবদলন !  
                  যাই আমি পিতার সকাশে,  
                  উপদেশ ল'য়ে তাঁর ঠাই  
                  করিব অচিরে এর বিহিত বিধান ।  
                  আশ্চর্য্য দানবী মায়্যা,  
                  যাব বলে আচ্ছন্ন করিল স্মৃতি  
                  সৃষ্টি-স্থিতি-প্রলয়কারীর !  
                  জ্ঞাত হ'য়ে বর্তমান ভূত ভবিষ্যৎ  
                  মায়ার প্রভাবে হ'লো স্মৃতির বিভ্রম !

[ নেপথ্যে ক্ষুধিত দানবগণ “অন্ন দাও—অন্ন দাও” বলিয়া  
                  আর্তনাদ করিয়া উঠিল ]

জয়ন্ত ।      এক ! অন্ন দাও—অন্ন দাও বলি  
                  ভাগ্যহীন কারা করে আর্তনাদ ?  
                  দেবতা, না দানবের দল ?  
                  দেখে যাই পিতৃপাশে যাইবার আগে ।

[ দ্রুত প্রস্থান ।



## পঞ্চম দৃশ্য

নন্দন-কানন—নাচঘর

দারুক সোমরস পান করিতেছিল ; নর্তকীগণ  
নৃত্যগীত করিতেছিল

নর্তকীগণ ।—

### গীত

চোরাবালি—চোরাবালি—চোরাবালি ।

অভিনব শোভা জন-মনলোভা ভীষন-মরণ নিয়ে কেলি ॥

বুলুস্বরে বয় তখী-তটনী, শাখী শিরে গায় বন-বিহঙ্গিনী,

জাগে মনে আশা, কত ভালবাসা,

পিয়াসা না মেটে নিরাশা খালি ॥

### কলহাসুর ও বজ্রবাহুর প্রবেশ

কলহাসুর । স্তব্ধ কর সঙ্গীত-মূর্ছনা,

স্তব্ধ কর নুপুর-নিরুগ,

সস্তান-প্রতিম প্রজাকুল

অপ্নাভাবে করে হাহাকার ।

ভরিয়া গিয়াছে দিশি

রোদনের রোলে,

জলে স্থলে অনিলে আকাশে —

বাজিছে ব্যথার সুর

দিবা বিভাবরী,

## স্বপ্ন অভিশাপ

তার মাঝে আনন্দ-উল্লাস  
মনে লয়—পৈশাচিক আচরণ !  
স্তব্ধ কর—স্তব্ধ কর সব !  
ভেঙ্গে দাও উল্লাসের হাট,  
ফেলে দাও সুরা—সুরাপাত্র সহ ।  
কর পণ, পার যদি কোন দিন  
ঘুচাতে প্রজার দৈন্ত,  
মুছাতে বেদনা,  
আবার খুলিও তাব  
নৃত্যশালা দ্বার,  
নহে রুদ্ধ হোক্ চিরতবে  
আনন্দ আগার দানবেব নৃত্যশালা !  
নির্ধাপিত হোক্ সব আলো  
ডুবে যাক্ আনন্দ-নিলয়  
সূচীভেগ্ন অন্ধকারে ।

[ পানপাত্র প্রভৃতি দূরে নিক্ষেপ করিল । সহসা নৃত্য-  
গীত বন্ধ হইয়া গেল—ভীত ত্র্যস্ত নর্তকীরন্দ যে  
যেদিকে পাইল পলাইল । দারুক নির্বাক-বিস্ময়ে  
কলম্বাসুরের দিকে চাহিয়া থর্ থর্ করিয়া  
কাঁপিতে লাগিল ; কলম্বাসুরের এরূপ মূর্তি  
সে আর কখনো দেখে নাই । ]

## নৃত্য-অভিশাপ

কলহাসুর। হাঁ ক'রে চেয়ে কি দেখ্‌ছো বন্ধু, সূখের পায়রা তোমরা—দৈত্যরাজের সূখের দিনের সঙ্গী তোমরা, এখানে তো আর তোমাদের স্থান হবে না—যাও নূতন সূখের সন্ধান। দৈত্য-বাজের দুঃখের নিশা যদি কখনও প্রভাত হয়, তখন আবার এই আনন্দের নৃত্যশালা সরগরম ক'রে তুলবে, যাও—

দারুক। আজ্ঞে, সেই ভাল—সেই ভাল— [প্রস্থান।

কলহাসুর। বজ্রবাহু!

বজ্রবাহু। সম্রাট!

কলহাসুর। বক্রপতি কুবেরকে কি তলব করা হয় নি?

বজ্রবাহু। সম্রাটের আদেশে দু'জন দৈত্যসেনাকে পাঠানো হয়েছে তাঁকে বন্দী ক'রে আনতে—বুঝ্‌তে পার্‌ছি না এতখানি বিলম্বের কারণ কি!

কলহাসুর। এখানেও বোধ হয় কপট দেবতার ষড়যন্ত্র! বজ্রবাহু, আমি যে আর স্থির থাকতে পার্‌ছি নে—আমার সন্তানতুল্য প্রজাদের এই দারুণ দুর্দশা দেখে; রাজপুরীতে যা কিছু আছে, সব আমার প্রজাদের বিলিয়ে দাও। আজ হ'তে পুরীতে রাজভোগও বন্ধ। যেমন ক'রেই হোক আমার প্রজাদের বাঁচাতে হবে, প্রয়োজন হয়, গায়ের সমস্ত রক্ত ঢেলে দেবো—দেহের মাংস একটু একটু ক'রে কেটে তাদের খাওয়ানো। তাদের বাঁচাতেই হবে—তাদের বাঁচাতেই হবে—

### মলিনবসনা নিরাভরণা মানসীর প্রবেশ

মানসী। পার্‌বেন না সম্রাট, পার্‌বেন না; আমি সাধ্যমত করেছি--  
পারি নি।

## অভিশাপ

কলহাসুর। একি বেশ তোমার মানসী? কোথায় গেল তোমাব  
অঙ্গের আভরণ? কোথায় গেল দৈত্য-সম্রাজ্ঞীর সূবেশ?

মানসী। সম্ভানদের সব দিয়েছি, তবু তো কিছু করতে পারলুম  
না সম্রাট! কেমন ক'রে তারা বাঁচবে—কেমন ক'রে তাদের বাঁচাবে?

কলহাসুর। দৈত্য-সম্রাজ্ঞী! প্রিয়তমে! সত্যই তুমি অতি  
সুন্দর—অতি সুন্দর!

[ নেপথ্যে বহুকণ্ঠে আর্তনাদ কঠিল “অন্ন দাও—অন্ন দাও” ]

কলহাসুর। ওই—ওই আমার অন্নহীন হতভাগ্য প্রজাদের মর্শ্বস্তদ  
আর্তনাদ! মানসী—মানসী! বজ্রবাহু—বজ্রবাহু! তোমরা বলতে পারো  
কি উপায় করবো? ডাকো—ডাকো ঐ সব ক্ষুধিত সম্ভানদের—  
আমি একটু একটু ক'রে কেটে দেবো আমার গায়ের মাংস,—  
ডাকো—ডাকো—[ উত্তেজিতভাবে পাদচারণ করিতে লাগিলেন। ]

দৈত্যসেনা সহ শৃঙ্খলিত কুবের ও শনৈশচরের প্রবেশ

কলহাসুর। এই যে ভণ্ড প্রতারক যক্ষ—

কুবের। আমি ভণ্ডও নই—প্রতারকও নই সম্রাট! যক্ষপতি  
কুবের চিরদিনই প্রভুভক্ত ভৃত্য, প্রতারণা কাকে বলে জানে না।

কলহাসুর। অফুরন্ত কুবের-ভাণ্ডার তবে শূন্য কেন যক্ষপতি?

কুবের। সেটা সম্রাটের হুরদৃষ্ট!

কলহাসুর। সম্রাটের হুরদৃষ্ট না তোমাদের ষড়যন্ত্র? কপট দেবতাদের  
সঙ্গে ষড়যন্ত্র ক'রে তুমিই ভাণ্ডারের যা কিছু সব স্থানান্তরিত কবেছ,  
নইলে স্বর্গধামে চূড়িষ্ক—এ যে ধারণার অভীত!

কুবের। আমি অস্বীকার করবো না সম্রাট, এক অলক্ষ্য শক্তির

## স্বপ্ন অভিশাপ

মোহিনী বাহুমুখে আজ সবই স্থানান্তরিত ! কিন্তু সেজন্য দোষী আমি  
নই সন্ন্যাসী !

কলহাসুর। তবে কে ?

কুবের। আপনি।

কলহাসুর। আমি ! প্রবঞ্চক যক্ষ, শাক দিয়ে মাছ ঢাকতে চাও ?  
[ দৃঢ়মুষ্টিতে কুবেরের কণ্ঠদেশ ধরিয়া উত্তত তরবারি হস্তে ] বল সত্য  
ক'রে—কে অপরাধী ?

কুবের। আগেও বলেছি, এখনও বলছি, অপরাধী আপনি—আর  
কেউ নয়।

কলহাসুর। তবুও মিথ্যাকথা !

কুবের। মিথ্যা নয় সন্ন্যাসী, আপনার আমার অস্তিত্ব যেমন সত্য,  
আকাশের চন্দ্র সূর্য্য যেমন সত্য, জন্ম মৃত্যু যেমন সত্য, এও তেমন  
সত্য সন্ন্যাসী !

কলহাসুর। [ কুবেরের কণ্ঠদেশ পরিত্যাগ করিয়া ] তোমার কথার  
মর্ম্ম যে আমি কিছুই বুঝতে পারছি না যক্ষপতি, আমার বুঝিয়ে  
দাও, কিসে আমি অপরাধী ?

কুবের। আপনি সমস্ত দেবান্দ্রনাদের মুক্তি দিয়েছেন ?

কলহাসুর। হ্যাঁ দিয়েছি।

কুবের। ঐ দেবান্দ্রনাদের মধ্যে ছিলেন বিষ্ণুপ্রিয়া কমলা। তিনি  
ছিলেন দেবরাজ বাসবের গৃহ-মন্দিরে চির-বন্দিনী, তাঁকে মুক্তি দিয়ে  
যে আপনি সব হারিয়েছেন সন্ন্যাসী !

শনৈশ্চর। খুব খাঁটি কথা—একেবারে নির্জলা সত্যি !

কলহাসুর। বড় ভুল করেছি ! বজ্রবাহ ! যক্ষপতিকে শৃঙ্খলমুক্ত

## অভিশাপ

কর—[ বজ্রবাহু কুবেরকে শৃঙ্খলমুক্ত করিল; সৈনিকদ্বয় চলিয়া গেল ]

ভুল—ভুল, এমন মারাত্মক ভুল কেউ কখনো করে না! [ কুবেরের সম্মুখে সহসা নতজাহ্নু হইয়া ] আমার মার্জনা করুন যক্ষপতি, আমি মারাত্মক ভুল করেছি, ভুলের উপর ভুল ক'বে আপনাকেও অযথা কষ্ট দিয়েছি! আপনি আমার ব'লে দিন, কেমন ক'রে আমি এ ভুল সংশোধন করবো?

কুবের। একমাত্র পস্থা আছে সম্রাট, এ ভুল সংশোধনেব—যদি পারেন।

কলহাসুর। আমি পারবো; তাতে যদি জীবন উৎসর্গ করতে হয়, তাতেও আমি পশ্চাৎপদ হবো না। বলুন যক্ষপতি, কি সে পস্থা?

কুবের। ছলেই হোক আর বলেই হোক, লোকপালন বিষ্ণুর কাছ থেকে বিষ্ণুপ্রিয়াকে ছিনিয়ে আনতে হবে। এ ছাড়া আর দ্বিতীয় পস্থা নেই সম্রাট!

কলহাসুর। তাই হবে—

তাই হবে যক্ষপতি!

জীবনে শিখি নি ছলা,

ছলনার লবো না আশ্রয়।

আবাল্য করেছি আমি শক্তির সাধনা,

পারি যদি সেই শক্তি বলে

ছিনারে আনিব লক্ষ্মী—

লক্ষ্মীপতি বিষ্ণুর নিকট হ'তে।

অগ্রথায় ছার প্রাণ দিব বিসর্জন!

অসমর্থ যদি রাজা প্রজার রক্ষণে,

## স্বপ্ন অভিশাপ

বিফল জীবন তার ;  
রাজা নামে দেয় সে কলঙ্ক,  
বুথা ধরে রাজদণ্ড কলঙ্কী অধম ।  
শোন দানব-সম্রাজ্ঞী,  
লক্ষ্মীরে ছিনায়ে ল'য়ে  
যত দিন নাহি ফিরি  
বিষ্ণুলোক হ'তে,  
রাজ্যভার দিহু আমি তোমার উপর ।  
সেনাপতি বজ্রবাহু রহিল সহায় !  
দেখো রাণী, দেখো সুবদনী,  
মঙ্গলামঙ্গল সব কিছু  
সমর্পিয়া তোমার উপর  
লইতেছি বিদায় এক্ষণে ।  
দেখো রাণী, দেখো প্রজাদের,  
বাঁচি যদি, স্বর্গপুরে আনিব কমলা,  
দেখা হবে পুনঃ তোমার আমায়,  
অনুথায় জানিও বিদায় চিরতরে ।  
এই পিতৃদত্ত মহাশূল সঞ্চল আমার—  
জীবন-মরণ এই মহা সমস্তায় !

[ বেগে প্রস্থান ।

বজ্রবাহু । আনমনা হ'য়ে আর কি চিন্তা কর্ছো মা, স্মরণ কর  
ঋমীর দেওয়া গুরু দায়িত্ব ; আর সে দায়িত্ব তোমার সম্মুখে—

মানসী । হ্যাঁ, চল বজ্রবাহু—

[ বজ্রবাহু সহ প্রস্থান ।

## শূন্য অভিশাপ

শনৈশ্চর। আর দাঁড়িয়ে কেন যক্ষপতি, দুর্ভুক্ত দানবকে তো বাঘের খপ্পরে ফেলে দিয়ে নিশ্চিন্ত হওয়া গেল! এই ফাঁকে দেখি যদি দেবরাজের দেখা পাই, এদিকের যদি কিছু সুরাহা হয়!

কুবের। এতখানি দৃঢ়তা যাব মনে, সে ভুবন জয় করতে পারে।

শনৈশ্চর। আপনি কি মনে করেন, সে বাঘের খপ্পর থেকে ফিবে আসবে?

কুবের। শক্তিতেই হোক্ আব ভক্তিতেই হোক্, আমার বিশ্বাস জয়ী সে হবেই। ভক্তের ভগবান্ নারায়ণ ভক্তের কাছে চির পরাজিত!

শনৈশ্চর। তবে স্বর্গোদ্ধারের কি কোন আশাই নেই যক্ষপতি? দেবতার দুর্দশার কি শেষ হবে না?

কুবের। অন্তর্যামীই জানেন। দেবতার চিরশত্রু হ'লেও কলঙ্ক-সুব সর্কগুণের আধার—তাকে জয় করা সহজ সাধ্য নয় শনৈশ্চর!

শনৈশ্চর। তবেই তো, ভাবনাটা যে আরও জটিল হ'য়ে উঠলো! তা হ'লে কি করা যাব বলুন তো?

কুবেব। করবার কিছু নেই শনৈশ্চব, প্রতীক্ষা ক'বে থাকতে হবে আমাদের সেই সুদিনের—চলতে হবে অদৃষ্ট-চালিত পথে দ্বিধা-শূন্য মনে।

শনৈশ্চব। পাথর-চাপা কপাল বাবা, পাথর-চাপা কপাল! চলুন, আব ভেবেই বা কি হবে! ঘানির বলদ, হরদম ঘূর্ণপাক খাই— হরদম ঘূর্ণপাক খাই!

কুবেব। চল; ত্বয়া হৃষিকেশ হৃদিস্থিতেন যথা নিযুক্তোহস্মি তথা করোগি—

[ উভয়ের প্রস্থান। ]



## ষষ্ঠ দৃশ্য

বিষ্ণুলোক—মন্দির-প্রাঙ্গণ

### গীতকণ্ঠে বৈকুণ্ঠবাসিনীগণের প্রবেশ

বৈকুণ্ঠবাসিনীগণ।—

#### গীত

জয় পতিতপাবন ভুবনপালন কেশিনিহদন মুরারি ।

রাম রঘুনন্দন প্রজামুরঞ্জন রাবণ-নিধনকারী ॥

যশোদানন্দন গোপিনীরমণ গিরিগোবর্দ্ধনধারী ।

বামনরূপধর দানব-দর্পহারী বলির দুয়ারে দ্বারী ॥

কুর্শ্বরূপ ধরি ধরনী পৃষ্ঠোপরি—

প্রলয়পয়োধি হ'তে জগত নিস্তারি

অনাদি অনন্ত তুমি অবতার, যুগে যুগে ভূভারহারী ।

[ প্রস্থান

### দ্রুতপদে নারায়ণ ও তৎপশ্চাৎ লক্ষ্মীর প্রবেশ

লক্ষ্মী । এমন ব্যস্ত-সমস্ত হ'য়ে মন্দির ত্যাগ ক'রে এলে কেন প্রভু ?

নারায়ণ । শুন্তে পাও নি লক্ষ্মী, ভক্তের আকুল আহ্বান ? ওই—

ওই মলয়ানিলে ভেসে আসে সেই আকুল স্বর,—শুন্তে পাচ্ছে না তুমি ?

লক্ষ্মী । কৈ, না প্রভু !

নারায়ণ । তা জানি কমলা, ভক্তের ডাক সহজে তোমার কানে  
পৌঁছায় না ।

লক্ষ্মী । কথায় কথায় তুমি আমার দোষ দেখ, তুমিও ততো বড়

## স্বপ্ন অভিশাপ

কম যাও না প্রভু! কপট নিদ্রায় যখন প'ড়ে থাকো, তখন একটা কেন, সহস্র ডাকেও যে তোমার ঘুম ভাঙ্গে না!

নাবায়ণ। কিন্তু এ ডাক যে সে ডাক নয় প্রিয়তমে, ভক্তের আহ্বানে আজ আমি শুধু আকুল হই নি, আমার মনের ভেতর উঠেছে তুমুল ঝড়; আশঙ্কা হচ্ছে, বুঝি এটা একটা মহা অনর্থের সূচনা।

লক্ষ্মী। অনর্থের সূচনা! আমি যে কিছুই বুঝতে পারছি না প্রভু! আদরের ভক্ত আসছে তোমার কাছে, তার আগমন তো আনন্দের, এতে অনর্থের আশঙ্কা কেন প্রভু?

নারায়ণ। হিরণ্যকশিপুও ছিল আমার প্রিয় ভক্ত, সে কি আমায় কম উত্থাপ্ত করেছে—আমার পবন ভক্ত প্রহ্লাদকে নির্যাতন ক'বে?

লক্ষ্মী। আমি আজও বুঝতে পারি নে, বিষ্ণুদেবী হিরণ্যকশিপু কেমন ক'রে হ'লো তোমার ভক্ত। জীবনে একটা দিন একটীবাবের জন্মও তো সে ছরস্তু দানব তোমার নাম মুখে আনে নি, মৃত্যুর পূর্বে মুহূর্ত পর্যন্ত করেছে তোমার শক্রতা—তথাপি সে হ'লো তোমার ভক্ত? তোমার লীলা-মহিমা বোঝা ভার।

নারায়ণ। সে যে শক্রভাবেই আমার আরাধনা করেছিল লক্ষ্মী!

লক্ষ্মী। শক্রভাবে আরাধনা! চমৎকার! চ'বুক মেরেও ইষ্ট-দেবতার পূজা হয় নাকি প্রভু?

নারায়ণ। ভুলে যাচ্ছে কেন লক্ষ্মী, পূজার অর্থ অন্তরের ভক্তি—হাতের চাবুক নয়! ভক্ত ভ্রমু যে পদাঘাতে আমার ঘুম ভাঙিয়েছিল, মনে পড়ে না? সেই পরম ভক্তের পদাঘাত-চিহ্ন আমার বুকের কৌমুদমণি, যা বুকে ধারণ ক'রে আজ আমি ধনু!

## অভিশাপ

লক্ষ্মী। অনন্তদেব, তোমায় কোটি কোটি নমস্কার! তোমার লীলার অন্ত পাওয়া ভার! যাক্ ও কথা, এখন আমার একটা সন্দেহ ভঞ্জন করবে কি প্রভু?

নারায়ণ। কিসের সন্দেহ লক্ষ্মী?

লক্ষ্মী। তোমার এই ভক্তটীর সম্বন্ধে তোমার এতখানি আকুলতা কেন? কিসের অনর্থ আশঙ্কা করছে তুমি?

নারায়ণ। তা আমি এখনো ধারণা করতে পারছি না লক্ষ্মী!

লক্ষ্মী। অন্তর্যামী দেবতা, তুমি ধারণা করতে পারছো না?

নারায়ণ। না; মনে হ'চ্ছে, কি যেন আমি হারাবো! আমার অন্তরের ভেতরে উঠেছে একটা মর্ম্মস্তদ হাহাকার!

লক্ষ্মী। কে এ ভক্ত প্রভু?

নারায়ণ। কলম্বাসুর।

লক্ষ্মী। আর কিছু বলতে হবে না, এইবার আমি বুঝেছি, কিসের আশঙ্কা করছে তুমি। অমরাবতীর চির-বন্দিনী কমলাকে মুক্তি দিয়ে মূর্খ দানব অমরার যে সর্বনাশ করেছে, সে আসছে তার সেই মহা-ভুলের সংশোধন করতে, আমাকে তোমার কাছ থেকে ছিনিয়ে নিতে।

নারায়ণ। তোমাকে আমার কাছ থেকে ছিনিয়ে নিতে!

### কলম্বাসুরের প্রবেশ

কলম্বাসুর। অবিকল! আমার আসার উদ্দেশ্যই তাই বৈকুণ্ঠপতি!

নারায়ণ। অসম্ভব! এ হ'তে পারে না।

কলম্বাসুর। কিন্তু হ'তেই হবে নারায়ণ, মা কমলাকে আমি চাই!

নারায়ণ। চাই বললেই কি অমনি পাওয়া যায়?

## কলঙ্কার অভিশাপ

কলঙ্কার। হ্যাঁ, চাইলেই পাওয়া যায়, আর সেটা লোকপালন বৈকুণ্ঠপতিরও অজানা নয়।

নারায়ণ। চাওয়ারও একটা সীমা আছে মূর্খ!

কলঙ্কার। অসীমেব কাছে চাওয়ার মাত্রাটা সীমাহীন হওয়া অসম্ভব নয়। বিশেষতঃ এ চাওয়া আমার নিজের জন্ম নয়—আমার আশ্রিত সন্তানতুল্য প্রজাদের জন্ম। যার অভাবে আজ আমরা শ্রীহীন, নিরপরাধ নিরীহ প্রজাবৃন্দ আজ দুর্দশার অধস্তন স্তরে নেমে গিয়েছে, ক্ষুধার জালায় ত্রাহি ত্রাহি ডাক ছাড়েছে, তাদের জন্মই চাই আমি কমলাকে।

নারায়ণ। তোমার প্রজারা বাঁচুক আর মরুক তাতে আমার কি? আমি কেন আমার পত্নীকে ছেড়ে দেবো?

কলঙ্কার। তোমার কি? তোমারই তো সব। মুছে দাও তোমার ভুবন-পালন নামটা তোমার একরাশ নামের তালিকা থেকে; তার পর বিবেচনা কর লক্ষ্মীকে ছেড়ে দেবে কি না। কিন্তু শোন নারায়ণ, আমি তোমার কোন বিবেচনার ধার ধারি না, আমি কমলাকে চাই—

নারায়ণ। আমি দেবো না।

কলঙ্কার। তা হ'লে ধব তোমাব বিশ্বধ্বংসী সূদর্শন, অবরোধ কর কমলার গমনের পথ, আমার শক্তি থাকে আমি তাঁকে নিয়ে যাবো।

নারায়ণ। বিশ্ববিধ্বংসী সূদর্শনের বেগ তুমি সহ করতে পারবে কলঙ্কার! তোমার এ দুঃসাহস মৃত্যুকে আলিঙ্গন করা!

কলঙ্কার। মরতে আমি ভয় করি নে নারায়ণ! হয় মরবো—নয় কমলাকে আমি নিয়ে যাবো। দুইয়ের একটা হবেই। নাও, ধর সূদর্শন।

## স্বপ্ন অভিশাপ

নারায়ণ । তুমি তো ভারি নেই-আঁকড়ে দেখছি হে ! সাক্ষাৎ  
মৃত্যুর কবলে তুমি বাঁপিয়ে পড়তে চাইছো ?

কলম্বাসুর । ওই—ওই—

এখনো বাজিছে কানে

মর্মভেদী হাহাকার

দীন প্রজাদের !

তিষ্ঠ—তিষ্ঠ বৎসগণ,

তিষ্ঠ ঋণকাল । মৃত্যুপণে নারায়ণে

করেছি আহ্বান সম্মুখ সমরে,

জয় পরাজয় দেখি

কাহার ললাটে কিবা !

ধর সুদর্শন হে সুদর্শনধারী,

মরণের ঋণ ব'য়ে যাব !

নারায়ণ । মৃত্যুকামী পতঙ্গ যেমতি

মরিবারে ধায় বহ্নিমুখে,

মরণ কামনা তোর

তেমতি দানব !

[ নারায়ণ সুদর্শন লইয়া আক্রমণ করিলেন, কলম্বাসুর

পিতৃদত্ত মহাশূল লইয়া যুদ্ধে প্রবৃত্ত হইল । ঋণকাল

যুদ্ধের পর নারায়ণ রণে ভঙ্গ দিয়া পলায়ন করি-

লেন ; কলম্বাসুর শূলহস্তে তাঁহার

পশ্চাদ্ধাবন করিল । ]

## স্বপ্ন অভিশাপ

লক্ষ্মী। তাই তো, তুমুল সংগ্রাম বেধে উঠলো! কে জানে জয়  
পরাজয় এখন কোন্ দিকে!

### রিক্তহস্তে ব্যস্তভাবে নারায়ণের প্রবেশ

নারায়ণ। কমলা!

লক্ষ্মী। একি প্রভু, রিক্ত ফিরে এলে?

কোথা গেল স্মদর্শন তব?

নারায়ণ। ছুঁকার দানব রণে

মহাঋষি কশ্যপ প্রদত্ত মহাশূল

গতিহীন নিমেষে করিল

বিশ্বধ্বংসী স্মদর্শনে।

শস্ত্র-শূল পাণ্ডপত বিনা

নাহি কোন অস্ত্র ত্রিভুবনে

নিবারিতে পারে কালানল

কশ্যপ শূলের!

কি করি?

কি হবে উপায় প্রিয়তমে?

দানবকবল হ'তে

কেমনে রক্ষিব তোমা বরাননে?

লক্ষ্মী। ইচ্ছা তব বিদায়িতে ভক্তের কারণ,

তাই এই স্বেচ্ছাকৃত হীন পরাজয়!

জগত কারণ তুমি ইচ্ছাময়,

ত্রিভুবনে কাহার শকতি—

বাধা দিতে তোমার ইচ্ছায় !  
যথা ইচ্ছা কর তুমি,  
অবলা রমণী আমি—  
সর্বদা চালিত ইঙ্গিতে তোমার ।

নারায়ণ ।

না—না, ভুল বুঝিও না  
মোরে বরাননী !  
জ্ঞানহারা দিশেহারা আমি  
এই হীন পরাজয়ে !  
তুমি বুদ্ধিমতী—  
ছলাকলা নিপুণা কামিনী,  
কর তুমি সহুপায়  
যাহে লক্ষ্মীহারা নাহি হয়  
লক্ষীপতি নারায়ণ ।

লক্ষ্মী ।

নির্লজ্জ কপটী,  
কপটতা আমা মনে কেন ?  
রমণী সহায়হীনা চিরদিন,  
স্বামীই রক্ষক তার—  
আজি একি বিপরীত রীতি ?  
অসমর্থ ষষ্ঠপি রক্ষিতে  
আপন বনিতা,  
দাও অনুমতি, যাই ফিরি  
স্বর্গপুরে দানবের সনে ।

নারায়ণ ।

দানব-বিজিত আমি,

# স্বপ্ন অভিশাপ

সাধ্য কি আমার  
বৈকুণ্ঠে বাঁধিয়া রাখি !

## কলম্বাসুরের প্রবেশ

কলম্বাসুর । কোথা গেল বিশ্বধ্বংসী সূদর্শন,  
ফেলি যাহা রণে ভঙ্গ দিয়ে  
এলে পলাইয়ে রমণী অঞ্চল আড়ে  
লইতে আশ্রয় ?  
আর কেন, মিটেছে তো সময়ের সাধ ?  
দাও এইবার লক্ষ্মীবে তোমার,  
ল'য়ে যাই স্বর্গপুরে ।

লক্ষ্মী । আমার কারণ বুঝি এ মহাসমর ?  
আমারে লইয়া যাবে স্বর্গপুরে ?

কলম্বাসুর । হ্যাঁ মা, রণ অবসান,  
পরাজিত নারায়ণ ;  
তুমি মা বিজয়-লক্ষ্মী এ মহা-আহবে,  
তোমাকেই নিয়ে যাবো স্বর্গধামে ।

লক্ষ্মী । এনেছ কি সুযোগ্য বাহন  
কিছা উপযুক্ত যান নারায়ণী তরে,  
যাহে গৌরব তাহার  
সুগ্ন নাহি হবে ?

কলম্বাসুর । ঠিক এই ছিল একদিন  
ক'রে ছিল তোমার বপটা স্বামী



## কীর্তি অভিশাপ

দৈত্যদ্বারে ভিক্ষার্থীর বেণে  
মাগিয়া ত্রিপাদ ভূমি  
দৈত্যরাজে ফেলিয়া বিপাকে  
চাহি স্থান তৃতীয় পদের ।  
মাথা পাতি বলিরাজ  
স্থান দিল তৃতীয় পদের ।  
সেই দৈত্যকুলে জনম আমার,  
আমারে ছলিবে মাতা তুমি ?  
অকৃতি সন্তান আমি,  
কোথা পাবো স্নযোগ্য বাহন ?  
কমলার উপযুক্ত যান—  
মুক্ত শির পেতে দিহু চরণের তলে ;  
রাঙ্গা পা ছ'খানি তুলে দে মাথায়,  
মহানন্দে শিরে ধরি  
কমলারে ল'য়ে যাই ত্রিদিব-নগরী ।

লক্ষ্মী । ভক্ত কলহাসুর ! বিষ্ণুপ্রিয়া কমলা আজ হ'তে তোমার  
চির বন্দিনী—

কলহাসুর । ভক্তের ভগবান, তোমার চরণে কোটি কোটি নমস্কার ।  
[ লক্ষ্মীকে লইয়া কলহাসুরের প্রস্থান ।

নারায়ণ । ভক্ত ! তোমারি জয়—ভক্তের কাছে আমি চির  
পরাজিত—

[ প্রস্থান ।

## চতুর্থ অঙ্ক

### প্রথম দৃশ্য

বনপথ

ইন্দ্র, যম, বরুণ ও শচীর প্রবেশ

ইন্দ্র ।

দুর্বার নিয়তি !  
ভাগ্যহীন দেবতার দল ;  
তাই স্বর্গ হ'তে বিতাড়িত বার বার ।  
এত যদি সহিতে হইবে,  
কেন অমরত্ব লভিল দেবতা !  
বার বার হতমান দানবসকাশে,  
বহি শিরে হিম বর্ষা তাপ,  
বন হ'তে বনাস্তরে নিয়ত ভ্রমণ  
তাড়িত স্বাপদ সম,  
ভাল ছিল এ হ'তে মরণ !  
ভুঞ্জিতে হ'তো না এত দুঃখ তাপ জালা !

যম ।

অসহ—অসহ এই অপমান !  
বুঝিতে না পারি  
কোন শক্তি  
শক্তিমান করিল দানবে ।  
মনে হয়, সুনিশ্চয়

## স্বপ্ন অভিশাপ

লঘুচেতা দুর্বল দেবতা কোন  
দিয়া বর—

শক্তিমান্ করেছে দানবে  
নির্যাতিতে দেবকুল !

ইচ্ছা হয়,  
এই দণ্ডে ছিঁড়ি মুণ্ড তার  
পর্বতশিখর হ'তে নিক্ষেপি ভুতলে ;  
ঘুরুক ভুবনময় কবন্ধের মত !

ইন্দ্র ।  
বৃথা রোষ কর তুমি দেবতার প্রতি ।

কি দোষ তাহার ?  
প্রার্থীর প্রার্থনা পূরণ  
মহান্ কর্তব্য দেবতার  
আত্মপর শত্রুমিত্র ভেদাভেদ ভুলি ।

এই গুণে দেবতার শ্রেষ্ঠত্ব ভুবনে ।  
দেবতার দ্বার হ'তে প্রার্থী যদি  
ফিরে যায় ব্যর্থ মনোরথে,

দেবের কলঙ্ক তবে  
রটিবে ভুবনময় !  
কেহ না লইবে মুখে দেবতার নাম ।

মানি লও অদৃষ্টের ফল,  
তাই মোরা ভুঞ্জি এ যাতনা ।

বরুণ ।

এই বদান্ততা  
দেবতার সর্বনাশ হেতু

## স্বপ্ন অভিশাপ

নাহিক সংশয় ।  
বুদ্ধি দোষে আপনি হানিয়া  
কুঠাব আপন পায়  
অদৃষ্টের পবে  
চাপায়ৈ সকল দোষ  
হয় যদি নিশ্চিত দেবতা,  
বলিবার কিছু নাহি আব ।  
শচী । সৰ্বথা মানিতে হবে  
অদৃষ্টেব লেখা ।  
দৈববল লাভ স্মৃতিব ফল,  
এই সে আশ্বাসবাণী চিবস্তন  
নির্যাতিত দেবতার ।  
স্মৃথে হুঃখে সঙ্গিনী তোমার  
আমি সৰ্বকালে,  
উপদেশ তব সম্বল আমার  
জীবন-কর্তব্য-পথে,  
তাই কিছু নাই বলিবার ।  
ইন্দ্র । বুঝিয়াছি দেবেশ্রাণী,  
কি বেদনা অন্তরে তোমার !  
কিন্তু নাহিকো উপায় ;  
একমাত্র ব্যথাহারী বিনা  
নাহি কেহ নিবারিতে ব্যথা ।  
যম । চমৎকার অনুযোগ,

## শ্রী অভিশাপ

প্রতিকার আরও চমৎকার !  
ব্যথাহারী বিনা  
নাহি কেহ নিবারিতে ব্যথা !  
বুঝিতে না পারি কেবা সেই ব্যথাহারী,  
যার ঠাঁই শরণ লইতে হবে !  
দেবকুল এতই দুর্বল যদি,  
কেন বৃথা গর্ভ আশ্ফালন,  
কেন দেবত্বের অহমিকা তাহাদের ?  
এতই দুর্ভোগ যদি প্রাক্কনের লেখা,  
ত্রিদিবের সুখ-সন্তোগের আশা  
ত্যাগ করা শ্রেয়ঃ চিরতরে ।

ইন্দ্র ।

বৃথা অমুযোগ,  
বৃথা অভিমান তব মৃত্যুপতি !  
বলিয়াছি আগে দুর্বার নিয়তি—  
কেহ না বারিতে পারে ।  
ইঙ্গিতে তাহার সৃষ্টি-স্থিতি-লয়,  
বর্তমান ভূত ভবিষ্যৎ,  
তুমি আমি এ তিন ভুবন  
চালিত সবাই ওই নিয়তি-নির্দেশে ।

### জয়ন্তের প্রবেশ

জয়ন্ত ।

পিতা !—

ইন্দ্র ।

এই যে কুমার !

## স্বপ্ন অভিশাপ

কি সংবাদ পুত্র ?  
পেয়েছ উপায় কিছু ?  
জয়ন্ত । মৃত্যুঞ্জয় ভোলানাথে ভেটি  
লয়েছি সংবাদ—  
শিবশক্তি মহাশূল পাশুপত বিনা  
কলম্বেব নাহি পরাজয়,  
যতক্ষণ রবে কবে তার  
ঋষিদত্ত শূল ভয়ঙ্কর ।  
কিন্তু বিস্ময় মানিছু পিতা,  
শুনি বাণী মহেশের ।  
ইন্দ্র । কি হেতু বিস্ময় পুত্র ?  
জয়ন্ত । মহাশূল পাশুপত অধিকারী  
নন ভোলানাথ,  
কোন্ জন—স্মরণে না আসে তাঁর—  
তুষ্ট করি তাঁরে  
লভিয়াছে মহাশূল পুরস্কাররূপে !  
ইন্দ্র । পশুপতি পাশুপত দিলেন যাহারে  
বিস্মৃত তাহার নাম ?  
যম । ভাস্কড়ের সকলি সম্ভব !  
দিবানিশি বিভোর নেশায়  
হারা হ'য়ে কাণ্ডাকাণ্ড জ্ঞান !  
স্মৃতির জঞ্জাল ভার  
কেন অকারণ বহিবেন তিনি ?

## স্বপ্ন অভিশাপ

- ইন্দ্র । পাশুপত অস্ত্রের সন্ধান  
ঐখানেই হইল কি শেষ ?
- জয়ন্ত । না পিতা,  
ত্রিলোক বিষ্ণুলোক ভ্রমিয়া আসিছু,  
না পাইছু অস্ত্রের সন্ধান ;  
লোক পিতামহ কিম্বা নারায়ণ  
কেহ নাহি জানে  
অধিকারী কেবা সে অস্ত্রের ।
- যম । লোক পিতামহ আর নারায়ণ  
এঁ বাও কি ত্রিলোচন সম  
হয়েছেন নেশার সেবক ?  
তাই বুঝি সর্বজ্ঞ হ'য়েও  
বিভ্রান্তি মনের এত !
- ইন্দ্র । ধর্মরাজ !  
হেন বাণী তোমারে না সাজে ।  
কহি নিন্দাবাণী অকারণ  
ধর্ম যদি নিজে অধর্মের প্রশ্রয় দেয়,  
নাহি ক্ষোভ ইহা হ'তে আর ।

### শনৈশ্চরের প্রবেশ

শনৈশ্চর । ষাঁড়ের শত্রু বাঘে মেরেছে দেবরাজ, ষাঁড়ের শত্রু  
বাঘে মেরেছে ।

ইন্দ্র । তুমি কি বলছো শনৈশ্চর ?

## শূন্য অভিশাপ

শনৈশ্চর। বেটা দানব নিজের জালে নিজে জড়িয়ে পড়েছে—  
আহি আহি ডাক ছাড়ছে!

যম। কি রকম—কি রকম?

শনৈশ্চর। রকম খুবই ভাল—বেটা গর্দভরাজ দেবানন্দদের সঙ্গে  
মুক্তি দিয়েছে দেবমন্দিরের অচলা লক্ষী-ঠাকুরগকে; বাস্—আর যায়  
কোথা! কুবেরের ভাণ্ডার ফাঁক—অনাভাবে স্বর্গরাজ্যে উঠেছে  
হাহাকার—পথে ঘাটে হাটে মাঠে যেখানেই যাবেন, গুন্বেন গুধু  
দানবদলের “অন্নদাও—অন্নদাও” রব! ভারি মজা হয়েছে দেবরাজ!  
বাছাধনদের আর বেশীদিন স্বর্গধামে টেকে থাকতে হচ্ছে না!  
পাতাড়ি গুটিয়ে সুরু সুরু পাতালপুরে ফিরে যেতে হবে। সেইজন্তেই  
তো বলছি দেবরাজ, ষাঁড়ের শত্রু বাধে মেরেছে!

ইন্দ্র। কিন্তু—

শনৈশ্চর। এতে আর কিন্তু নেই দেবরাজ, রাক্ষুসে ক্ষিদে যাদের,  
তারা জঠরের জালা সহবে ক’দিন? পালাতেই হবে, এ আমি  
দিব্যি ক’রে বলতে পারি।

ইন্দ্র। তাতেই কি স্বর্গ-সিংহাসন নিরাপদ হবে মনে কর শনৈশ্চর?  
ঝটিকাবর্ষের মত কখন এসে নূতন ভাবে অত্যাচার সুরু করবে  
কে জানে? তা ছাড়া কমলার আবাহন আমাদেরও প্রয়োজন  
হবে শনৈশ্চর! লক্ষ্মীহীনা স্বর্গপুরী যে শ্মশানের চেয়েও ভয়াবহ  
যন্ত্রণাদায়ক!

শনৈশ্চর। তবেই তো! তা হলে হাতে পেয়েও বেটাদের কারদার  
আনা গেল না যে!

জয়ন্ত। তা হলে উপায় কি পিতা?



অদিতির প্রবেশ

অদिति। তোমাদের হাতের কাছে উপায় থাকতে তোমরা ত্রিভুবন ছোটোছুটি ক'রে বেড়াচ্ছে। উপায়ের সন্ধানে ?

ইন্দ্র। এ কি দেবমাতা ! কি উপায় আছে মা ? হাতের কাছে বলছে—কি সে উপায় জননী ?

অদिति। তুমি তো ছুটে বেড়াচ্ছে। পাণ্ডপত অস্ত্রের সন্ধানে ? তুমি কি এরই মধ্যে ভুলে গেছ—পাণ্ডপত অস্ত্রের অধিকারী তৃতীয় পাণ্ডব বীরশ্রেষ্ঠ অর্জুন !

ইন্দ্র। ঠিকই তো—ঠিকই তো ! এতখানি ভুল—এতখানি ভুল শুধু আমার নয়, সমগ্র দেবতামণ্ডলীর ! দিক দেবতামণ্ডলীর সৃষ্টি-শক্তিকে ! দেবগণ, আমরা যাঁর অপার্থিব রূপায় আজ মুক্তির পথ খুঁজে পেয়েছি, এসো, আমরা সেই পরমপূজ্য দেবমাতার চরণস্পর্শ ক'রে ধন্য হই।

[ সকলে অদিতিকে প্রণাম করিল । ]

অদिति। জয়যুক্ত হও বৎসগণ ! [ প্রস্থান ।

ইন্দ্র। কুন্তীপুত্র অর্জুন নিমন্ত্রিত হ'য়ে গন্ধর্্বরাজের গৃহে অবস্থান করছে, তাকে অবিলম্বে ফিরিয়ে আনবার ব্যবস্থা কর জয়ন্ত !

জয়ন্ত। যথা আজ্ঞা পিতা !

[ প্রস্থান ।

ইন্দ্র। এসো দেবগণ, আমরা আবার যুদ্ধের আয়োজন করি।

[ সকলের প্রস্থান ।

## দ্বিতীয় দৃশ্য

গন্ধৰ্বলোক—পথ

### গীতকণ্ঠে গন্ধৰ্বকুমারীগণের প্রবেশ

গন্ধৰ্বকুমারীগণ।—

#### গীত

গগনের ললাটখানি সোনার বঙে রাড়িয়ে দিলে কে ।

তটনীব কালো জলে সোনা ছড়িয়েছে ।

সোনার ঐ লহবগুলি,

গায়ে গায়ে ঢলাঢলি,

শাখী'পরে সোনার পাখী পাখা মেলেছে ।

সোনালী রঙ ফলানো বসনে অঙ্গ ঢাকা,

রূপসী জলকে চলে মু'খানি চাক বাকা,

পথে বঁধু চাউনি বঁকা চেয়ে রয়েছে ।

[ প্রস্থান ।

### অর্জুন ও গন্ধৰ্বরাজের প্রবেশ

অর্জুন । এত আদর, এত যত্ন, এমন আতিথেয়তা—আমি প্রশংসা না করে থাকতে পারছি নে গন্ধৰ্বরাজ ! এই গুণেই আপনি মহিমা-মণ্ডিত গন্ধৰ্বলোকের সম্রাট ।

গন্ধৰ্বরাজ । বড়ই বাড়িয়ে বল্ছো বাবাজী, বড়ই বাড়িয়ে বল্ছো । যতখানি বাড়িয়ে বল্ছো তুমি, ততখানি গুণ আমার নেই । তোমার মত সঙ্গী পেয়ে দিনগুলো বেশ আনন্দেই কেটে গেল, আজ তোমাকে বিদায় দিয়ে প্রাণটার ভেতর ঘেন খাঁ-খাঁ কর্ছে ।

## স্বপ্ন অভিশাপ

অর্জুন। স্নেহের চোখে দেখেছেন পুত্রের মত, তাই এ ব্যথা।  
বিদায়ের ব্যথা আপনারও যতখানি, আমারও তার চেয়ে কম  
হবে না।

গন্ধর্বরাজ। হ্যাঁ—হ্যাঁ, তা তুমি বলতে পারো বাবাজী! মনে  
করেছিলাম, না—থাক, তুমি কি শীঘ্রই মর্ত্যে ফিরে যাবে?

অর্জুন। সেটা দেবরাজের অনুমতি সাপেক্ষ। কিন্তু কেন  
বলুন তো?

গন্ধর্বরাজ। আমারও একবার মর্ত্যে যেতে হবে কিনা তাই।

অর্জুন। প্রয়োজন?

গন্ধর্বরাজ। তা একটু আছে বৈকি। তবে আসল কথাটা বলি  
শোন বাবাজী! তোমাদের মর্ত্যধামে বিরাটরাজ তাঁর প্রয়োজনের  
অতিরিক্ত গোধান সংগ্রহ করে রেখেছে, আমি তার কাছে কয়েকটি  
দুঃখবতী গাভী চেয়েছিলাম। হাজার হোক রাজা আমি—গন্ধর্বলোকের  
একচ্ছত্র সম্রাট—মর্ত্যবাসী মানবের চেয়ে অনেক উচ্চস্তরের—দাস্তিক  
নৃপতি আমার সম্মান রাখলে না; আমি সে অপমানের প্রতিশোধ  
নেবো।

অর্জুন। এ যে আপনার অগ্রায় মহারাজ!

গন্ধর্বরাজ। অগ্রায় কিসে?

অর্জুন। আপনি প্রার্থী, আর সে দাতা; দান দাতারই ইচ্ছার  
উপর নির্ভর করে—প্রার্থীর ইচ্ছার উপর নয়। দাতা যদি বিমুখ  
হন, তাতে প্রার্থীর অপমান হয় না, হয় তো একটু দুঃখ হ'তে পারে;  
আমার মতে সে দুঃখ হওয়াটাও অগ্রায়।

গন্ধর্বরাজ। অগ্রায় নয়—অপমান নয়?

## অর্জুন অভিশাপ

অর্জুন । না ।

গন্ধর্বরাজ । তুমি পুরুপাতশূণ্য হ'য়ে বিচাব করছো না, মর্ত্য-বাসী মানব তুমি, তাই তোমার টান স্বজাতির দিকে । অমরাব প্রথম যে দিন তোমায় দেখেছিলাম, তোমার কথা—তোমার বীবহের কাহিনী শুনেছিলাম—আমার ধাবণা হয়ে ছিল অগ্নকপ, তাই পরম আগ্রহে তোমায় নিমন্ত্রণ করেছিলাম এই গন্ধর্বপুবে । মনে কবে-ছিলাম যদি প্রয়োজন হয়, তা হ'লে দাস্তিক বিবাটবাজের সঙ্গে যুদ্ধে তোমায় আমন্ত্রণ করবো বন্ধুভাবে আমাব সহায়তা করতে । কিন্তু—না, যাও অকৃতজ্ঞ মানব, তুমি অবিলম্বে আমার রাজধানী ত্যাগ কর, নইলে—

অর্জুন । নইলে, না—থাক, যান গন্ধর্ববাজ, আপনাব বাজ্যে আমি আর এক মুহূর্তও থাকবো না, তবে যাবার সময় ব'লে যাই, শুনে যান গন্ধর্বপতি, আমার জ্যেষ্ঠ ধর্মরাজ যুধিষ্ঠিরের আজ্ঞাবাহী ভৃত্য আমি, কখনও অধর্মের প্রশ্রয় দিই নি—দেবো না । আপনার এই ছুরভিসন্ধির কথা আমি বিরাটরাজকে জানিয়ে দেবো, আর যদি প্রয়োজন হয়, তবে তাঁর গোধনরক্ষায় আমি তাঁকে সাহায্য করবো ।

গন্ধর্বরাজ । বটে অকৃতজ্ঞ ! আচ্ছা, দেখে নেবো—[ স্বগত ] ইস্, কেঁচো খুঁড়তে গিয়ে সাপ বেরিয়ে পড়লো যে !

[ প্রস্থান ।

অর্জুন । এমন জঘন্য প্রবৃত্তি এই গন্ধর্বরাজের ! এরাই আবার গর্ব ক'রে বলে, এরা মানবজাতির উচ্চস্তরে ! ছিঃ-ছিঃ-ছিঃ ! এ কি, কুমার জয়ন্ত ?

## স্বপ্ন অভিশাপ

### জয়ন্তের প্রবেশ

জয়ন্ত । আমি আপনাকে নিতে এসেছি দেবতাকে সাহায্য করতে ;  
দুর্ভাগ্যবশতঃ দেবতারা আজ স্বর্গহারা ।

অর্জুন । দেবতারা স্বর্গহারা !

জয়ন্ত । হ্যাঁ তৃতীয় পাণ্ডব, দুর্ভাগ্য কলম্বাসুর স্বর্গ অধিকার  
করেছে । দৈববলে বলীয়ান সে, একমাত্র পাণ্ডপত অস্ত্র ভিন্ন সে  
ত্রিভুবনে অজেয় ।

অর্জুন । পাণ্ডপত—পাণ্ডপত ? হাঃ-হাঃ-হাঃ ! চল কুমার, আমার  
দেখিয়ে দেবে চল কোথায় সে দুর্ভয় অস্ত্র । পাণ্ডপত—পাণ্ডপত—  
কলম্বাসুরের মৃত্যুবাণ পাণ্ডপত—হাঃ-হাঃ-হাঃ !

[ জয়ন্তসহ বেগে প্রস্থান ।

## ভূতীয় দৃশ্য

ত্রিদিবধাম—পথ

অগ্রে পূর্ণকুম্ভ মস্তকে লইয়া কলম্বাস্বর ও

তৎপশ্চাৎ লক্ষ্মীর প্রবেশ

লক্ষ্মী। আব কত দূব যেতে হবে কলম্ব ?

কলম্বাস্বর। আব দূব কোথায় মা, ঐ দেখা যাচ্ছে প্রাসাদ-শিখর—ঐ যে, ঐ তোমাব মন্দিবেব শিখরদেশে সুবর্ণ কলস বালাকণ-বাগে বঞ্জিত হ'য়ে উঠেছে।

লক্ষ্মী। আমি যে বড ক্লান্ত হ'য়ে পড়েছি—

কলম্বাস্বর। তোমাব ক্লান্তি। এ যে কল্পনাব অতীত। জীবের শ্রান্তি ক্লান্তি জীবনের সমস্ত অবসাদ, সকল ব্যথা-বেদনাব শান্তি হয় যাব কোমল কবেব স্নেহপবণ পেয়ে, আজ তাঁব ক্লান্তি ! হাঃ-হাঃ-হাঃ !

ক্ষীবোদ-তনয়া,

ক্লান্তি অবসাদ ভানে

চাহ তুমি মোবে ভুলাইতে ?

বুঝিয়াছি, ইচ্ছা তব

লোকালয় হ'তে দূবে

লভিবাবে চিব-বিশ্রামেব স্থান—

দানবেব পুৰী

কমলার বাসেব অযোগ্য বলি ।

মূৰ্খ নহে কলম্ব-অস্বর,

## শ্রীরাম অভিশাপ

স্বামী তব ছলাময় জানে সৰ্বজন,  
তুমি ছলাময়ী,  
পতির পদাঙ্ক ধরি গতিবিধি তব ।  
শোন ছলাময়ী দেবী,  
ছলনায় না ভুলিব তব ।  
সত্য যদি শাস্তি ক্লান্তি  
অবসন্ন করিয়াছে তোমা,  
অসমর্থ যদি পাদক্ষেপে,  
এই শির দিলাম পাতিয়া  
ও রাজীব চরণের তলে ।  
রাখ ও চরণ যুগল শিরোপরি মোর,  
ল'য়ে যাবো তোমা  
কক্ষে ল'য়ে পূর্ণ কুম্ভ  
অতি সযতনে ।  
ভক্তিতে জিনিলে তুমি  
দানব-ঈশ্বর,  
বৈকুণ্ঠপতিরে আজি কমলার সহ ।  
এই ভক্তি গুণে  
একদিন দানব-ঈশ্বর বলি  
জিনেছিল ছলাময় নারায়ণে,  
বামন রূপেতে যিনি  
ভিক্কাৰ্থী সাজিয়া  
গেলেন বলির দ্বারে

লক্ষ্মী ।

# স্বপ্ন অভিশাপ

মাগিতে ত্রিপাদ ভূমি ।  
সেই বংশে লভিয়া জনম,  
ভক্তি গুণে তুমি পুত্র,  
আমায় বাঁধিলে আজি ।  
যতদিন রবে তুমি ত্রিদিব-ঈশ্বর,  
অচলা হইয়া রবো মন্দিরে তোমার ।

কলম্বাসুর । তবে ছাড়ি ছলা

আয় মা কমলা,  
নবভাবে নবরূপে সাজি  
পুরাতে ভক্তের সাধ  
ভক্তের মন্দিরে ।

[ নেপথ্যে মাঙ্গলিক হলুধ্বনি ও শঙ্খধ্বনি ]

গীতকণ্ঠে পুষ্প ছড়াইতে ছড়াইতে  
দৈত্যবালাগণের প্রবেশ

দৈত্যবালাগণ ।—

গীত

ওগো কীরোদ তনয়া, আর মা আর ।  
শূন্য রয়েছে মন্দির তোর পূর্ণ করিতে তায় ।  
অমরার পুরী হয়েছে আঁধার,  
হা অন্ন হা অন্ন ওঠে হাহাকার,  
দানবের চোখে বরে শতধার,  
কে আছে নিশাতে বাতনার ।



## অভিশাপ

শুক শাখী শাখা নাহি পুষ্প ফল,  
শ্রোতস্বিনী মরু নাহি তাতে জল,  
আজি নৃপুরুষনিতে পুষ্পিত ফলিত  
পুলক নাচিছে মন্দ হাওয়ার ।

কলম্বাসুর । আরও জোরে—আরও জোরে শঙ্খধ্বনি কর ।  
তোমাদের এই উল্লাস-আবাহনের গীতধ্বনি ছুটে যাক্ দিক হ'তে  
দিগন্ত—লোক হ'তে লোকান্তর ! ত্রিভুবনবানী দেখুক্ ভুবনবিজয়ী  
কলম্বাসুর আজ শুধু ইন্দ্রজিৎ নয়, বৈকুণ্ঠপতি নারায়ণকে জয় ক'রে  
কমলাকে ছিনিয়ে এনেছে দানবের পূজা-মন্দিরে প্রতিষ্ঠা করতে ।  
আয় মা কমলা, তোর শূন্য মন্দিরে তোকে প্রতিষ্ঠা ক'রে আজ  
আমি ধন্য হই ।

লক্ষ্মী । বৎস ! আমার পথ দেখিয়ে নিয়ে চল—

[ অগ্রে শঙ্খধ্বনি সহ ফুল ছড়াইতে ছড়াইতে দৈত্য-  
বালাগণ যাইতে লাগিল—তাহাদের পশ্চাৎ পশ্চাৎ  
পূর্ণকুন্ত শিরে হস্ত প্রসারিত করিয়া লক্ষ্মীকে  
আহ্বান করিতে করিতে অগ্রে কলম্বাসুর ও  
তৎপশ্চাৎ লক্ষ্মীর প্রস্থান ]

## চতুর্থ দৃশ্য

অমরাবতী—প্রাসাদ-প্রাঙ্গণ

মানসী ও বজ্রবাহু কথোপকথন করিতেছিলেন। নেপথ্যে  
নগরবাসী পুরুষ, স্ত্রী, বালক-বালিকাগণ আর্তস্বরে  
চীৎকার করিতেছিল—“অন্ন দাও—অন্ন দাও”।

মানসী। আর যে গুন্তে পারি না বজ্রবাহু! রাজভাণ্ডারে  
কি আর কিছুই নেই?

বজ্রবাহু। না মা, ভাণ্ডারে আর খাণ্ডের একটি দানাও নেই;  
যা কিছু ছিল, সবই বিলিয়ে দিয়েছি। পর্তপ্রমাণ খাণ্ডের যেখানে  
প্রয়োজন, নগণ্য দু'টী দানায় কার ক্ষুন্নিবারণ হবে মা?

মানসী। তবে কি হবে বজ্রবাহু? ভাণ্ডারের একটি কণাও আমি  
স্পর্শ করি নি—তিন দিন অনাহারে কাটাচ্ছি—তবুও তো কিছু করতে  
পারলাম না বজ্রবাহু! রাজ্যের ভার, প্রজারক্ষার ভার স্বামী আমার  
উপর দিয়ে গেছেন, কিন্তু আমি যে কিছুই করতে পারছি না!  
ওঃ, কি করি! কি করি!

## চাবুকহস্তে শনৈশ্চরের প্রবেশ

শনৈশ্চর। অন্তিমতি দিন মহারাণী, আমি ঐ হা-ঘরে বেটাদের  
সায়েন্টা ক'রে দিই—

মানসী। কি করবে তুমি?

শনৈশ্চর। সায়েন্টা ক'রে দেবো, যাতে আর ট্যাং-ফো করতে না  
পারে।

## অভিশাপ

মানসী। তার মানে? তুমি কি কিছু আহাৰ্য্য সংগ্রহ ক'রে এনেছ? শনৈশ্চর। এনেছি বৈকি, একেবারে পাকা মাল—একবার খেলে আর খাবার নামটি করবে না।

বজ্রবাহু। শনৈশ্চর! মনে রেখো এ বিক্রপের সময় নয়।

শনৈশ্চর। বিক্রপ কেন, আমি স্বরূপ বলছি। [চাবুক উত্তত করিয়া] এর এক একটা যা খেলে আর খেতে চাইবে না—যে যার ঘরে পালাবে। বলি, প্রাণ বড় না ক্লিধে বড়?

মানসী। দেবতার আবরণে দেহ ঢেকে মূর্তিমান্ পিশাচ তুমি কোথা থেকে এলে? বেরিয়ে যাও—বেরিয়ে যাও এখান থেকে।

শনৈশ্চর। ওরে বাপ রে! [স্বগত] কড়া পাহারার ব্যবস্থা করেছি, তাই কোন ব্যাটা এদিকে ঘেঁসতে পারে নি। আমিও যাবো আর দিয়ে যাবো বেটাদের লেলিয়ে। [প্রস্থান।]

[নেপথ্যে ঘন ঘন আৰ্ত্তধ্বনি “অন্নদাও—অন্নদাও”।]

মানসী। কি করি—কি করি! ব'লে দাও না বজ্রবাহু একটা উপায়! তুমিও কি আজ শক্রতা করছো? বল—বল।

বজ্রবাহু। কোন উপায়ই তো ভেবে উঠতে পারছি নে মা!

মানসী। তাই তো! তবে কি হবে? কি করবো?

[ক্ষুধার্ত্ত পুরুষ স্ত্রী ও বালক-বালিকাগণ প্রান্ত্রণে আসিয়া

উপস্থিত হইল এবং মিলিতকণ্ঠে বলিতে লাগিল

“অন্ন দাও—অন্ন দাও”]

মানসী। অন্ন নেই—কিছু নেই; মহারাণী আজ নিঃস্ব। তোমরা যাও—কাঁদতে কাঁদতে ফিরে যাও—অভিশাপ দিতে দিতে ফিরে

## অভিশাপ

যাও, আমি এইখানে দাঁড়িয়ে শুনি। যেমন শুন্ছি তোমাদের আর্ন্তস্বব,  
তেমনি শুন্বো তোমাদের অভিশাপবাণী! না—না, দাঁড়াও তোমবা—  
যেয়ো না, পেয়েছি—উপায় খুঁজে পেয়েছি। বজ্রবাহ!

বজ্রবাহ। মা!

মানসী। তোমার তরবারিতে তীক্ষ্ণ ধাব আছে তো?

বজ্রবাহ। আছে বৈকি মা!

মানসী। কৈ দেখি।

বজ্রবাহ। [ তরবারি দিল। ]

মানসী। [ তরবারি লইয়া ] এসো, তোমরা এগিয়ে এসো; ভয়  
নেই, কাকেও হত্যা করবো না। হাত পাত, যে রক্তপান করবে—অঞ্জলি-  
বদ্ধ হ'য়ে দাঁড়াও, যে মাংস খেতে চাও—হাত পাত, আমি আমার  
গায়ের মাংস কেটে দিচ্ছি।

সকলে। মা—মা!

মানসী। মায়ের রক্ত একদিন যখন দুগ্ধেব আকাবে মুখে গিয়ে  
পড়েছিল, পান করেছিলে তো? মনে কর, এও সেই মায়ের রক্ত!  
নাও, প্রস্তুত হও।

[ মানসী আপন দেহে অস্ত্রাঘাত করিতে উদ্যত হইল,  
সমবেত সকলে 'মা—মা' বলিয়া চীৎকার করিয়া উঠিল,  
ঠিক সেই সময়ে কুবের ছুটিয়া আসিল। ]

কুবের। মা! মা! জানি না, কোন্ মারাপ্রভাবে আমার ভাণ্ডার  
পরিপূর্ণ হ'য়ে উঠেছে!

মানসী। কি বললে কুবের, ভাণ্ডার পরিপূর্ণ হ'য়ে উঠেছে? তবে

## স্বপ্ন অভিশাপ

তো আমার স্বামী ফিরে এসেছেন মা কমলাকে নিয়ে। ধূপ জ্বলে  
দাও—মঙ্গলশঙ্খ বাজাও আজ দেবী কমলার আবাহনে। আর  
বজ্রবাহু! অমরার গৃহে গৃহে খুলে দাও অন্নদ্র—জলদ্র। অর্ন্তগণ!  
মা সকল! বাবা সকল! উল্লাস কর তোমরা—উল্লাস কর তোমরা,  
ছঃখের নিশি তোমাদের আজ অবসান হ'লো!

সকলে। জয় রাজাধিরাজ কলম্বাসুরের জয়!

মানসী। চল বজ্রবাহু, এদের সঙ্গে আমরা এগিয়ে গিয়ে মা  
কমলাকে আবাহন ক'রে গৃহে আনি—

[ সকলের প্রস্থান।

### শষম দৃশ্য

নন্দন-কানন—নাচঘর

কলম্বাসুর ও দারুক মদ্যপান করিতেছিল, নর্তকীগণ

নৃত্যগীত করিতেছিল

নর্তকীগণ।—

### গীত

এই রাঙা হুঁটা ঠোঁটে হাসিটি।

রমণীর মুখে কে রেখেছে বল পুরুষের গলার কাঁসিটি।

চটুল নয়নে কুটিল বাণ, লুকানো রয়েছে ধরশাপ,

নিটোল গড়ন এ রূপ-বোঁবন জীবন-সরণ কাঁসিটি।

## দারুক অভিশাপ

দারুক। একি! তোমবা ধাম্লে যে?

কলহাসুর। একটু বিশ্রাম করবে না ওরা?

দারুক। একটি যুগ ধ'বে বিশ্রাম ক'রে যে পায়ে ওদের বাত ধ'রে গেছে!

কলহাসুর। যাও, তোমবা বিশ্রাম কর গে—[নর্তকীগণের প্রস্থান]  
কিছু বুঝলে বন্ধু?

দারুক। বুঝলাম কবন্ধ—

কলহাসুর। মানে?

দারুক। মাথা ছিল না।

কলহাসুর। কার?

দারুক। বাজ্যেব, অর্থাৎ বাজা ছিল না।

কলহাসুর। এখন কি মনে হ'চ্ছে?

দারুক। এখন মনে হ'চ্ছে রাজা আছে।

কলহাসুর। দৈত্যরাজ্যে আবার শান্তি ফিরে এসেছে বন্ধু!

দারুক। আস্তেই হবে, এমন সুখেব রাজ্য ছেড়ে যাবে কোথায়?

কলহাসুর। এইবার একটু রাজনীতির আলোচনা—তাতে তোমার  
কি আপত্তি আছে বন্ধু?

দারুক। আপত্তি নেই, তবে বস্তুটা নিতান্ত নীরস।

কলহাসুর। সেইজন্মেই তো আলোচনার ব্যবস্থাটা করেছি নাচ-  
ঘরে—ছোঁয়াচ লেগে একটু সরস হ'য়ে উঠতে পারে।

দারুক। তা হ'লে হোক আলোচনা—

কলহাসুর। কে আছিস? বন্ধবাহু—[দারুক চমকাইয়া উঠিল।]

ওকি, আঁৎকে উঠলে কেন বন্ধু?

## স্বপ্ন অভিশাপ

দারুক। আঁতকে ওঠ্‌বারই কথা সম্রাট, যে যাই বলুক, আসলে এটা ইন্দ্রপুরী—ঘরের আনাচে কানাচে মায় দেওয়ালের ফাটলে পর্য্যন্ত ছুঁপাঁচখানা বজ্র লুকানো আছেই আছে, কে কখন ছেড়ে দেয়, কে জানে!

নেপথ্যে। জয় সুরপতি বাসবের জয়!

দারুক। ওই হয়েছে!

কলম্বাসুর। কি হয়েছে?

দারুক। শুনতে পাচ্ছেন না বজ্রধরের জয়ধ্বনি? আর বাজ ছাড়তেই বা কতক্ষণ?

কলম্বাসুর। সে আশঙ্কা তোমার নেই বন্ধু, ভুবনজয়ী কলম্বাসুরের শক্তির পরীক্ষা তো হ'য়েই গেছে, তাই তো আমি বসেছি বাসবের সিংহাসনে!

নেপথ্যে। [পূর্ববৎ জয়ধ্বনি হইল।]

দারুক। ওই আবার! ছোঁয়াচ লেগেছে মহারাজ, নামের ছোঁয়াচ লেগেছে, বাজ এইবার ছাড়লে ব'লে!

### বেগে বজ্রবাহুর প্রবেশ

কলম্বাসুর। কি সংবাদ বজ্রবাহু?

বজ্রবাহু। অগণন দেবসৈন্ত নগর-তোরণ সম্মুখে সমবেত হয়েছে, মনে হয়, নববলে বলীয়ান হ'য়ে দেবতারা স্বর্গ আক্রমণ করবে।

কলম্বাসুর। আক্রমণ করবে? করুক,—কলম্বাসুর দুর্বল নয়। বলতে পারো বজ্রবাহু, এ সৈন্তদলের নেতা কে? স্বয়ং ত্রিদিবেশ্বর বাসব বুঝি?

# অভিশাপ

বজ্রবাহু। না সত্রাট!

কলঙ্ঘাসুর। তবে?

বজ্রবাহু। এ সেনাদলের নেতা একজন মর্ত্যবাসী মানব-নাম  
অর্জুন।

কলঙ্ঘাসুর। মানব অর্জুন!

কোন্ বলে বলীয়ান

মর্ত্যের মানব

প্রতিদ্বন্দ্বী হ'তে চায় মোর?

জানে না সে মূঢ়,

কলঙ্ঘ-অসুর

ঋষির প্রসাদে ভুবনে অজেয়?

মরণ-অধীন জীব

হইয়াছে মৃত্যুকামী আজ,

তাই ক্ষুদ্র পতঙ্গের প্রায়

বাসনা তাহার

দীপ্ত বহিমুখে কাঁপায় পড়িতে!

যাহবলে প্রবেশিয়া স্বর্গপুরে

ভাবিয়াছে ভুবন-বিজয়ী আপনারে;

হাস্তকর—হাস্তকর—

কল্পনা তাহার!

যাও বজ্রবাহু, বিলম্ব না করি

সুসজ্জিত কর ঘুরা

দানব-বাহিনী,



## স্বপ্ন অভিশাপ

অর্ধ সেনা রহিবে অধীনে তব,  
অর্ধ সেনা আমি নিজ করিব চালনা ।

বজ্রবাহ। যথা আজ্ঞা মহারাজ ! [ প্রস্থান ।

দারুক। দেখলেন মহারাজ, নামের ছোঁয়াচ লাগার ফল হাতে  
হাতে ! বাধলো আবার যুদ্ধ ।

কলম্বাসুর। এবার শুধু যুদ্ধ নয় বন্ধু, তুমুল যুদ্ধ !

দারুক। এঁয়া, বলেন কি মহারাজ ! যুদ্ধ একা নয়, তার সঙ্গে  
আবার তুমুল ! মহারাজ !—

কলম্বাসুর। প্রস্তুত হও বন্ধু, এ যুদ্ধ সে যুদ্ধ নয়—এ জীবন-মরণ  
যুদ্ধ !

দারুক। আমি তা হ'লে জীবনের দিকে থাকবো মহারাজ !

কলম্বাসুর। এ যুদ্ধে হয় জয়, নয় মৃত্যু ।

দারুক। আজ্ঞে, তা হ'লে জয়টাই হোক না মহারাজ !

কলম্বাসুর। শুনেছি সে মানব অর্জুন

প্রবেশিল স্বর্গপুরে,

বাহুবলে কিম্বা বাহুবলে

তাহারে জিনিতে হবে রণে ।

দারুক। মর্ত্যের মানব ! তবে আর কি ! দানবের কাছে সে তো  
একটা ফড়িং মহারাজ !

কলম্বাসুর। তা হ'লে বীরদাপে রণক্ষেত্রে এগিয়ে চল বন্ধু,  
প্রমোদ-উল্লাস আমাদের শেষ হ'য়ে গেছে !

দারুক। তা কি হয়, ফিরে এসে আবার কেঁচে গণ্ডুষ ক'রে সুরু  
করা যাবে। এখন তা হ'লে যুদ্ধং দেখি, কি বলেন মহারাজ ?

# স্বপ্ন অভিশাপ

## গীতকণ্ঠে ভোলা-পাগলার প্রবেশ

ভোলা ।—

### গীত

বাঁচবি যদি ওরে অবুঝ আগে পালিয়ে চ’  
নইলে যোবনেতে ধব্বে জরা হ’বি হাড় গোড় ভাঙ্গা ‘দ’ ।  
মব্বি কেঁপে কম্পায়ে,  
বাতের কামড় হাড়ে হাড়ে,  
সরষের ফুল দেখে বি চোখে হ’য়ে যাবি ‘খ’ ।

[ প্রস্থান ।

দারুক । এঁয়া, তাই না কি ! তা হ’লে তো খুব সমস্তাব কথা !  
কার্যক্ষেত্রে তখন শাস্ত্রবাক্য স্মরণ করা যাবে ।

[ প্রস্থান ।

কলহাসুর । জীবন-মরণ সমস্তার সমাধান করগে বন্ধু, যদি দানবের  
মর্যাদা অক্ষুণ্ণ রাখতে চাও । একি ! মানসী, তুমি এখানে ?

### মানসীর প্রবেশ

মানসী । সম্রাট কি যুদ্ধে যাবেন ?

কলহাসুর । যাবো নয় মানসী, যাচ্ছি—

মানসী । দৈববলে বলীমান দানবের সঙ্গে মানবের সংগ্রাম এক  
অভিনব দৃষ্টান্ত ! আমার সাধ হ’চ্ছে এ যুদ্ধ দেখতে, আমি তোমার  
সঙ্গে যাবো ।

কলহাসুর । তুমি যুদ্ধে যাবে ? মৃত্যু নিয়ে খেলা যেখানে, সেই  
বীভৎসতার আবহাওয়া কি তুমি সহিতে পারবে মানসী ?

## স্বপ্ন অভিলাষ

মানসী । ভুলে যাচ্ছে কেন স্বামী, আমি যে তোমার সহকর্মিণী  
সহকর্মিণী জীবনে-মরণে চিরসঙ্গিনী ?

কলঙ্কাস্বর । তা হ'লে এসো প্রিয়তমে, আজ জীবন-মরণের মহা-  
সঙ্কীর্ণে দাঁড়িয়ে আবার গাই আমাদের সেই প্রথম মিলন গীতি—  
তেমনি ক'রে করে কর, বাহুতে বাহু, বক্ষে বক্ষঃ মিলিয়ে মত্ত হই  
মিলনানন্দে, ছুটে যাই দানবীয় উল্লাসে একসঙ্গে তালে তালে পা  
ফেলে মরণকে জয় করতে । অধরের হাসির দীপ্তিতে, নয়নের বিলোল  
কটাক্ষ-স্নেহে সৃষ্টি কর প্রিয়তমে এক অভিনব উত্তেজনা, যার  
তাড়িতপ্রবাহ দেহের শিরায় শিরায় ধমনীতে ধমনীতে বহাবে তপ্ত  
শোণিত তরঙ্গ—এক হ'য়ে যাবে জীবনের সঙ্গে মরণ ; সাজাও সুন্দরী,  
তোমার বরবপুথানি অভিনব সাজে, যেমন সাজিয়েছিল সেই প্রথম  
মিলনের আনন্দময় মুহূর্তে । শাস্ত্র প্রমত্ত হৃদয় তুলে চল ছুটে যাই  
মৃত্যুর লীলাক্ষেত্রে, যা দেখে চমকে উঠবে ত্রিভুবনবাসী, সভয় উল্লাসে  
চীৎকার ক'রে বলবে এ প্রেমসাজ কি রণসাজ ! [ মানসীকে বাহুপাশে  
আবদ্ধ করিয়া বীর পাদক্ষেপে গমনোত্তম ]

### গীতকণ্ঠে স্মৃতির প্রবেশ

স্মৃতি ।—

গীত

সামনে অঁধার ঘনিয়ে আসে আমি এখন যাই ।

রবে না শূন্য আসন, পূর্ণ করবে ভাই ।

তোমার জীবন-নদীর শাস্ত্র বুক,

প্রলয় তুফান আসছে ককে,

সামলানো দায় তরী এবার হাল ধরেছে ভাই ;—

[ প্রস্থান ।

## গীতকণ্ঠে দুঃখের প্রবেশ

দুঃখ ।—

### পূর্ব গীতাংশ

তোমার জীবন এখন মরণ-পথে আমি তোমার সাথী তাই ।

কলহাসুর । এসেছো—এসেছো বন্ধু, তবে তুমিও হাত ধর  
আমার, নিয়ে চল আমার অন্ধকারে—আরও গাঢ়—আরও গাঢ়  
মসীকৃষ্ণ অন্ধকারে—যেখানে দৃষ্টি চলে না—সেইখানে—

[ সকলের প্রস্থান ।

### ষষ্ঠ দৃশ্য

ত্রিদিব-তোরণ-সন্নিহিত রণস্থল

### অর্জুন ও জয়ন্তের প্রবেশ

অর্জুন । কুমার জয়ন্ত,  
অর্ধ সেনাদল ল'য়ে  
রচিয়া শকট-ব্যূহ  
পূর্ব দিক হ'তে হও অগ্রসর ।  
দক্ষিণে রহিবে মৃত্যুপতি  
মৃত্যু দিতে অরাতিরে ভীমদণ্ড করে—

## পিতার অভিলাষ

বেড়িয়া পার্কত্য পথ  
উত্তর তোরণে মত্ত ঘুর্নীসম  
আক্রমিবে দানবের চমু !  
জানি আমি পশ্চিম তোরণ  
অতীব সুগম পথ পুরী প্রবেশের,  
সেই পথ রবে আগুলিয়া  
আপনি দানবপতি সুনিশ্চয় ;  
সেই পথে আক্রমিব আমি ।  
বাসনা কলম্ব সনে দৈরথ-সমর ।

অয়স্ত ।

জানি সবিশেষ—  
পূর্বদিক রক্ষা করে  
সেনাপতি বজ্রবাহু  
সঙ্গে ল'য়ে দশ সহস্র সেনা—  
সমরে দুর্ধর্ষ যারা !  
তবু আশা মনে,  
নিমেষে জিনিব আমি দানব-বাহিনী

অর্জুন ।

সাবাস্—সাবাস্ বীর !  
বীরত্ব বাধানি তব !  
যাও বীর, বীরদর্পে হও আগুলান  
অত্যাচারী দানব-দলনে ।

[ অয়স্তের প্রস্থান ।

পিতার সুযোগ্য পুত্র—  
বীরশ্রেষ্ঠ কুমার অয়স্ত !

# ঐশ্বর্য অভিশাপ

## ইন্দ্রের প্রবেশ

অর্জুন ।      এ কি দেবেন্দ্র !  
লহ দেব, দাসেব প্রণতি ।  
ল'য়ে শিবে চবণেব ধূলি  
বিজয়-কবচ,  
ঝাঁপ দিই ছবস্ত আহবে ।

ইন্দ্র      জয়যুক্ত হও বৎস, কবি আশীর্বাদ !  
মনেতে বিস্ময় মানি  
হে বীব ফাস্তনী,  
একা তুমি যাবে পশ্চিম তোবণে,  
রক্ষা কবে যে তোরণ  
অগণিত সেনাদহ  
দৈত্যবীব কলঙ্ক-অসুর ?  
স্ব-ইচ্ছায় আপনাবে  
নিষ্কপিতে বিপদ-পাথাবে ?  
নহে ইহা স্তবুদ্ধিব পরিচয়  
বৎস ধনঞ্জয় !

অর্জুন      আশঙ্কা নাহিক কিছু  
দেবেন্দ্র বাসব,  
শূলীশঙ্কু দত্ত মহাশূল  
এই পাণ্ডপত মহাঅঙ্গ  
করে যতক্ষণ,

## ঐশ্বর্য অভিশাপ

ত্রিভুবনে অজেয় অর্জুন ।  
নগণ্য দানবদল  
অতি ক্ষুদ্র মুষিকের প্রায়  
ক্ষিপ্ত শার্দূলের পাশে ।  
যান প্রভু বিশ্রাম আগারে,  
থাকুন প্রফুল্ল মনে প্রতীক্ষা করিয়া  
সুসংবাদ দানব-নাশের ।

[ নেপথ্যে দৈত্যসেনাগণের জয়োল্লাস-ধ্বনি ]

ইন্দ্র           এ কি ! অকস্মাৎ আসে কেন  
                  দানবের জয়োল্লাস ধ্বনি  
                  ওই দিক হ'তে ধনঞ্জয় ?  
অর্জুন ।       নহে প্রভু আশঙ্কার হেতু ;  
                  শুধু জয়োল্লাস-ধ্বনি  
                  শুধু আশ্রুতৃপ্তি হেতু !  
                  মূর্খ দানবের দল সন্দিহান মনে,  
                  বুঝি ডরে না করিবে আক্রমণ  
                  দেবসেনাদল পশ্চিম তোরণ হ'তে ;  
                  তাই এ উল্লাসধ্বনি !  
                  যান প্রভু—যাই আমি,  
                  কালব্যাজ না করিব আর !  
                  অচিরাৎ সন্দেহ ভঞ্জন করি  
                  মূর্খ দানবের প্রবেশিব পশ্চিম তোরণে ।

[ অর্জুন ও ইন্দ্রের প্রস্থান । ]

## স্বপ্ন অভিশাপ

সসৈন্য কলম্বাসুরের প্রবেশ

কলম্বাসুর । সাবধান সৈন্যগণ !  
রক্ষা কর পশ্চিম তোরণ—  
রচি ব্যহ অর্ধচন্দ্রাকারে ।  
আসিতেছে পাণ্ডব ফাল্গুনী  
সাথে তার দেব-অনীকিনী ।  
শুনিয়াছি সমরে দুর্বার বীর,  
তথাপি সে মর্ত্যের মানব  
জরা-মরণের দাস !  
আসিতেছে নির্কোষ অধম  
স্ব ইচ্ছায় আলিঙ্গিতে নিশ্চিত মরণ !

অর্জুনের প্রবেশ

অর্জুন । কার কথা কহিতেছ দৈত্যবীর ?  
কে করিবে আলিঙ্গন নিশ্চিত মরণে ?  
তুমি না আমি ?

কলম্বাসুর । তুমি—তুমি নির্কোষ মানব !  
ভুবনে অজেয়  
দৈত্যপতি কলম্ব-অসুর  
সাথে যার—  
অগগন দানব সেনানী ।  
তার সনে একেশ্বর যুঝিতে বাসনা



## অষ্টম অধ্যায়

উন্মাদ কল্পনা মানবের ।  
উন্মত্ততা করি পরিহার  
যাও ফিরি বুদ্ধিহীন নর,  
ঢাকি মুখ চুপিসারে  
আপন আলয়ে ।

অর্জুন । দন্ত দেখি আকাশ প্রমাণ  
মদমত্ত দানবের !  
উন্মত্ততা কার—  
প্রমাণিত হইবে এখনি  
অস্ত্র ধরি হৃদয় যুদ্ধে  
মানবের সনে ।

কলশাসুর আত্মরক্ষা কর তবে  
প্রগল্ভ মানব !

[ আক্রমণ করিল । ]

অর্জুন । সাবধানতার ওই বাণী—  
কহিতেছি আমিও দানবরাজ !

[ আক্রমণ করিল । ]

[ কলশাসুর ও দানবসেনাগণ অর্জুনকে বেষ্টিত করিয়া যুদ্ধ  
করিতে লাগিল । অর্জুন পাশুপত অস্ত্র যোজনা করিয়া  
তাহাদের আক্রমণ প্রতিরোধ করিতেছিল । পাশু-  
পতের মুখে দীপ্তবহ্নি প্রজ্জ্বলিত হইল । দানব-  
সেনাগণ সতয়ে পলায়ন করিল । কলশাসুরের

## স্বপ্ন অভিশাপ

শূলের মুখে আর বহি প্রজ্জ্বলিত হইল না ।  
কিছুক্ষণ যুদ্ধ করিয়া দানবরাজ কলম্বাসুর  
পলায়ন করিল ; অর্জুন তাহার  
পশ্চাদ্ধাবিত হইল । ]

বেগে মানসীর প্রবেশ

মানসী । কি আশ্চর্য্য ! একক অর্জুন  
বিমুখিল দানব-বাহিনী !  
ব্যর্থ হ'লো সম্রাটের ঋষিদত্ত শূল !  
হেন অলৌকিক যাত্নমন্ত্র  
কে দিল অর্জুনে ?  
নাহি পথ—  
স্বনিশ্চিত অর্জুনের জয় !  
পতন অবশ্যস্তাবী দানবের !  
মা কপালিনী,  
কি করিলি—কি করিলি—  
পাষণী জননী !

সশঙ্কিত পাদক্ষেপে অস্ত্রহীন বিবর্ণ মুখে  
কলম্বাসুরের প্রবেশ

মানসী । একি, তুমি !

কলম্বাসুর । চিন্তে পেরেছ আমায় ? এখনো আমায় চেনা যায় ?

## স্বপ্ন অভিশাপ

তা হ'লে নিশ্চয়ই তুমি অর্জুনের চর—আমায় ধরিয়ে দেবে! আমার মুণ্ডটা যে দেবরাজের প্রয়োজন—অনেক মূল্য দেবে। দোহাই তোমার—দোহাই তোমার—আমায় ধরিয়ে দিও না, আমি মরতে পারবো না—আমি মরতে পারবো না।

মানসী। চিন্তে পারছে না আমায়? তুমি কি হয়েছ বল তো?  
আমি যে—

কলহাসুর। তুমি যে—তুমি—তুমি—এঁটা মানসী! আমায় লুকিয়ে রাখ মানসী, মৃত্যু আমার পেছনে ধেয়ে আসছে! ওই—ওই বিশ্বগ্রাসী কালানল! ওঃ, জ্বলে মলুম—পুড়ে মলুম। মানসী! মানসী! আমায় বাঁচাও—[ সন্ধ্যাহারার মত ভূপতিত হইল। ]

### গীতকণ্ঠে ভোলা-পাগলের প্রবেশ

ভোলা।—

#### গীত

তোর খেলাঘরের সাধের খেলা আজকে ভেঙেছে।

কপাল ভাঙ্গা মন্দ হাওয়া বইতে লেগেছে।

তোর এতদিনের সাজানো ঘর,

ভেঙে দিতে আসছে যে ঝড়,

আকাশ কোণে কালো মেঘ আপনি জমেছে—

ঝিলিক-মারা বিজলী রেখা দেখা দিয়েছে।

[ প্রস্থান। ]

### অদূরে অর্জুনের প্রবেশ

মানসী। কে? কোথা যাও?

## অজ্জুন অভিশাপ

অজ্জুন। পথ ছাড় কল্যাণী! কলহাস্তব যুদ্ধে পবাজিত তাকে বন্দী ক'বে দেববাজেব কাছে নিষে যাবো।

মানসী। তা হবে না। ইনি আমার আশ্রিত—শবগাগত! আমাষ বধ না ক'বে এ'ব অঙ্গ স্পশ কব'তে পাববেন না।

অজ্জুন। আমি যে দেববাজ কতৃক আদিষ্ট হযেছি কল্যাণী। এ আমার কর্তব্য। ওকে পবিহাব কব।

মানসী। আশ্রিতবক্ষণ আমারও কর্তব্য। আশ্রিত পবিহাব মহাপাপ, তা কি আপনি জানেন না?

অজ্জুন। জানি, কিন্তু—

মানসী। এতে আব কিন্তু নেই বিজয়ী অজ্জুন।

অজ্জুন। তা হ'লে তুমি ওকে পবিত্যাগ কব'বে না?

মানসী। না—আমাকে হত্যা না ক'বে তোমাব এ সঙ্কল্প সিদ্ধ হবে না।

অজ্জুন। না—এইখানেই আমার পবাজয। বমণী'ব অঙ্গে অজ্জাঘাত করতে আমি পাব'বো না। মা, তুমি তোমাব স্বামীকে নিয়ে কোন নিবাপদ স্থানে চ'লে যাও, কেউ তোমাব স্বামী'ব গায়ে হাত দেবে না।

মানসী। আসুন সম্রাট, আমবা পাতালপুবে চ'লে যাই—

কলহাস্তব। তাই চল, গাট অন্ধকাবে মুখ লুকিয়ে চোবেব মত আমবা পাতালপুবীতে পালিয়ে যাই চল।

[ কলহাস্তব ও মানসী'ব প্রস্থান। ]

অজ্জুন। বমণী হত্যা ক'বে দেববাজেব আদেশ পালন করতে আমি পাব'বো না, তাতে আমার দণ্ড হয়, মাথা পেতে নেবো।

## স্বপ্ন অভিশাপ

### ইন্দ্রের প্রবেশ

ইন্দ্র। সাধু কুন্তীপুত্র, সাধু; এ আমার আদেশ নর বংশ,  
পরীক্ষা, আর সে পরীক্ষায় তুমি উত্তীর্ণ। জয়ন্ত!

### জয়ন্তের প্রবেশ

জয়ন্ত। পিতা!—

ইন্দ্র। আগামী পূর্ণিমায় আমাদের হবে বিজয়-উৎসব। উৎসবের  
প্রধান অতিথি আমার পরম স্নেহাস্পদ বিজয়ী বীর অর্জুন, তার  
চিত্ত-বিনোদন করতে ঐ দিন নন্দনের নৃত্যশালায় নৃত্যকলা দেখাবে  
অম্বরাকুলরাণী উর্বশী। বুঝেছ? যাও, তার আয়োজন কর গে।

জয়ন্ত। যথা আজ্ঞা—

[ সকলের প্রস্থান।

## পঞ্চম অঙ্ক

### প্রথম দৃশ্য

নন্দনকানন—নৃত্যশালা

[ ইন্দ্র, কুবের, যম, বরুণ, পবন, জয়ন্ত ও অর্জুন যথাযোগ্য আসনে উপবিষ্ট ; অভিনব ছন্দে অপ্সরাকুলরাণী উর্বশী নৃত্য আরম্ভ করিল । অকস্মাৎ তাহার দৃষ্টি পড়িল অর্জুনের দিকে । সে সেদিকে লক্ষ্যপ না করিয়া নৃত্য করিতে লাগিল । নৃত্য করিতে করিতে আর একবার সে অর্জুনের দিকে চাহিল । এবার যেন তার দৃষ্টি অপলক ! কোনরূপে দৃষ্টি ফিরাইয়া লইয়া সে তাহার নৃত্যকলা দেখাইতে লাগিল । তারপর তার চঞ্চল দৃষ্টি ঘন ঘন নিপতিত হইতে লাগিল অর্জুনের দিকে ! শেষে ঐ দৃষ্টি হ'লো পলকহীন—সে হারিয়ে ফেললে তার নৃত্যের ছন্দ ! সহসা হ'লো তাল ভঙ্গ ! সভাস্থ সকলে বিরক্ত হইয়া উঠিলেন । ]

ইন্দ্র । একি উর্বশী, হঠাৎ তাল ভঙ্গ হ'লো যে !

[ লজ্জাবনত উর্বশীর মুখে কথা ফুটলো না, সে আবার নৃত্য আরম্ভ করলো নূতন ক'রে । তারপর সেই দৃষ্টি—প্রথমে ভয়চকিত—তারপর ঘন ঘন—তারপর হ'লো পলকহীন । আবার হ'লো সে ছন্দহারা—শেষকালে হ'লো তাল ভঙ্গ । ]

## স্বপ্ন অভিশাপ

ইন্দ্র । [ ভৎসনা সূচক স্বরে ] উর্ধ্বশী, আজ তুমি সংঘম হারিয়েছ, আবার তুমি তাল ভঙ্গ করলে । মনে রেখো, এ তোমার অমার্জনীয় অপরাধ ।

[ পুনরায় উর্ধ্বশী নৃত্য আরম্ভ করিল, এবারেও উর্ধ্বশীর অবস্থা হ'লো আগের মত—এবারেও হ'লো তার তাল ভঙ্গ । সে লজ্জাবনত বদনে বসিয়া পড়িল । ]

ইন্দ্র । [ রোষকষায়িত নেত্রে উর্ধ্বশীর দিকে চাহিয়া পরুষকণ্ঠে ] হুর্ধ্বনীতে ! তোমার এ অমার্জনীয় অপরাধের জন্ত তোমার শাস্তি নিতে হবে । তোমার শাস্তি—

অর্জুন । [ চকিতে আসন ত্যাগ করিয়া দেবরাজের সম্মুখে নতজানু হইল । ] আমি নতজানু হ'য়ে যুক্তকরে অপ্সরাকুলরাণী উর্ধ্বশীর জন্ত মার্জনা ভিক্ষা করছি দেবরাজ, আজ বিজয়-উৎসবের মহা আনন্দের দিনে হতভাগিনীকে শাস্তি দিয়ে এমন অনাবিল আনন্দ-সুধাকে নিরানন্দের তীব্র হলাহলে পরিণত করবেন না সুরপতি ! পরম স্নেহাস্পদ ব'লে চরণের তলে যাকে স্থান দিয়েছেন, তার এ সনির্ভঙ্ক অনুরোধ রক্ষা করুন ।

ইন্দ্র । বৎস অর্জুন, তোমাকে অদেয় আমার কিছুই নাই । কিন্তু তুমি মনে রেখো উর্ধ্বশী, আর একদিন তোমায় এ ক্রুটি সংশোধন করতেই হবে ।

উর্ধ্বশী । সুরপতির আদেশ শিরোধার্য্য !

[ সভা ভাঙ্গিয়া গেল, দেবতাদের সঙ্গে অর্জুন

ধীরে ধীরে বাহির হইয়া গেল । ]

উর্ধ্বশী । [ ধীরে ধীরে উঠিয়া দাঁড়াইয়া ] ভুবনবিজয়ী অর্জুন

## স্বপ্ন অভিশাপ

মর্ত্যবাসী, হীন মানব! কিন্তু অতি সুন্দর—অতি সুন্দর! দেবসভায়  
আজ আমি অপমানিত—লজ্জিত, কেমন করে দেবসমাজে দেখাবো  
এই অপমান-মসিলিপ্ত মুখ? এ অপমান, এ লজ্জা কার জন্ত? জরা  
মৃত্যুর দাস মর্ত্যবাসী একজন হীন মানবের জন্ত। আমি প্রতিশোধ  
নেবো? কিন্তু কেন? কি অপরাধে? সে তো কোন অপরাধ করে  
নি—অপরাধিনী আমি। কেন আমি তাকে দেখলুম? কেন তার  
রূপ দেখে আত্মহারা হলুম? মান খুইয়ে প্রবৃত্তিকে জলাঞ্জলি দিয়ে  
কেন আমার মন ছুটে গেল সেই মানব-অতিথির দিকে? আমি যে  
নিজের অজ্ঞাতে আমার সর্বস্ব দিয়ে ফেলেছি সেই মানব-অতিথির  
পায়ে। ফিরবে না—ফেরাতে পারবো না; সে যে অতি সুন্দর—অতি  
সুন্দর—অতি সুন্দর—

[ চিন্তিতভাবে প্রস্থান।

### দ্বিতীয় দৃশ্য

অর্জুনের শয়নকক্ষ

অর্জুন কক্ষমধ্যে পাদচারণা করিতেছিল

অর্জুন। শ্রান্ত ক্লান্ত অবসন্ন দেহ,  
তবু তজ্জা নাহি আসে!  
অকারণ মনের উদ্বেগ,  
চিন্তা রাশি রাশি



## ঐশ্বর্য অভিশাপ

বিত্রাস্ত করিছে মোরে !  
মনে পড়ে নন্দনের নৃত্যশালা,  
ভুবনমোহন নৃত্য উর্বশীর !  
হেতু না খুঁজিয়া পাই—  
কেন হ'লো তাল ভঙ্গ তার !  
পেতো শাস্তি অভাগিনী,  
আমা লাগি শুধু  
দেবরাজ করিলেন ক্ষমা ।  
মনে পড়ে সেই ক্ষণে  
সকরুণ দৃষ্টি উর্বশীর !  
যেন অন্তরের কৃতজ্ঞতা  
দৃষ্টিতে জানালো !  
সেই সে সলজ্জ কাতর দৃষ্টি তার  
ভুলিবার নয় ।  
ফুরায়েছে স্বর্গবাস কাল,  
যেতে হবে মরতে ফিরিয়া ।  
কে ?

ধীরে ধীরে উর্বশীর প্রবেশ

উর্বশী ।

আমি—উর্বশী ।

আসিয়াছি হৃদয়ের

কৃতজ্ঞতা জানাতে তোমার ।

দেবেন্দ্রের রোষ-বহ্নি হ'তে

## স্বপ্নের অভিশাপ

তুমি করিয়াছ ত্রাণ  
অযাচিত অপ্রত্যাশিত ভাবে,  
সে কারণ কৃতজ্ঞতা—  
অর্জুন । এই গুণে  
মহীয়সী তুমি ত্রিভুবনে ।  
তথাপি গো দেবারাধ্যা দেবী,  
করেছ অশ্রায়  
এই ঘোর নিশাকালে  
একাকী রমণী  
প্রবেশি আমার কক্ষে ।  
তোমা সনে নিভৃত আলাপ  
লোকচক্ষে হবে নিন্দনীয় ;  
ছূর্ণাম রটিবে,  
লাজে মুখ লোকের সমাজে  
দেখাবো কেমনে বল  
অপ্সরাকুলের রাণী উর্কশী সুন্দরী ?

উর্কশী । কেন লজ্জা—কিসের ভাবনা ?  
দেবের অতিথি তুমি  
ছূঁদিনের তরে,  
চ'লে যাবে নিজালয়ে  
ছূঁদিনের পর,  
তব নাম স্মৃতিপথে  
রহিবে না কারো !

## ঋতুর ন অভিশাপ

কেন তবে অলীক ভাবনা ?  
কেন লজ্জা মিথ্যা দুর্নামের ।  
বীরেন্দ্র পুরুষ তুমি  
রমণীর কামনার নিধি,  
ভরিয়া প্রেমের ডালা  
নবীন সম্ভারে  
আজি তব দ্বারে প্রেম-পাগলিনী—  
লোকললামভূতা উর্ধ্বশী স্নন্দরী ।  
কেন হেন উদাসীন  
পুরুষ প্রধান ওগো বীরেন্দ্র কেশরী,  
রমণীর প্রেম-অর্ঘ্য করিতে গ্রহণ ?  
তুচ্ছ কৃতজ্ঞতা হ'তে  
আরো বড়—আরো বড় যাহা ?  
দেব-অর্ঘ্য স্বেচ্ছায় অর্পিত আজি  
মানব-চরণতলে,  
সমাদরে তাহা  
হে মানব, করহ গ্রহণ ।  
দেবভোগ্যা—দেবেন্দ্র বাঞ্ছিতা  
তুমি উর্ধ্বশী স্নন্দরী !  
আমি দেবতার দাস,  
জন্মদাতা পিতা মোর  
দেবেন্দ্র বাসব ।  
পিতৃভোগ্যা নারী তুমি

অর্জুন ।

## স্বপ্ন অভিশাপ

জননী সমান,  
তব মুখে হেন হীন বাণী  
অশোভন—  
অতি অশোভন দেবী !  
ভুল করিয়াছ তুমি আসিয়া হেথায়,  
ভুল করিয়াছ দুর্ভাক্য বলিয়া,  
ফিরে যাও অন্ততপ্ত-হ'য়ে,  
কর গিয়ে প্রায়শ্চিত্ত এ মহা ভুলের ।  
উর্ধ্বশী । তুমি ভুল করিতেছ বীরেন্দ্র ফাস্তুনী !  
স্বর্গের গণিকা আমি  
কামের বেসতি করি,  
প্রেমভাব নাহি আসে মনে,  
দেবতার সনে  
প্রেমহীন কামচর্চা শুধু ।  
আজি নেহারি তোমায়  
জর জর কন্দর্পের বাণে,  
উছলিত প্রেমসিন্ধু  
হিয়ার মাঝারে—  
গণিকার জীবনে নূতন !  
তাই কহি বীরবর পুরুষ সুন্দর,  
নাহি দোষ প্রেমের পূজায় ।  
এসো প্রিয়ে,  
এসো ওগো কামনার নিধি,

## স্বপ্ন অভিশাপ

তুলে নাও বক্ষোপরে  
প্রেম-পাগলিনী দাসীরে তোমার ।

[ অর্জুনের পদতলে পতন । ]

অর্জুন । সংরে যা শৈরিণী—কামাক কুকুরী !

চিরপূতঃ মাতৃ-সন্তাষণ

অনায়াসে উপেক্ষা করিয়া

কামনার দাসী তুই নিল'জ্জা অঙ্গরী

কামচক্ষে চাস্ সন্তানের প্রতি ?

এত হীন

এতই জঘন্য প্রবৃত্তি তোর ?

ধিক—শতধিক তোরে লজ্জাহীনা,

দূর হ'য়ে যাও সম্মুখ হইতে ।

উর্ধ্বশী । এত ঘৃণা—এত অপমান ! দেবভোগ্যা মহিমময়ী উর্ধ্বশীর  
অযাচিত প্রেমে এত অবজ্ঞা ! অস্পৃশ্য ঘৃণিত মানবের এতখানি  
দর্প ! অসহ, নিতান্ত অসহ ! বলদর্পী অর্জুন, অঙ্গরাকুলরাগী উর্ধ্বশীর  
অযাচিত প্রেম উপেক্ষা ক'রে আজ তুই নিজের সর্কনাশ নিজে ডেকে  
আন'লি, আমি তোকে অভিশাপ দিচ্ছি—

অর্জুন । [ আকুলস্বরে ] মা—মা !

উর্ধ্বশী । আমি তোকে অভিশাপ দিচ্ছি, যে পুরুষ মদনবাণ-  
জর্জরিতা কামিনীর কামনা পূর্ণ করতে অসমর্থ, সে পুরুষ নয় ক্লীণ,  
আমি আভিশাপ দিচ্ছি, তুই ক্লীবস্ব প্রাপ্ত হবি ।

অর্জুন । ওঃ—বিনাদোষে অভিশাপ ! রাক্ষসী ! পিশাচী ! কামাক  
কুকুরী ! আজ তুই স্নেহময়ী জননীর মর্যাদা পেয়েও—জগন্মাতার

## নটীর অভিশাপ

অংশসত্ত্বতা কামিনী হ'য়েও মাতৃস্বেব অবমাননা ক'বে যে পাশবিক মনোবৃত্তিব পরিচয় দিলি, আমার আভিশাপে তুইও পশুত্ব প্রাপ্ত হবি। কামুকী অধিনী হ'য়ে কামতৃষ্ণা মেটাবি ঐ জাতীয় কামোন্মত্ত বিচার বিবেচনাহীন পশুব সঙ্গে!

উর্ধ্বশী। [ একটা অশ্রুট আর্তনাদ কবিতা ছুটিয়া পলাইল। ]

অর্জুন। নিষ্ঠুর প্রাক্তন! ভুবনজয়ী অর্জুনেব আজন্ম কর্তব্যনিষ্ঠার কি এই পরিণাম! জীবনব্যাপী ধর্মনিষ্ঠাব কি এই প্রতিদান? অমরাব মহান্ গৌরব অন্বেষণের সফল স্বরূপ শিবে ব'য়ে নিয়ে যেতে হবে নটীর অভিশাপ!

দৈববাণী। আক্ষেপ ক'বো না কুস্তীপুল, এটা তোমার শাপে বব। বৎসরেক কালের জন্তু যখন বিরাট আলয়ে পাণ্ডবদের অজ্ঞাত বাসেব প্রয়োজন হবে, তখন দেবতার আর্শীর্ষাদের মত তোমার উপকারে আসবে এই “নটীর অভিশাপ”।

---

স্ববনিকা

প্রসিদ্ধ প্রসিদ্ধ যাত্রাদলের নূতন নাটক ;

শ্রীপাঁচকড়ি চট্টোপাধ্যায় প্রণীত

নূতন ঐতিহাসিক পঞ্চাঙ্ক নাটক

নবাব মীরকাশিম

সত্যধর অপেরায় সুখ্যাতির সহিত অভিনীত মূল্য ২১ টাকা।

**পাষাণী** শ্রীফণিভূষণ বিজ্ঞানিনোদ প্রণীত। সুবিখ্যাত সতীশ মুখার্জীর যাত্রার “বিজয়-বৈজয়ন্তী”। স্বামী-দেবতার অভিশাপে অহল্যা কিরূপে পাষাণী হইলেন, আবার শ্রীরামচন্দ্রের শ্রীচরণস্পর্শে পাষাণী অহল্যা কেমন করিয়া মানবী হইলেন, তাহার জীবন্ত চিত্র দেখুন। অভিনয় দর্শনে প্রাণ কাঁদিয়া উঠে, পাঠ করিলে প্রাণও বিগলিত হয়। সহজে অভিনয় হয়। (সাঁচত্র) মূল্য ২১ টাকা।

**রাখীবন্ধন** শ্রীপাঁচকড়ি চট্টোপাধ্যায় কৃত ঐতিহাসিক নাটক, সেই ভারতগৌরব মেবারের বীরস্ব-কাহিনী! চিড়িমারপুত্র মনুলালের সহিত রাজপুত্রী লক্ষ্মীর বিবাহ, বিলাসী রাণার ঔদাসীত্বে মালবাধিপতি বাহাদুরসার মেবার আক্রমণ, মেবারের বিরুদ্ধে মনুলালের যুদ্ধ, হুমায়ূনের নিকট কর্ণদেবীর রাখী প্রেবণ প্রভৃতি। মূল্য ২১ টাকা।

**রামানুজ** সীতাহারা শ্রীরামচন্দ্রের ব্যাকুল উন্মাদনা—মাতৃহারালব-কুশের হাহাকার—ছায়াসীতার আকুল আহ্বান—মহাকালের তাণ্ডব নর্তন—শ্রীরামচন্দ্রের লক্ষণবর্জন—উর্ষিলার সক্রমণ বিলাপ—গুহক চণ্ডালের দুর্জয় অভিমান—লক্ষণের সরযুপ্রয়াণ প্রভৃতি। মূল্য ২১ টাকা।

**ষদুপতি** শ্রীমণিক্রমলাল ঘোষ প্রণীত পৌরাণিক নাটক। সত্যধর অপেরায় অভিনীত! শ্রীকৃষ্ণদেবী সৌভ-রাজ শাষের শিব-সাধনায় বরলাভ—শ্রীকৃষ্ণসহ ভীষণ সংঘর্ষ। প্রতিহিংসা পরায়ণ বিদুরথের নির্মমতার অভিনয়—মহা-কালীর নিকটে নরবিলাদান—মহাকালীর আবির্ভাব। গণিকা অলকার জীবনের যুগান্তর। স্বপ্নলোকে অভিনয় হয়। মূল্য ২১ টাকা।

প্রসিদ্ধ প্রসিদ্ধ যাত্রাদলের নূতন নাটক :

**অভিনয় শিক্ষা** শ্রীযুক্ত বিনয়কৃষ্ণ মুখোপাধ্যায়  
সঙ্কলিত। কোন রস—কি ভাবে

পরিষ্কৃত করিতে হয়—কোন ক্ষেত্রে কিরূপ ভাবভঙ্গীর প্রয়োজন হয়—  
কোন স্থলে কেমন করিয়া অন্তর্নিহিত ভাবধারার বিকাশ করিতে হয়—  
তাহা সম্যকরূপে বুঝান হইয়াছে। চিত্রসহ মূল্য ৮০ আনা।

**বিদর্ভ-নন্দিনী** শ্রীগোবর্দ্ধন শীল প্রণীত। সত্যেশ্বর  
অপেরায় অভিনয় হইতেছে।

লক্ষ্মী অংশে বিদর্ভরাজ ভীষ্মক-হৃহিতারূপে কৃষ্ণিণীর জন্মগ্রহণ—ভীষ্মকরাজ  
কর্তৃক শ্রীকৃষ্ণ সহ কৃষ্ণিণীর বিবাহ উদ্যোগ ও কৃষ্ণদেবী ভীষ্মক-রাজপুত্র  
কৃষ্ণের বিদ্রোহভাব ও বিবাহে বাধা দিবার জন্য শিশুপালের সহিত ভীষণ  
যড়যন্ত্র। কৃষ্ণিণীর সহ শ্রীকৃষ্ণের পরিণয়। মূল্য ২১ দুই টাকা।

**নরকাসুর** ভোলানাথ কাব্যশাস্ত্রী প্রণীত। বরাহরূপী  
নারায়ণেব ঔরসে পৃথিবীর গর্ভে নরকের

উৎপত্তি, কোশলে দৈত্যরাজকুমারী স্বর্গের সহিত নরকের বিবাহ, বিশ্ব-  
কর্মার বন্দীত্ব ও দুর্গনির্মাণ, শ্রীকৃষ্ণের সহিত নরকের যুদ্ধ, শ্রীকৃষ্ণের  
পরাজয়, কোশলে পৃথিবীর নিকট নরকধ্বংসের সম্মতলাভ, নরকাসুরের  
মৃত্যু, স্বর্গের সহমরণ। মূল্য ২১ দুই টাকা।

**অনার্য্যনন্দিনী** পাঁচকড়ি চট্টোপাধ্যায় প্রণীত।  
ভাণ্ডারী অপেরায় অভিনীত

পৌরাণিক পঞ্চাঙ্ক নাটক। মগধেশ্বর শালিবানের মাতৃভক্তি—বাজ-  
সিংহাসন ত্যাগে ছদ্মবেশে দেশ-দেশান্তরে ভ্রমণ—অনার্য্যগুরু আপস্তম্বের  
আর্য্যের প্রতি বিদ্রোহহেতু মারণ যজ্ঞের অনুষ্ঠান। রাজবলি—নরবলি—  
নারী-বলির আয়োজন। ২১ দুই টাকা।

**সিরাজদ্দৌলা** শ্রীযুক্ত শশাঙ্কশেখর বন্দ্যোপাধ্যায় প্রণীত। সেই  
ভাণ্ডারী অপেরায় মুকুটমণি। ৫ খানি চিত্র সহ

মূল্য ২১ দুই টাকা।

**রক্ত-মুকুট** শ্রীবিনয়কৃষ্ণ মুখোপাধ্যায় প্রণীত। সত্যেশ্বর  
অপেরা পাটিতে অভিনীত হইতেছে।

ক্লম্বোধার সত্রাট বৃকপুত্র তালজয় ও বাহুর ভীষণ সংঘর্ষ। অন্ন লোকে  
অভিনয় হয়। মূল্য ২১ দুই টাকা।



## প্রসিদ্ধ প্রসিদ্ধ যাত্রাদলের নুতন নাটক

চণ্ডীদাস ( ফণী ) ২, বাসুদেব ( ফণী ) ২।০ বামন অবতার ( ভোলা-  
নাথ ১।০ চক্রহাস ২, সৌরিন্দ্র—আত্মাহুতি ২, ধর্মবল ২, গ্রহশাস্তি ২,  
শাপ মুক্তি ২, ব্যাথার পূজা ২, পলাশীর পরে ২, আগুন নিয়ে  
খেলা ১।০। ব্রজেন বাবুর চণ্ড-মুকুল ২, ( বিনয় )—বাংলার কেশরী ২,  
জাতীয় পতাকা ২, সোনার বাংলা ২, যজ্ঞাহুতি ( ভোলানাথ )  
২।০ ভ্রান্তিবিলাস ( পাঁচকড়ি ) ২, মুক্তিযজ্ঞ ২, উমাতারা ২,  
মায়াশক্তি ২।

পৃথিবী ( ভোলানাথ ) ২, উর্ধ্বশী ( কেদারনাথ ) ২, প্রমীলার্জুন  
( সুরেশ ) ১।০ সমুদ্র মন্ডন ( অঘোর ) ২, মাল্যবান ( অভয় দত্ত ) ২,  
তুলসীদাস ( ভূপতি ) ২, রাজ্যশ্রী ( ভূপতি ) ২, পঞ্চনদ ( ভোলানাথ ) ২,  
পাষণী ( ফণীবাবু ) ২, ভায়্রবজ ( হারাধন ) ২, জাহ্নবী ( ভোলানাথ ) ১।০  
নরকাসুৰ ( ভোলানাথ ) ২, রামানুজ ( ফণীবাবু ) ২, ত্রিশক্তি ( বিনয় ) ২,  
স্বদেশ ( বিনয় ) ২, অসবর্ণা ( শশাঙ্ক ) ২, রাখাবন্ধান ( পাঁচকড়ি ) ২,  
বাজা সীতারাম ( শশাঙ্ক ) ২, নবাব সিরাজদ্দৌলা ( শশাঙ্ক ) ২, শ্রীবৎস-  
চিন্তা ( নিতাই ) ২, নারী ঋষি ( পঙ্কজ ) ২, মায়ের দেশ ( ফণীবাবু ) ২,  
দময়ন্তী ( অঘোর ) ২, বামকৃষ্ণ ( ফণীবাবু ) ২, ভাগ্যদেবী ( ফণীবাবু ) ২,  
রক্তমুকুট ( বিনয় ) ২, অনার্য-নন্দিনী ( পাঁচকড়ি ) ২, বজ্রনাভ ( ব্রজেন বাবু )  
২, যত্নপতি ( মণীন্দ্র ) ২, পার্থ-বিজয় ( পঙ্কজ ) ২, দক্ষিণা ( মনুথ ) ২,  
পুষ্প-সমাধি ( বিনয় ) ২, তিলোত্তমা ( পঙ্কজ ) ২, প্রেমের পূজা  
( বেণী ) ২, বিদর্ভ-নন্দিনী ( গোবর্দ্ধন ) ২, শতশ্বমেধ ( অঘোর ) ২  
অভিনয় শিক্ষা ( বিনয় ) ৫০ ছদ্মস্তকীর্তি ( ভবতারণ ) ২, চন্দ্রধর ( ফণীবাবু )  
২, ধর্মের জয় ( হারাধন ) ২, পিরারে নজর ( পাঁচকড়ি ) ৫০ যুগান্তর,  
( বেণীমাধব ) ২, মণিপুর গৌরব ১।০, মনোজবের মহামুক্তি ১।০,  
দাশরথি মুখোপাধ্যায়—কণ্ঠহার ১৫০, রণভেরী ১।০, সোলিনা ১।০,  
হীরার নথ ১।০। জাহ্নবী ( ভোলানাথ ) ১।০। ( প্রহসন ) আলিবাবা ১।০  
শিবসুন্দর ১।০ চোরের দাবী ১।০ আবুহোসেন ১।০ আলাদিন ১।০  
দায় উদ্ধার ১।০ বঙ্গহরণ ১।০ মুক্তির মন্ত্র ১।০ গুপ্ত গয়ায়  
পিণ্ডদান ১।০।

**ধর্মগ্রন্থ**—পবলোক তত্ত্ব ২১, মোক্ষতত্ত্ব ২১, ব্রহ্মচর্যা-সাধন ২১, সাধক-জীবনী ৩, সশিষ্য শ্রীচৈতন্য ২১, কৃষ্ণপ্রেম তত্ত্ব ২১০, মেয়েদেব ব্রতকথা ২১, বাধাকৃষ্ণ তত্ত্ব ২১০, শ্রীশ্রীচৈতন্য চবিতামৃত ৫১০, তুলসী দাসেব জীবনী ৩১০। কামাখ্যা তন্ত্র ১১, বড় চণ্ডী ১৫০, বাধাতন্ত্র ২১। চণ্ডীদাস ও বিদ্যাপতি ২১, শ্রীশ্রীকীর্তন গীতবদ্যাবলী ৪১, শ্রীশ্রীভক্তমাল গ্রন্থ ৪১, কবিকঙ্কণ চণ্ডী ৯১, মেয়েদেব ব্রতকথা (সাধাবণ) ১১০, গীতামৃত ৫০, চণ্ডী বদ্যামৃত (পদ্ম) ৫০।

**গুপ্তবিষয়ক**—গুপ্তগৃহ ২১০, কামসূত্র ১১০, কামকলা ২১, যৌবন পথে ২১০, গুপ্তচিঠি ১১।

**জ্যোতিষশাস্ত্র**—জ্যোতিষকল্পদ্রুম ১১০, জ্যোতিষবিজ্ঞান বহুস্ত ৪১, অদৃষ্ট পবীক্ষা ১০, ফলিত জ্যোতিষ দর্পণ ১১০, সিদ্ধান্ত বহুস্ত ২১০।

**বিবিধ**—কামবদ্য তন্ত্র ১১০, গুপ্তসাধন বহুস্ত ৩১, লক্ষ্মীমঙ্গল ১১, অদ্ভুত যাত্রাবিহা ১১০, পাকপ্রণালী (বড়) ১১০, প্রভাসখণ্ড ২১, বৃহৎ বিষ্ণুদ্ব নিত্যকর্ম পদ্ধতি ১১, বৃহৎ বতিশাস্ত্র ১১০, ছোট বতিশাস্ত্র ৫০, সংসাবতরু বা শান্তিকুঞ্জ ৩ আব্য উপন্যাস ২১, পদ্মচণ্ডী ৫০, পদ্মপুবাণ (দ্বিজবংশী) ২১০, পকেট গীতা ১১, ভৈষজ্য বদ্যাবলী ৪১, ছেনেদেব কপকথা ১১, বামকৃষ্ণ উপদেশামৃত ১০, গোপাল ভাঁড় বহুস্ত ১১।

**কামকলা**—ডাক্তার বি, বি, পাত্র, (এম, ডি U. S. A.) কৃত যৌন বিজ্ঞান সম্বন্ধীয় অভিনব গ্রন্থ, যৌন নির্বাচন, বিবাহেব উদ্দেশ্য যৌন চর্চা প্রভৃতি গুপ্তবিষয়ে পূর্ণ মূল্য ২১।

**উপন্যাস**—বোধন বাড়ী ২১০, যুঁইমহল ৩১, অনন্তপুবেব গুপ্তকথা ২১০, দত্ত গৃহিনী ২১, বেগম মহল ২১০, খুনি কে খুন ১১০, খাতাব শেষ পাতা ২১০, সেনাপতিব গুপ্তবহুস্ত ৩১, প্রেমের বাধন ১৫, বিধিব নির্বন্ধ ২১০, হেমচন্দ্র ২১, ওমাব পাশা ৪১, পঞ্চবদ্য ২১, সোনার সংসাব ২১, স্বামী স্ত্রী ২১০, বাংলাব মেয়ে ২১, বান্ধবী ২১০, স্ত্রী ১১০, একালের মেয়ে ২, জীবন নদীর তীরে ২১, বিজনে বন্দিনী ১১, বাজবালাব গুপ্তকথা ১৫, নির্বাণ ২১, কবাসী বাজ্যে আঠাবো মাস ১১, মা ১১০। ফুলশয্যা ২১। বড়মহল ২১, বাঙ্গালী মেয়েব আকাশ যুদ্ধ ১১০।

**সিনেমায় প্রদর্শিত উপন্যাস সমূহ**—শহব থেকে দূবে ২১০, মানে না নানা ২১০, অভিনয় নয় ২১০, বন্দী ২১, সন্ধি ১৫০, নন্দিতা ২১, ডাক্তার ২১, প্রতিশোধ ২১০, দাবী ২১, আহুতি ২১, সমাধান ২১, কলঙ্কিনী ১১০, এই ত জীবন ২১০, সাত নম্বব বাড়ী ২১০।

